

**NATIONAL ASSEMBLY OF
SEYCHELLES**

Tuesday 28th March, 2023

The Assembly met at 9am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab e nou zofisyé Lasanble ki pe asiste nou, e piblik ki pe swiv nou travay ozordi. Byenveni pou nou travay sa semenn. Koman kominikasyon, mon annan en *Right of Reply* ki mon bezwen met devan Lasanble. E sa *Right of Reply* in ganny sirkile avek bann Manm. *Right of Reply* i sorti kot Mrs Manuella Amesbury, *Chief Electoral Officer Electoral Commission*.

E i lir koumsa,

“In the Sitting of the National Assembly on 22nd March, the Leader of the Opposition stated that the United Seychelles sent a letter to the Electoral Commission on the 1st February 2023, to which the party is still awaiting a response.

The Commission in clarifying the matter, wish to

put on record that it received the following letter, “United Seychelles Party on points discussed during the meeting with political parties” dated 6th February 2023, signed by the Secretary General Mr Wallace Cosgrow.

The letter was addressed to the Chairperson of the Electoral Commission. Our record shows the response was provided by email to the following address: admin@unitedseychelles.net, as provided in the letter issued by the aforementioned party, to the Commission with the following persons in copy:

- 1. Dr Patrick Herminie Party Leader,*
- 2. Mr Melval Dugasse, the Liaison person of US.*

It is to note the content of the letter which was said to have been sent on the 1st of February 2023, and which was read in the National Assembly had the same content as the one dated 6th February received the Commission from the Secretary General.

The Commission states that it never received any letter from the United Seychelles dated 1st February. The Commission in protecting its integrity is submitting along with this letter the following documents to assist the National Assembly in ensuring

the public fully understands that matter.

A copy of the letter issued to the United Seychelles party dated 23rd March 2023 which clarifies the position of the Commission with regards to the statement made by the Leader of the Opposition on letter sent on 1st February.

A copy of the letter dated 6th February 2023 received from United Seychelles response of the Commission dated 9th February 2023, to the letter issued on 6th February”.

Signed Manuella Amesbury (CEO).

Mon santi mon bezwen fer en komanter lo sa Right of Reply. Zot tou zot konnen ki mannyer sa matter in deroule dan Lasanble, e Leader Lopozisyon in raise sa issue pandan Lasanble. Dan repons, dan Right of Reply ki mon'n lir, Commission - mon bezwen fer en komanter lo en statement ki Commission in fer.

Commission i dir, “Our record shows that a response was provided by email”. Mon bezwen note ki sa response i pa ti en repons let. I ti zis en acknowledgment sa let. So, mon fer sa kler pou Manm konpran, e pou piblik konpran egzaktaman ki'n arive.

Let ki Electoral Commission in adres bann size ki ti leve dan sa let, i date le 23 Mars. So, sa i apre levennman

dan Lasanble. Donk, mon le fer kler ki sa ki'n arive, Electoral Commission ti acknowledge let from United Seychelles, me i pa ti en repons to the issues raised in the letter. Sa i kler. Mon aksepte ki Electoral Commission i annan en drwa pou montre pou dir i ti acknowledge the letter, me selman i pa ti ankor donn son repons. Mersi.

HON WALLACE GOSGROW

(Off-Mic)

MR SPEAKER

Onorab Cosgrow, mon pa pe pran okenn deba lo sa let. Si ou annan en pwen pou ou fer, ou bezwen ekrir mwan, e mon a regarde ki pwen ki ou le fer, e matter.

HON WALLACE GOSGROW

(Off-Mic)

MR SPEAKER

No matter. Okenn matter of privilege ki'n arise dan en lot sesyon, dan en lot Sitting, ou bezwen adres mwan. This is my ruling! This is my ruling Onorab Cosgrow!

HON WALLACE COSGROW

Mr Speaker, it has just arisen, la, la, la!

MR SPEAKER

Stop!

HON WALLACE COSGROW

... letan ou'n lir sa dokiman. E i annan en nesesite pou mwan klersi.

(Interruption)

HON WALLACE COSGROW

Mr Speaker, nou pa kapab koze dan sa Lasanble?

MR SPEAKER

Non! Non!

HON WALLACE COSGROW

I enportan ki nou osi nou kapab fer nou pwen.

MR SPEAKER

Non.

HON WALLACE COSGROW

Mon non in ganny mansyonnen.

MR SPEAKER

Non ...

HON WALLACE COSGROW

E menm dan ou klarifikasyon Mr Speaker ...

MR SPEAKER

... si...

HON WALLACE COSGROW

... i pa normal! I pa drwat!

(Interruption)

MR SPEAKER

Onorab Cosgrow, mon pa'n donn ou laparol pou reponn. E mon pe dir ou, ou aksepte sa *ruling*. Si ou annan en pwen ki ou bezwen fer, ou bezwen met li an ekrir pou mwan konnen ki ou pe al dir. E mon a regarde si i zistifye. Mon oule met sa *matter* deryer mwan.

(Off-Mic)

MR SPEAKER

E sa pwen i aplik osi pou *Leader* Lopozisyon. Mersi.

(Off-Mic)

MR SPEAKER

Mersi. *Any matter...*

(Off-Mic)

MR SPEAKER

Non! *Any matter* an relasyon avek sa size, i bezwen ganny met devan mwan pou mwan konsidere. Si non, napa deba lo *Right of Reply*. Onorab Pillay, non! Non! Non!

(Interruption off-mic)

MR SPEAKER

Mersi.

(Interruption off-mic)

MR SPEAKER

Order please! Order! Sel - sel *matter* - sel *matter* ki'n arive bomaten, se sa *Right of*

Reply, e mon pa pe war okenn point of order lo la.

HON SEBASTIEN PILLAY

(Off-Mic)

MR SPEAKER

Point of order...Onorab Pillay, ou a lev ou point of order a en lot moman ler mon'n fini avek sa size. Mersi. Napa point of order pou le moman.

HON SEBASTIEN PILLAY

(Off-Mic)

MR SPEAKER

Mersi. Mon pou donn laparol Chief Whip United Opposition, parti United Seychelles - parti Lopozisyon pou adres en lot size. Onorab Lemiel, ou annan laparol pou fer ou matter of privilege.

HON SYLVANNE LEMIEL

Mersi Mr Speaker. Bonzour Mr Speaker. Bonzour tou nou bann envite dan Galeri. Mon aprann zot sorti Mont Buxton, byenveni. Tou mon bann koleg Manm Onorab, bonzour e tou dimoun ki a lekout.

Mr Speaker, de lapar mon Caucus, mon pe demann ou en matter of privilege ozordi bomaten, baze lo sa let ki ou ti'n ekrire, kot ou'n anvoy kot Chairperson Standing Orders Committee, ki Onorab Gervais Henrie, kot ou pe demann li pou li revwar Seksyon 9 (6)

anba Standing Orders. E Seksyon 9(6) li menm i dir, "Temporary absences by a Member from the Chamber whether in protest or otherwise shall not require the leave of the Speaker".

So, Merkredi letan ti ariv sa protestasyon kot bann Manm United Seychelles ti sorti, deswit apre, Onorab Henrie ti dir fodre zot revwar sa Standing Orders pou amann Standing Orders. E ou apre sa, ou'n ekrire li, ou'n dir li - Konmsi li in dir ou pou fer sa apre ou'n ekrire li, pou li kapab fer sa ki li i ti anvie demande.

Mon Caucus i santi ki sa i en infringement lo zot privez ki Standing Orders i donn zot, e alors se sa ki mon pe fer resorti sa pwen. Mon pe remet devan pou ki, either sa pwen i ganny diskite dan ABC avek tou dimoun kot nou pran en desizyon. E non, pa petet zis ki en let in ganny fer sorti, in ekrire li in donn li en direktiv, pou li ek son Komite revwar sa Standing Orders.

Akoz lo kote United Seychelles, nou en parti en group ki minorite dan Lasanble, e nou santi ki petet nou privez li menm i pe ganny infringe lo la en pti pe tro bokou. Mersi Mr Speaker.

MR SPEAKER

Mersi Onorab Lemiel. Mon a fer en koreksyon premye. Onorab Henrie, dapre sa ki mon rapel, sa ki ti deroule. Onorab Henrie pa ti dir mwan reviz *Standing Order*.

(Interruption)

MR SPEAKER

I pa ti dir mwan. Onorab, nou a regard - nou a rod...

(Interruption)

MR SPEAKER

Ekout mwan silvouple! Nou a rod *verbatim*, nou a klarifye sa pwen. Me sa - nou a rod *verbatim*, nou a klarifye sa pwen lo ki mannyer deroule.

Mwan ki ti pran desizyon pou ekrir en let *Chairman Standing Orders Committee* Onorab Henrie, pou demann li pou regard sa *Standing Order*. Dan sa ki mon ti dir dan Lasanble Merkrede pase, mon ti fer kler akoz mon pa ti aksepte protestasyon parti Lopozisyon *at that point*.

Akoz parti Lopozisyon ti pe proteste, ti pe *walk out* lo en keksoz ki pa ti konsern deroulman Lasanble. I ti en let, en korespondans, ant parti *United Seychelles* ek *Electoral Commission*. E sa pa ti biznes ki ti'n ganny mete dan Lasanble. Donk...

HON SEBASTIEN PILLAY

(Off-Mic)

MR SPEAKER

Mersi Onorab Pillay pou ekout mwan.

Donk, mwan mon santi, dan ka ki'n arive Merkrede, kot parti Lopozisyon ti servi en *matter* ki ti an deor Lasanble. Mon konpran ki *Standing Orders* i le donn privilez okenn parti *to walk out* an protestasyon. Selman mon krwar sa protestasyon i rezonnab si i an rezon avek en keksoz ki'n deroule dan Lasanble.

Par egzantp si Speaker in donn en lord ki zot santi i pa zis, ki i al kont *Standing Orders*, sa en protestasyon i kapab ganny rekonnet e aksepte. Me selman i bezwen annan *limit*.

E mwan, mon'n envit, mon'n envit *Chairman Standing Orders Committee* pou zis revwar. Si *Standing Orders Committee* i mazin pou dir, napa rezon sanze, *Standing Orders* i byen mannyer i ete, nou ava aksepte.

Bon,

(Off-Mic)

MR SPEAKER

Mon pa pe antre dan en deba lo sa *matter of privilege*. Mon pa pe antre dan en deba lo sa *matter of privilege!* Onorab

Lemiel in fer son *matter of privilege*. Mon'n aksepte li e mon demann *Standing Orders Committee* pou konsider sa *statement* Onorab Lemiel, dan son konsiderasyon lo *Standing Orders*. Mersi.

(Off-Mic)

MR SPEAKER

Non mon pa kapab donn en *point of order* la, akoz mon pa'n donn lezot ...

(Interruption)

MR SPEAKER

Mon pa'n donn lezot. Mon'n *rule*.

(Off-Mic)

MR SPEAKER

Eskiz mwan!

(Interruption)

MR SPEAKER

Order! Mon'n *rule*. Mon'n *rule* lo tou lede *matter*, e mon *ruling* i final! Mon *ruling* i final. Silvouple, annou gard lord dan Lasanble. Si i annan lezot pwen lo sa bann size, ki Manm i anvi met devan, zot kapab met devan ek mwan, zot kapab met devan ek *Standing Orders Committee*, e met devan ek ABC, i a kontinyen. Me, mon *ruling* i final pou la lo sa *matter of privilege*. Mersi.

(Interruption)

MR SPEAKER

Mersi! Mersi. Bon nou pou prosede avek *Order Paper*, e nou pou pran *Private Notice Question*. Ah, eskiz mwan. Madanm Clerk in fer mon remarke ki nou annan *Papers* pou mansyonnen.

MADAM CLERK

Mersi Mr Speaker. Bonzour Mr Speaker. Bonzour tou bann Manm, tou bann *staff* Sekretarya. Nou bann envite dan Galeri, e osi tou dimoun ki pe ekout nou. Bann papye ki pe al ganny prezante *ce matin* i:

S.I. 22 of 2023 *Exim-Import Bank of India New Credit Debt Order, 2023*

S.I. 23 of 2023 *International Trade Zone (Declaration of Zone) Notice, 2023*

S.I. 24 of 2023 *International Trade Zone (Declaration of Zone) (Revocation) Notice, 2023*

S.I. 25 of 2023 3.15% *Three Year Treasury Bond Debt Order, 2023*

S.I. 26 of 2023 4.65% *Five Year Treasury Bond Debt Order, 2023*

S.I. 27 of 2023 6.15% *Seven Year Treasury Bond Debt Order, 2023*

National Tender Board – Annual Report 2021

Paradis des Enfants – Directors Report and Financial Statements for the year ended 31st December 2020.

145th Assembly of the Inter-Parliamentary Union (IPU) – Kigali, Rwanda from 10th to 15th of October 2022

International Affairs Committee (IAC) – Meeting with the Seychelles Chamber of Commerce and Industry (SCCI) – Thursday 8th of September 2022. Mersi Mr Speaker. Mersi Mr Speaker.

MR SPEAKER

Mersi Madanm Clerk. Me, tan ki ou annan laparol, nou a prosede avek *First Reading Public Bills*.

MADAM CLERK

Yes. Mersi Mr Speaker.

This Act may be cited as the Public Enterprises Act, 2022 and shall come into operation on such date as the Minister may, by notice published in the Gazette appoint”.

This Act may be cited as the Foreign Exchange (Amendment) Act, 2023. Mersi Mr Speaker.

MR SPEAKER

Mersi Madanm Clerk. Bon nou a kapab prezan prosede lo *Private Notice Question*. Mon a

demann madanm raporter pou envit Minis pou sa kestyon.

Bonzour Minis Fonseka, Minis pour *Internal Affairs*, e mon swet ou la byenveni. Byenveni bann zofisye. Mon kontan war en *full array* liniform lapolis ozordi.

E mon swet la byenveni Mr Ted Barbe, *Commissioner of Police*, Mr Francis Songoire, *Deputy Commissioner of Police*, e *Assistant Superintendent* Joseph Bibi, Direkter Zeneral *Human Resources and Administration*.

Byenveni pou pran *Private Notice Question*. Onorab Sebastien Pillay, ou kestyon silvouple.

HON SEBASTIEN PILLAY

Mersi Mr Speaker, e an siny respe pou *Standing Order*, mon pa pou fer okenn komantr lo bann lezot keksoz ki'n pase. Mon le zis sezi loportinite pou eksprim mon profon senpati pou lafanmir Barbe, Tirant, dan Glacis ki'n perdi en zenn garson, ki ti'n komans son lantrenman militer.

Mwan avek Onorab Esparon, nou zwenn lafanmir pou eksprim nou profon regre, aköz Glacis nou en kominote ase pros, e nou tou nou konn kanmarad tre byen. E ki mon konnen lafanmir pe soufer, ki zot dan nou lapriyer. Nou

swete ki zot kapab mazin bann bon moman ki zot in pase avek li. E nou a seye pou fer nou mye pou donn zot tou sipor posib.

Mr Speaker, bonzour Minis, bonzour Komisyoner e ou 2 asistan. Ou 2 zofisye ki la avek ou. Mon kestyon i lir koumsa,

“Ozordi plizyer ansyen zofisye ANB i san en lanplwa, menm si zot in fer formasyon nesese pou zwenn Lafors Lapolis. Eski Minis i kapab dir nou akoz?” Mersi Mr Speaker.

MR SPEAKER

Mersi Onorab. Minis ou repons silvouple.

MINISTER ERROL FONSEKA

Mersi Mr Speaker. Mr Speaker, *Leader of Government Business*, Onorab Georges, *Leader of the Opposition*, Onorab Sebastien Pillay, tou dimoun a lekout, e osi bann zabitan Mont Buxton ki la dan Lasanble, byenveni. E mon dir bonn zournen tou dimoun a lekout. E mon profit osi pou re anfers nou senpati e kondoleans a lafanmir Barbe e Tirant, Glacis. E a se moman nou panse i avek zot.

Mr Speaker, pou retourn lo sa kestyon Onorab; Mr Speaker lannen pase, atraver kestyon dirzans ki ti ganny demande, ki pe arive avek bann ansyen azan ANB...Mon

ti vin devan Lasanble, e mon ti eksplik zot a sa moman, ki ti pe pase. Parey ti ganny anonse, apre restriktirasyon, ki ti pe pran plas dan lapolis Sesel, e anliny avek plan stratezik pou lannen 2023/2025, anba nouvo Ladministrasyon Lapolis, desizyon ti ganny pran pou reform ANB.

Sa ti swivan lanons Komisyoner Lapolis ki ti ganny fer le 17 Zen, 2022.

Avek ou permisyon Mr Speaker, mon pou pas a laparol avek ASP Joseph Bibi ki Direkter Zeneral pou Resours Imen ek Administrasyon, pour donn sa Lasanble plis detay lo sa bann prosedir, apre ki mon a rebran pou *sum-up* sa kestyon. Pou enstan, mon a pas avek ASP Bibi.

MR SPEAKER

Mersi Minis. ASP Bibi.

ASSISTANT

SUPERINTENDENT DG & ADMIN JOSEPH BIBI

Mersi Mr Speaker. Apre lanons ki ti ganny fer le 17 Zen, mwan menm avek nou lekip dan resours imen avek Administrasyon, ti zwenn avek tou bann azan e osi bann sivilyen, ki sa letan travay ANB.

Mr Speaker, parmi bann kondisyon ki ti'n met an plas

pou bann ki oule reste. Bann kondisyon swivan: Zot pou ganny anploye koman en konstab. Zot pou bezwen al swiv en kour dan *policing*, e osi ki zot pou ganny peye tou zot benefis.

Mr Speaker, nou ti remarke ki bokou sa bann ansyen azan, pa ti aksepte sa bann kondisyon. E sa ti varye pou plizyer rezon. Zot ti pou vwar en bes dan zot saler. Zot kondisyon travay ti pou diferan. Zot pozisyon pa ti pou parey, vi ki i pa anliny avek *Police Force Act*.

MR SPEAKER

Eskiz mwan en pti moman. Onorab Henrie pe sinyal mwan en siny, konmsi i fer mon konpran ki i pa pe tandé. Ah, eskiz mwan. Kontinyen ASP Bibi.

ASSISTANT SUPERINTENDENT DG & ADMIN JOSEPH BIBI

Mersi Mr Speaker. Mr Speaker, nou ti remarke ki sa bann bokou...Sa bann ansyen azan pa ti pe aksepte sa bann kondisyon, e sa ti varye pou plizyer rezon. Mon repas ankor lo sa bann rezon Mr Speaker. Zot ti pou vwar en bes dan zot saler. Zot kondisyon travay ti pou diferan. Zot pozisyon pa ti pou parey, vi ki i pa an liny avek *Police Force Act*. Parey bann pozisyon, tel koman

Team Leader oubyen *Principal Officer*.

Vi ki apre tou sa letan, ladministrasyon pa ti pe ariv lo en solisyon atraver negosyasyon, desizyon ti ganny pran an konsiltasyon avek Biro Servis Piblik, pou fer tou travayer ansyen ANB, aret travay atraver proses *redundancy* apartir le 31 Desanm, 2022.

Zot ti ganny peye tou zot bann benefis. Zot ti osi ganny enformen ki zot kapab fer laplikasyon pou rezwenn lapolis, parey ti'n deza ganny ofer avan. Parmi sa bann ansyen azan ki ti reste, Mr Speaker, en pti group ti fer laplikasyon pou zot zwenn Lafors Lapolis.

Mr Speaker, par kont, i annan landrwa ki nou ti bezwen fer sir i kontinyen annan zofisye pou travay. La ladministrasyon ti fer transfer zofisye dan bann lezot inite, pou ede kouver sa bann landrwa parey, *airport*, lapos, e por. Ti osi annan bann *ex* azan ki ti enplike dan bann louvraz kle, parey lentelizans e bann pwen sansib ki mon'n nonmen pli o. Zot, nou ti evalye zot laplikasyon parmi bann aplikan, e zot ti ganny rekrite deswit an Zanvye 2023, pou ki travay i kapab kontinyen.

Mr Speaker, mon konpran kestyon Onorab, ler i dir plizyer ansyen azan ANB i

san en lanplwa ziska ler...Menm si zot in fer zot laplikasyon. Sa ki fodre nou konpran se ki lapolis pa pou kapab re anploy tou sa bann zofisye, sansan nou pa ti pou bezwen fer sa prosedir ki nou'n fer pli boner atraver *redundancy*.

Par kont, ladministrasyon in fer prosedir pou rekrit en 15zenn sa bann zofisye. Annefe Mr Speaker, nou ti annan lentansyon fer sa an Avril, 2023. Me parey zot konnen pou rezon ki an deor nou kontrol, nou pa'n kapab fer li.

An se moman par lord Biro Servis Piblik e Minister Finans, nou pa pou kapab pran nouvo dimoun ziska le 1er *May*, 2023. E sa kenzenn zofisye pou zwenn lafors lapolis sa dat, le 1er *May*.

Mr Speaker, sa i aköz reform dan saler ki pe pran plas an se moman. Mr Speaker, savedir parey mon'n fer resorti oparavan, sel rezon aköz sa bann ansyen zofisye ki'n pas atraver sa reform, e ki'n fer zot laplikasyon, pa ankor koman travay, i aköz i annan en poz lo prosedir rekritman. Mersi Mr Speaker.

MR SPEAKER

Minis, ou ti pou adres...

MINISTER ERROL FONSEKA

Yeah, Mr Speaker, avan nou terminen. Permet mwan pou dir sa de mo la. Mon le fer resorti nou defi avek sa sityasyon drog dan pei, i kontinyen seryezman, menm si lapolis pe fer plizyer sikse lo sa fron.

Dan sa dernyen detrwa semenn selman, nou'n war plizyer sezisman drog lo nou bann *border*. Zot in menm war Prezidan pe remersye Lanbasadris Franse, lekipaz *Champlain*, pou sa sezisman 1tonn eroin.

Mr Speaker, zis mazine ki kantite domaz sa ti pou annan lo nou bann zenn, nou bann fanmir, nou bann manman, nou bann paran ki pe soufer avek sa fleo.

Mr Speaker nou kontinyen nou lalit. E sa kestyon ozordi i montre ki sa louvraz i en louvraz tre serye. E nou bezwen bann dimoun ki annan en leker pou sa travay.

I malere pou mwan enform zot ki ozordi nou annan;

14 zofisye lapolis,
11 zofisye militer,
6 zofisye ansyen ANB,
en zofisye prizon, ki aktyelman dan Prizon Montanny Poze.

E lapolis pou kontinyen met dimoun laba si zot pa swiv bann Lalwa. Tou sa bann dimoun ki ti devret pe pran zot louvraz o serye. Bann dimoun

ki nou'n fer konfyans. Ki nou ti pe ekspekte i annan sa bon etik travay, in *fail* nou. Se pou sa rezon ki rekritman dan sa bann Lazans, i bezwen ganny fer avek prekosyon. Sa en pwen tre serye ler nou get sa bann *recruitment* ki nou pe fer Mr Speaker. Mersi pou enstan Mr Speaker.

MR SPEAKER

Mersi Minis. Parey nou abitye fer nou pratik, nou pou pran kekyon siplemanter lezot Manm ki permet ziska ler mon retourn kot *Leader* Lopozisyon pou son kekyon siplemanter.

Me mon annan en kantite Manm ki'n lev lanmen. Mon regrete i posibil ki mon pa pou kapab pran tou. Parey labitid, mon pou pran ziska ler ki permet. Premye ki'n lev lanmen Onorab Henrie. Ou kekyon silvouple.

HON GERVAIS HENRIE

Mersi Mr Speaker. Bonzour tou dimoun. En bonzour spesyal pou bann rezidan distrik Mont Buxton. Mr Speaker, mon kekyon i konm swivan, par lefet ki kekyon orizinal pa'n *substantiate*, dan le sans ki i pa'n donn okenn sif pou nou konnen ki vremen sa sityasyon i en sityasyon alarman, mon ti a kontan prezan *panel* i klarifye sa bann lenformasyon swivan;

Letan ki zot ti koz avek bann azan e sivilyen le 17 Zen 2022, konbyen endividi la nou pe koze, azan e sivilyen? Prezan dan sa total, konbyen ki'n zwenn lapolis? Konbyen ki'n zwenn bann lezot *unit*, enkli *airport*, lapos, e por. Konbyen ki'n ganny rekrite an Zanvye 2023 dan sa lot *unit* la ki zot in mansyonnen? E sa i fer konbyen total benefis ti peye an 2022? Mersi.

MR SPEAKER

Mersi Onorab Henrie. Minis, ou diriz ou *panel* silvouple.

MINISTER ERROL FONSEKA

Wi Mr Speaker, mon a pas sa ek ASP Bibi.

MR SPEAKER

Mersi.

ASSISTANT SUPERINTENDENT DG & ADMIN JOSEPH BIBI

Mersi Mr Speaker. Mersi Onorab Henrie pou ou kekyon. Depi nou'n komanse an Zanvye avek nouvo rekritman, ziska ozordi, nou annan 13 zofisye ki dan lanplwa permanan. E le 1er *May*, nou annan en group 15 ki pou komans lanplwa le 1er *May*.

Basically, dan sa group ki nou'n fer, ki'n pas dan prosedir *redundancy*, i annan 13 ki aktyelman pe travay la, e

nou annan 15 ki pou komanse le 1er *May*, sanmenm sa lannen. E an tou, zofisye ki nou'n zwenn le 17 Zen, 2022, i total 81.

(Interruption)

MR SPEAKER

Eski se tou Mr Bibi? Terminen? Mersi. Mon a pran kestyon Onorab Cosgrow.

HON WALLACE COSGROW

Mersi Mr Speaker. Mersi pou donn mwan laparol. Menm si boner mon pan kapab ganny laparol pou fer klarifikasyon. Mr Speaker, an vi ki *ANB* in fermen, eski Minis i kapab dir nou, lekel ki pe fer sa louvraz lalit kont drog? E lekel sa tim ibou ki nou pe tann nonmen detanzantan? E anba ki direksyon zot ete?

E an vi ki zot pe travay pou lalit kont drog, eski Minis, zot fer bann tes lo bann zofisye sa tim ibou, pou gete si zot menm zot pa konsonm drog? E si non, eski zot pare pou *subject* sa bann zofisye avek en tes drog ki ava ganny sipervize par Manm Komite Ladefans nou Lasanble, kot *MAT* klinik silvouple? Mersi.

MR SPEAKER

Mersi Onorab. Mon pa tro sir si kestyon ki Onorab in donnen i an relasyon avek kestyon orizinal. Mon ...

(Interruption)

MR SPEAKER

... en moman silvouple mon pe koze! Ou sipoze ekout mwan.

MINISTER ERROL FONSEKA

Mr Speaker ...

MR SPEAKER

Atann mwan en pti moman Minis, mon a fer en komanter. Mon pe demann bann Manm pou rapel pou dir zot kestyon siplemanter i sipoze lo kestyon orizinal ki'n ganny demande.

Mon pa'n swiv atantivman tou detay kestyon Onorab Cosgrow. Me selman, mon anvi fer remarke ki mon krwar nou pe al lwen avek kestyon orizinal. Nou pe al lo Polisi, lot, mon pou permet Minis donn en repons an sa ki i krwar i konsern sa kestyon ki lo papye ozordi. Minis?

MINISTER ERROL FONSEKA

Mersi Mr Speaker. Mr Speaker, premyerman dan formasyon lapolis napa en *unit* ki apel Ibou. Sa mon pa konnen. Alor mon a pas laparol avek *Commissioner* pou eksplik anba *organised crime*, ki mannyer i deplas son bann zofisye pou *deal* ek sa bann sityasyon narkotik ki pe ravaz pei. Mersi Mr Speaker.

MR SPEAKER

Mersi. Komisyoner?

COMMISSIONER OF POLICE

TED BARBE

Mersi Mr Speaker. Bonzour *Leader of Government Business*, bonzour *Leader of Opposition* e tou bann lezot Onorab e bann lezot dimoun a lekout.

Parey in ganny eksplike en pti pe avan, lapolis i annan zofisyé ki pe travay kont drog. Lalit kont drog i kontinyen avek reform ki'n ganny fer. Parey nou'n dir, i annan zofisyé ki'n ganny retenir ki pe travay dan bann pozisyon, partou lo *border control*, eksetera. E osi i annan *recruitment* ki pou in *progress*.

Annou pa bliye poudir i en lager tou dimoun, tou zofisyé. Annou prenon kont ki nou annan narkotik, zofisyé narkotik ki pe travay la. Nou annan osi sa lansanm *CID* ki donn koudmen fer lanket. Nou annan osi en group kot narkotik osi ki pe fer lanket. Mon pe montre zot kantite ki nou pe kolabor ansanm. Nou annan *FCIU* ki *onboard* pou lanket, bann *asset* ek bann blansisaz larzan.

E osi, parey mon'n deza dir lannen pase, tou zofisyé ki pe antre lapolis i annan en *module* pou *MODA*, (*Misuse of Drugs Act*) i ganny pas dan zot letid, dan zot lantrennman. So, nou pe fer progre ladan.

Mon pa pou al plis ki sa. Mon a dir ou mersi Mr Speaker.

MR SPEAKER

Mersi Komisyoner.

(Interruption)

MR SPEAKER

Ou annan en klarifikasyon ki an relasyon avek kestyon orizinal, Onorab Cosgrow? Ale, poz ou klarifikasyon.

HON WALLACE COSGROW

Yes, Mr Speaker, mon klarifikasyon i se ki, ozordi Komisyoner in eksplike konmkwa poudir i annan bann dimoun dan lapolis ozordi - diferan seksyon lapolis, ki pe fer sa travay kont drog. Me mon'n demann en kestyon, aköz i annan serten koze deor ki i annan dimoun, lezot dimoun apard lapolis ki pe fer sa travay.

So, eski Komisyoner i kapab dir mwan kategorikman, eski se zis zot lapolis ki pe fer sa travay aköz *ANB* nepli egziste? Ouswa i annan en lot tim par deor? Aköz mwan mon'n deza tann Prezidan dir, tim Ibou en zoli non. So, eski Komisyoner ouswa Minis - Minis silvouple, si ou kapab klarifye. Mon krwar Minis i dan en bon pozisyon pou klarifye, si i annan okenn lezot tim or lezot

groupman ki pe fer travay kont drog, silvouple? Mersi.

MR SPEAKER

Mersi. Minis, ou a fer zis en klarifikasyon *please*.

**COMMISSIONER OF POLICE
TED BARBE**

Mr Speaker, parey mon'n dir avan. I en *concerted effort* dan sa *fight against narcotics*. Bann drog ilegal. Wi, mon *wish* tou dimoun ti *onboard*. Mon *wish* tou dimoun ti *onboard*, akoz i annan en pti pe lipokrizi dan sa lager drog. Me selman mon a reponn sa kestyon. Ankor en fwa mo *wish* tou dimoun i vin *onboard*.

Wi, nou annan lasistans militer ki travay ansanm avek lapolis. *They are never on their own*. Lapolis i ansanm avek zot dan bann loperasyon. Mersi Mr Speaker.

MR SPEAKER

Mersi. Bon, mon annan plizyer Manm ki'n lev lanmen ansanm. Mon pou pran serten Manm. Mon pa pou kapab garanti ki poudir mon pe pran li dan lord ki zot in lev lanmen. Mon pe pran li - Mon'n not plizyer non ansanm. Mon a pran kestyon Onorab Herminie.

HON WILBERT HERMINIE

Mersi Mr Speaker. Bonzour Mr Speaker, tou Manm, bann zabitan Mont Buxton dan Galeri, Minis ek son delegasyon. Minis, ler mon pe gete mon war i annan en sanzman dan stratezi parey nou dir.

E, ou kapab dir nou, ki bann nasyonalite ki pe travay dan lalit kont drog? E si i annan etranze, konbyen zot i annan? Ki saler ki zot pe gannyen? E, si zot pe ganny menm saler avek Seselwa. Mersi Mr Speaker.

MR SPEAKER

Onorab, sa kestyon napa naryen pou fer avek kestyon orizinal. Nou bezwen obzerv prosedir kestyon. Si bann Manm ti annan kestyon lo sa bann size, zot ti devret pe met li an ekrire, pou en Minis vin reponn.

HON WILBERT HERMINIE

Mr Speaker, be sa i relevan sa akoz Minis ki'n dir i annan sanzman stratezi.

MR SPEAKER

Mersi. Mon a pran kestyon Onorab Aglae.

HON WILBERT HERMINIE

Minis in lev lanmen Mr Speaker.

MR SPEAKER

Onorab Aglae, ou kestyon.

(Interruption)

MR SPEAKER

Yes Onorab Pillay, ki *point of order*?

HON SEBASTIEN PILLAY

Mersi Mr Speaker. Nou *Standing Orders* i prevwar i annan en *manner of asking questions, ok?* Now, nou kestyon ki nou'n demande i lo bann azan ANB. Onorab Henrie ti krwar poudir mon pe vin ek en kestyon ki mon pa'n kapab *substantiate*. Me i kler ki i annan plizyer dimoun, over 86 Seselwa, e parmi zot in *end up* pe perdi lanplwa.

Me le pwen Mr Speaker *is this*, dan sa sanzman stratezi, Seselwa in ganny met deor. Sa ki nou ti le konnen, *the relevancy*, se ki, si Seselwa in ganny met deor, eski in ganny ranplase par etranze? *That's a fair question ...*

MR SPEAKER

Onorab!

HON SEBASTIEN PILLAY

...to ask Mr Speaker!

MR SPEAKER

Mersi. Onorab, si ti en *fair question*, ou ti'n devret met li dan ou kestyon. Ou ki'n poz sa kestyon. Mersi.

(laughter)

MR SPEAKER

Onorab Aglae, mon a ekout ou kestyon silvouple.

HON EGBERT AGLAE

Mersi Mr Speaker. Bonzour Minis ek Komisyoner, ek ou *panel*. E bann ki dan Galeri sorti Mont Buxton, e tou dimoun ki pe ekoute. Minis, mon pou sit en konteks, dan larepons ki Direkter DG Bibi in met deva nou, se ki prosedir ti koman le 17 Zen.

E devan mwan Mr Speaker, i annan serten larepons let ki Departman in anvoye, ki komans depi le 20 Zen, ler zot in komans zot prosedir pou varye bann kondisyon term sa bann zofisye ki pe travay.

E enn ladan zot in fer resorti ki zot pou bezwen swiv sa bann reformasyon parey ou'n site. *Ok*. Zot pou ganny apwente dan plas *constable*. *post constable*. Zot pou ganny peye parey bann zofisye lapolis. E zot pou ganny mete dan bann pos *Police Station*. E osi zot pou met en liniform ki'n ganny aprouve par Departman Lapolis. Sa i let ki zot ti anvoye le 20 Zen.

Le 8 Zilyet, zot anvoy en lot let ankor. Ki la i re fer sorti ki lapwentman *following restructuring*. E ladan osi, zot site *"Your appointment as*

special constable”, anba Lartik 48(1)(2) *Police Force Act*.

I swiv ankor par en lot let ki zot anvoye kot sa bann zofisye le 1er Out, ki site ki ankor lapwentman menm size zot servi Lartik 48 (1)(2), anba Lafors Lapolis pou zot anvoy kot sa bann zofisye.

E, Mr Speaker, le 1er Septanm, zot anvoy *“The letter of appointment*. Ki vedit sa bann dimoun pe ganny apwente. Zot in pas sa bann prosedir ki zot in rekomande dan sa bann let ki'n ganny mete oparavan. E Mr Speaker, apre ki zot in anvoy let *of appointment*, le 1er Desanm, zofisye i ganny let *‘Termination of employment under redundancy*.

Now Minis, eski i normal ki ou fer serten sa bann zofisye, pas dan sa bann prosedir ki'n pran plis ki 6 mwan, apre ou anvoy li en let *termination*? Anba ki kondisyon ki ou'n fer sa, e aköz ou'n fer sa? Mersi.

MR SPEAKER

Mersi Onorab. Minis.

MINISTER ERROL FONSEKA

Mersi Mr Speaker. ASP Bibi i a kouver sa apre mon a retourn lo la.

MR SPEAKER

Silvouple. ASP Bibi.

ASSISTANT SUPERINTENDENT DG & ADMIN JOSEPH BIBI

Mersi Mr Speaker. Mersi Onorab pou ou kestyon. Dan mon larepons pli boner, mon'n dir pou dir nou'n pas atraver bann prosedir. Bann prosedir, savedir nou'n donn loportinite bann *ex azan* pou zot pran lanplwa, pou zot agree ek bann kondisyon ki nou'n mete.

Me, parey mon'n dir ankor pli boner. I pa'n neserman ganny *welcome* letan nou'n fer sa bann prosedir. E vwala aköz ou war diferan *step*. Savedir i montre poudir ladministrasyon lapolis in fer diferan demars pou kapab, o *maximum*, gard sa bann dimoun dan lanplwa.

Me, keksoz kekfwawa ki ou pa'n mansyonnen Onorab, se ki, ki kantite *let down* nou'n ganny *let down during the course of the process* - pandan sa prosedir. E ki'n arive ki nou'n bezwen pran sa desizyon an Desanm.

I vedit ki la mazorite sa bann azan pa ti neserman dakor avek bann program, bann plan, ki lapolis ti annan pou ofer zot. E finalman nou'n bezwen pran sa desizyon of *redundancy*. Mersi Mr Speaker.

MR SPEAKER

Mersi. Siplemanter Onorab?
Fer li bref *please*.

HON EGBERT AGLAE

Mersi Mr Speaker. Mersi *DG* Bibi pou ou larepons. *DG* Bibi, mon war li en pti pe drol. Akoz? Letan nou ti anvoy premye kestyon lo size sa bann zofisye, Minis ti vin la anndan, ti donn en *sort of* en garanti ki zot kapab absorb tou sa bann zofisye. Si, zot pare pou swiv *terms and conditions* ki zot pe ganny *set*?

So, eski la ou pe vini ou pe dir mwan pou dir ou pou annan serten zofisye ki ou pe pran, e pou annan serten zofisye ki zot pa pou pran, e ki zot in donn *termination*? E si mon dakor ek Komisyoner, si i annan en lalit kont drog ki nou pe lager kont drog, i vedir ki sa bann zofisye ki eksperyanse zot osi ladan, ti merit kapab ganny en pozisyon pou zot kapab fer kontinyen sa travay.

So akoz ki lo komansman, si zot ti konnen zot pa ti pou kapab pran tou sa bann zofisye, zot ti avan dir zot bezwen tan zofisye. E la bann lezot ki ti pe reve pou retournen, pa ti ava annan sa lespwar. So zot in donn sa bann dimoun en fo lespwar depi komansman. Mersi Mr Speaker.

(APPLAUSE)

MR SPEAKER

Mersi. Minis.

MINISTER ERROL FONSEKA

Mersi Mr Speaker. Les mwan met enn de pti keksoz drwat lo sa bann premye sizesyon. Dan lapolis, ozordi mon lenstriksyon ek *Compol*, si i annan talan deor, talan i bon i prop, i prop - nou bezwen talan, e nou pou pran sa. Napa okenn etranze ki pe pran plas Seselwa dan lapolis. Par kont ...

(Interruption)

MINISTER ERROL FONSEKA

... par kont, nou annan bann *expert* ki atase ek nou *from UNODC*. Par egzanp, *UNODC* i donn serten atasman. E sa i pa sorti dan nou kont sa. Zot vini zot donn nou *capacity training*, e napa ki nou pe peye. Eksepte bann Nepale ki dan Lafors Lapolis.

Me, lefe ki drog i en responsabilite tou polisye, natirelman okenn polisye i ganny espekte rezourd okenn sityasyon ladan. So i kapab ganny servi dan sa ka. Me lo kestyon bann zofisye *ANB*, parey mon'n dir. Nou annan bann ki dan prizon, nou annan bann ki pa ti bon. Akoz zot pa ti onnet dan zot louvraz.

Me selman si i annan talan laba, touzour nou pou pran talan, akoz nou bezwen

talán. Nou bezwen talán, nou bezwen... Me par kont, stratezi vre in sanze. Be selman get rezilta ki pe arive. Mersi Mr Speaker.

MR SPEAKER

Mersi Minis. Mon pou demann kestyon - Mon pou pran kestyon Onorab Rocky Uranie.

HON ROCKY URANIE

Mersi Mr Speaker. Bonzour Minis ek ou delegasyon. Tou zabitan Mont Buxton ki dan Galeri. Byensir, en bonzour spesyal pou bann zabitan Zil Pros.

Minis letan nou pe get sa lager, sa lalit kont drog, nou war ki bann gran *dealer* pa pe ganny arete, menm si Prezidan i dir i konn zot tou, eski ou kapab dir nou aköz sa pa pe arive? Mersi.

MR SPEAKER

Mersi Onorab. Sa kestyon napa naryen pou fer an relasyon ek kestyon orizinal.

(Interruption)

MR SPEAKER

Eskiz mwan. *Order!* Eskiz mwan bann Manm! Si mon permet ...

MINISTER ERROL FONSEKA

Mr Speaker - *Sorry, sorry*, Mr Speaker.

MR SPEAKER

Si mon permet sa bann kestyon, mon pou bezwen permet tou kestyon ki annan pou fer an relasyon avek drog, avek Polisi, avek soz ... Nou bezwen reste lo sa size ki'n ganny mete.

Si i annan Manm ki annan lezot kestyon, met zot kestyon an ekrir. Nou a met li pou Minis. Onorab Roucou mon krwar ou'n sinyal mon ou'n kennsel ou kestyon. Alor mon a pran kestyon Onorab Zialor.

HON NADDY ZIALOR

Mersi Mr Speaker. Bonzour tou dimoun, bonzour Minis, bonzour tou dimoun dan Galeri. Anliny avek sa ki Mr Bibi in dir nou konsernan bann prosedir ki'n ganny swiv, eski Minis, ou kapab dir avek nou, si letan zot in fer *redundancy process*, eski anba Lalwa Lanplwa oubyen Lalwa oubyen zot Lalwa Lapolis, i obligatwar pou zot rebran tou bann zofisye? Sa i enn.

Apre bann nouvo kontra ki pe ganny fer. Si i *continuous employment*, eski sa i vedir ki tou zofisye i pas atraver *probational* peryod, e ki anba Lalwa i obligatwar oubyen zot annan sa fleksibilite apre 6mwan. Si en dimoun pa'n perform oubyen pa'n *meet* kriter, ou kapab *terminate* son *employment*? Mersi.

MR SPEAKER

Mersi Onorab. Minis, mon nou annan 2 kestyon la ki lo kestyon orizinal. Mersi.

MINISTER ERROL FONSEKA

Mersi Mr Speaker. Mersi Onorab pou ou kestyon. Mon a pas sa ek ASP Bibi, me zis avan mon pase, zis mon ti a kontan enform Lasanble. Si okenn Manm isi i konn okenn sa bann gran trafiker ki zot byen konnen ...

(Interruption)

MINISTER ERROL FONSEKA

Vin isi, vin dir nou. Anmenn zot devan nou, nou a *deal* ek zot. Nou a *deal* ek zot, parey nou pe *deal* ek zot, e nou pou kontinyen *deal* ek zot! Mersi Mr Speaker.

(APPLAUSE)

(Interruption)

MR SPEAKER

Mersi Minis. Minis lekel ki pou reponn sa kestyon? ASP Bibi, wi?

ASSISTANT**SUPERINTENDENT DG & ADMIN JOSEPH BIBI**

Mersi Mr Speaker. Lo sa 2 kestyon. Non lapolis pa-Prosedir laplikasyon i ganny fer, e lapolis i annan son

sistenm an plas, ki parey nenport ki dimoun ki'n *apply* pou zwenn koman en polisye. I annan bann prosedir ki normalman en dimoun i pas ladan.

E, si sa dimoun i *successful*, i pas en peryod son letan dan Lakademi Lapolis pou formasyon. E *follow up* sa i, dan son formasyon i ganny sans osi pou li, sa ki nou apel *work base*, kot i al get en pti pe dan stasyon. *Whether he or she fits into the organisation.*

E, zis pou fer resorti ki i pa bokou. I annan ki'n zwenn apre kekfwa zot remarke poudir, *this is not my call*, e zot byensir dir nou, be mon pa pou kontinyen. Mon a rod lanplwa aryer. Me bann ki kontinyen, zot normalman pas en probasyon lan.

Lapolis son letan ki ou fer koman en *trainee constable* i lan, e apre lan ou ganny *confirmed in post* apre ler ou'n fer ou *appraisal*. E sa i aplik pou tou zofisye ki zwenn lafors.

E, zis pou al en pti pe pli lwen ladan, parey Minister in dir. Nou annan bann talan ki i annan deor;- par egzanp, nou annan bann *scheme* an plas osi ki pran bann dimoun ki'n *graduate* avek *first degree*. Nou anna bann dimoun kekfwa ki annan en talan spesifik ki nou pe rode. Par egzanp dan *forensic*.

So, i annan en divers. Pa neserman ki sa dimoun i antre neserman pou direktman koman en *constable*. I annan bann lezot *avenues*. Mersi Mr Speaker.

MR SPEAKER

Mersi **AS** Bibi. Mon a pran kestyon Onorab Loze.

HON JOHAN LOZE

Mersi Mr Speaker. Mr Speaker, zis les mon etabli baz mon kestyon. Minister son larepons in dir plizyer sezisman drog in ganny fer lo nou bann *border*. Minis in egalman dir, Prezidan in remerisi Anbasader avek lekipaz, (in nonm non bato), pou sa sezisman 1tonn, mon krwar eroin, si mon pa tronpe.

Mon kestyon. Si nou kapab ganny statistik pou lasezi, lasezi drog ki'n ganny fer depi fermtir *ANB*, silvouple. Sa i en *follow-up* lo sa ki Minis in dir.

Egalman Minis, mon anvi konnen. Lo sa 1tonn eroin ki Prezidan in remerisi Anbasader avek lekipaz bato, akoz ki sa drog pa'n ganny detri piblikman pou tou Seselwa vwar, parey i leka avek zarm, torti, kanabis, e lezot *contrabands*?

E lo kestyon lalis dimoun ki pe fer trafik drog. Prezidan i deza konn zot tou, Minis. I negosye avek zot li. Al demann

li ou a konnen! Mersi Mr Speaker.

MR SPEAKER

Mon krwar - Mon krwar Manm in *exhaust* sa kestyon orizinal. Napa kestyon siplemanter.

(Interruption)

MR SPEAKER

Napa kestyon siplemanter. Si zot le demann Minis kestyon lo sezi drog, i kapab - Zot kapab met li an ekrir. Minis, eski ou annan en komanter oule fer lo sa kestyon Onorab Loze? Fer li silvouple, briyevman, avan mon al lo kestyon *Leader* Lopozisyon.

MINISTER ERROL FONSEKA

Wi, Mr Speaker. Mon a pas sa ek *Compol* pou kouver enn de pti pwen la. Mersi.

MR SPEAKER

Compol.

**COMMISSIONER OF POLICE
TED BARBE**

Mersi Mr Speaker. Wi, nou a *provide* statistik parey Onorab in demande. Sa loperasyon ki Franse in fer -Sa loperasyon ki Franse in fer sirman -

Wi, mon a kontinyen, wi. Nou a *provide* statistik avek Onorab Lasanble. Loperasyon drog, si Franse ki fer ki nou, nou *form* parti, zot annan zot prosedir pou zot *disposal* of sa

bann drog. Ostralyen pareyman, lezot Nasyon pareyman. Mersi Mr Speaker.

MR SPEAKER

Mersi. Mon a pran kestyon siplemanter *Leader* Lopoziyon.

HON SEBASTIEN PILLAY

Mersi Mr Speaker. Mr Speaker, mon kestyon, mon pou retourn lo sa bann *redundancy*, ok? Letan ou'n komans reponn kestyon, ou'n eksplik nou tou bann prosedir ki ou'n sipoze swiv. Mon napa problem ek sa mwan. Ou dir mwan ou'n swiv bann prosedir.

Sa ki mwan mon annan en problemn avek, se sa *chain of letters* ki devan mwan la ki montre dan ka en zofisye, ou'n donn li tou sa bann let. Ou'n menm apwent li. Savedir in aksepte apwentman li. Me selman apre, Mr Speaker. Apre ou donn li en *letter of termination according to PSO*. Sa ki mon pa dakor avek mwan.

Ler ou'n fini donn zot en *letter of termination according to PSO*, ou retournen prezan, ou al re rod zot ankor, pou redemann zot pou vin dan lafors.

So mon premye kestyon, Mr Speaker an relasyon avek sa bann let ki mon annan devan mwan. Akoz ki ou ti fer

sa bann zofisye swiv tou sa ...? Napa en prosedir ki ou'n fer zot swiv sa. Ou'n zis donn zot bann let kot in annan problemn dan kondisyon ki zot sipoze travay. Ou'n dir zot pou reste lo menm saler.

So ti napa rezon pou zot kite. Nou ti demann Minis sa kestyon dan Lasanble. Minis ti konfirman pou dir zot pou reste lo menm saler. So akoz, alors, le 1er Desanm ou'n donn sa bann zofisye en let *redundancy* anba *PSO*? Sa i mon premye kestyon Mr Speaker.

Prezan mon dezyenm kestyon Mr Speaker, ler ou fini donn zot en let anba *PSO*, sa bann dimoun, vi ki ou'n servi *PSO*, i al kot *PSAB*. *PSAB* i dir ek zot koumsa, i pa kapab pran zot *case*, akoz lapolis pa tonm anba *PSAB*. Me selman ou, ou'n *terminate* zot anba *PSO*. So, mon kestyon ... Mon kestyon orizinal.

Mon kestyon i se ki ou annan ou 86 ekek dimoun ki ganny met deor. Pa konnen kan pou ganny rebran. Sa ki pou ganny rebran i ganny *call* pa re ganny *call*. So, mon kestyon i senp.

Akoz ki sa in arive, e ki ou pe fer koman lafors lapolis ozordi, pou zot remede sa sityasyon an relasyon avek sa bann ansyen azan *ANB*? Prezan mon annan en- Mon a les li reponn avan, apre mon a

demann en siplemanter Mr Speaker.

MR SPEAKER

Pa siplemanter. Ou kapab demann klarifikasyon.

HON SEBASTIEN PILLAY

Mon a demann en klarifikasyon. Mersi Mr Speaker.

MR SPEAKER

Ou'n demann ase siplemanter. Mersi. *Panel?* Kot nou pas kestyon?

MINISTER ERROL FONSEKA

Yeah. ASP Bibi i a kouver sa.

MR SEPAKER

ASP. Yes. Thank you.

MINISTER ERROL FONSEKA

Aprè petet mon a *reinforce*. Mersi.

ASSISTANT SUPERINTENDENT DG & ADMIN JOSEPH BIBI

Mr Speaker, an premye lye napa sityasyon pou remedye. Se, sa bann zofisyè in ganny fer *redundant*. Zot - bann ki'n aksepte pou fer zot laplikasyon in fer. E atraver prosedir ki lapolis i annan an plas, le nesese i a ganny fer. E bann ki *successful* a ganny *call in*, parey mon dir le 1er *May*. Sa 15zenn i ava antre. Bann lezot ki zot laplikasyon i

ava antre, nou ava get li *on a case-to-case basis*.

E parey Minis in dir. Nou kontan servi bann talan ki nou annan. E, lapolis i annan son ... E lapolis i a servi son striktir pou li fer *recruitment* baze lo lenformasyon ki i kolekte. Mersi Mr Speaker.

MR SPEAKER

Nou a termin avek ou klarifikasyon silvouple. Onorab Pillay?

HON SEBASTIEN PILLAY

Mersi Mr Speaker. Mr Speaker, mwan mon kapab donn ou an levidans sa bann let, ki prouve poudir lapolis *is not being accountable* pou zot aksyon ozordi devan sa Lasanble.

Premye let,

"Variation of term of contract".

Dezyenm let,

"Appointment following restructuring".

Trwazyenm let,

"Letter of appointment".

Katriyenm let,

"Subject of letter termination". Following which, anvoy case kot PSAB. Pa kapab fer case.

Now. Lapolis i dir ek nou koumsa poudir apre ki in fer sa kalite prosedir avek imen, lezot frer Seselwa, lezot endividi ki ti pe travay pou sonny zot fanmir, mwan, mon

fully siport lalit kont trafik drog. Mon a siport zot, tou sa ki zot demande nou a donn zot. Be sa ki mon, mon pa dakor avek Mr Speaker, se ki si ou annan en dimoun ki'n ganny *mistreated* dan son lanplwa, i bezwen annan en rekour.

E la nou pe war poudir sa bann dimoun napa en rekour. E prezan Mr Speaker, la mon demann mon kestyon, Mr Bibi, akoz ou pa pe donn sa bann dimoun ...

(Interruption off-mic)

HON SEBASTIEN PILLAY

(Mr Speaker, eski Onorab Leader Zafer Gouvernman i kapab reste trankil? I kapab konport li en pe? Ki i pe nerve?)

MR SPEAKER

Wi, be problem - Problem ki ou pe fer Onorab Pillay, ou pe repas lo size ki'n deza ganny mete. Se sa ki bann Manm pe obzekte.

HON SEBASTIEN PILLAY

Ou konnen akoz problem ...

MR SPEAKER

Savedir ...

HON SEBASTIEN PILLAY

Wi?

MR SPEAKER

Savedir silvouple, al lo ou pwen klarifikasyon. E ou bezwen aksepte repons ki bann zofisye in donn ou. Si i annan *matter* ki oule leve, ou pou bezwen rod en lot mannyer lev li. Ou'n demann ou kestyon, in reponn. Prezan nou pe pran ou klarifikasyon,

HON SEBASTIEN PILLAY

Mr Speaker ...

MR SPEAKER

...silvouple!

HON SEBASTIEN PILLAY

... mon le *raise en matter of privilege* ki'n arise la, ok? Mon *matter of privilege* i sa mwan. Annou met politik a kote. Annou get sa bann arzan. Ladan i annan ki pou siport LDS, i annan ki siport US, i annan ki siport *whatever* parti politik ki zot le. Me Lasanble i sipoze reprezant tou dimoun!

(APPLAUSE)

HON SEBASTIEN PILLAY

Mon pa pe fer politik ek sa size mwan.

MR SPEAKER

Silvouple.

HON SEBASTIEN PILLAY

Sa ki mon pe fer, se ki mon pe rod en larepons. So ...

MR SPEAKER

Wi.

HON SEBASTIEN PILLAY

Mon keston. Mon keston pour Mr Bibi i senp-

MR SPEAKER

Yes, demann ou keston.

HON SEBASTIEN PILLAY

Mr Bibi, eski en *call* ki ou pe *call*, ki zot pe ganny *call* la? La i paret poudir i annan bann azan ki pe ganny *call*.

(Interruption)

HON SEBASTIEN PILLAY

Eski *call* i la fason pou adres sa sityasyon?

MR SPEAKER

Ale.

HON SEBASTIEN PILLAY

Oubyen, eski sa bann dimoun i devret ganny en *formal letter* ki dir zot, zot pe ganny *reinstated* dan Lafors Lapolis? Mersi Mr Speaker.

(APPLAUSE)

MR SPEAKER

ASP Bibi, mon konpran son dernyen pwen i reflekte en keston. Eski ou annan en repons lo la, ki ou pa ankor donnen ziska konmela?

MINISTER ERROL FONSEKA

Yeah. Mersi Mr Speaker. Mr Speaker, konpran en keksoz byen isi. Lo keston polisye dan lapolis, i touzour nou bi pou get zot *welfare*, pou *invest* dan zot, pou donn zot *training*. Pou fer tou sa ki nou kapab fer pou zot. Be selman, nou bezwen konpran nou dan en *Force Disipliner*. Sa nou bezwen konpran.

E akoz sa, e okenn moman ki nou deside, ki okenn manm lapolis i pa pe *met* sa *requirement* lo *honesty*, bann zafer sekirite, nou kapab demisyonn zot toudswit. Nou kapab pran aksyon neserer dapre - *Commissioner* i annan sa pouwar pou fer sa.

Mr Speaker, mon krwar nou bezwen konpran en keksoz la. Nou dan en Lafors Disipliner, e nou pe *deal* ek bann keksoz serye. Keksoz serye dan pei. Zot - konmsi ler zot dray zot loto, zis ouver laport dan serten *area*, ou war sityasyon ki pe arive, ou war keksoz ki pe arive. E nou, nou bezwen fer fas ek sa bann keksoz, *ok?*

Annou pa obliy sa bann zafer fer tapaz isi dan Lasanble. Annou get vre sityasyon ki pe arive. E nou bezwen serye e *deal* ek sa bann fleo dan sa pei. Mersi Mr Speaker.

MR SPEAKER

Mersi. Nou a termin ... Mersi, Onorab! Nou a termin sa sesyon kestyon la. Mon remersye Minis ek bann zofisyè dan son delegasyon. E mon swet zot, bonn kontinyasyon e bon kouraz dan zot travay. Mersi.

Bon, mon'n *extend PNQ* pou en rezon, se akòz nou annan en pe mwens kestyon ki labitid, sa semenn. So, nou'n pran en pe plis letan. E nou pou kapab donn mon krwar 20 minit par kestyon. Mon'n aksepte en demann.

E avek konprenezon Onorab Churchill Gill ki ti annan premye kestyon, pou les Onorab Esparon demann son kestyon premye, akòz i enplike dan laranzman fineray en manm son fanmir. So, avek zot konprenezon, mon pou pran kestyon nimerò 12 ek nimerò 13.

E madanm raporter i kapab apel Minis ek delegasyon pou premye kestyon nimerò 12.

Antretan, Onorab Sandy Arissol in demann mwan permisyon pou li kapab adres en mo kondoleans pou Onorab Esparon. E mon a donn li laparol la. Onorab Arissol?

HON SANDY ARISSOL

Mr Speaker, bonzour. Mersi pou akòrd mon sa 2 parol. Mon ti a kontan koman *Chief Whip Caucus LDS*, aport nou

senpati, e en mo kondoleans pou nou ser Onorab Regina Esparon. Parske parey ou'n dir, ozordi pe al ansanm avek la fanmir anter enn son tonton - Lewis Alexis ki tou dimoun i konnen.

So nou ti a kontan prezant ou nou kondoleans Onorab Regina Esparon, lo lapar nou *Caucus*, pou ou anmenn kot fanmir, sirtou Therese, son madanm, avek tou son bann zanfan, ek tou leres son bann konesans.

An vi ki ozordi en zour Mardi, nou tou nou pa pou kapab dan lanterman avek ou pou donn ou sa sipor. Se pou sa rezon mon ti a kontan prezant ou nou kondoleans ek nou senser senpati lo non tou nou bann Manm ozordi. Mersi bokou Mr Speaker.

MR SPEAKER

Mersi Onorab. Mon kapab aport mon kondoleans personnel pour Onorab Esparon. Mersi.

Bon, bonzour Minis Flavien Joubert, Minis pou Lagrikiltir, Sanzman Klima e Lanvironnman. E mersi pou partisip avek nou dan repons bann kestyon pou ou Minister.

E dan delegasyon Minis, mon swet la byenveni Mr Joel Valmont, *CEO Public Utilities Corporation*, Ms Doreen Bradburn, *Deputy CEO PUC*, e Mr Michel Bristol, *Project*

Director PUC. Nou pran kestyon nimerò 12. Onorab Regina Esparon.

HON REGINA ESPARON

Mersi Mr Speaker. Mr Speaker mon *Caucus*. Mersi pour zot mo senpati, e mon osi zwenn avek *Leader* Lopozisyon pour pas mon senpati avek lafanmir Barbier Glacis.

Mr Speaker mon ti a kontan demann Minis, eski i kapab eksplik ki plan son Minister e *PUC* pou kontinyen sa proze pas nouvo tiyo delo, depi Lotel Northolme, Sorento ziska North East Point? Mersi.

MR SPEAKER

Mersi Onorab. Minis ou a diriz ou delegasyon silvouple.

MINISTER FALVIEN JOUBERT

Mersi Mr Speaker. Bonzour Mr Speaker, bonzour bann Manm Lasanble Nasyonal e osi bann dimoun ki pe ekoute ozordi bomaten.

Mr Speaker *PUC*, i rekonnet ki ankor annan en serten poursantaz tiyo dan son rezo distribisyon lo Mahé, ki bezwen ganny ranplas enkli sa enn ki Onorab in fer referans avek.

I annan plizyer faktor ki limit *PUC* dan son lavans pour ranplas tiyo, bann tel ki resours finansyel, kapasite imen, *wayleave*,

senkronizasyon son programm avek aktivite *SLTA* pour re-sirfas semen. E osi bann proze irzan ki pa ti dan plan. Me ki bezwen met an premye ki met retar dan sa bann travay.

Parmi sa 50kilomet tiyo ki *PUC* in idantifye pour ranplase, anviron 26kilomet in fini ganny ranplase pandan sa dernyen 5an. Plan *PUC*, se pour konplet sa ranplasman kilomet tiyo dan sa prosen 3-4an.

Mr Speaker sa parti tiyo, depi Sorento ziska North East Point, i form parti sa pwen pli feb dan rezo distribisyon delo nor Mahé. Lamazorite, sa tiyo i an *UPVC* e okenn ogmantasyon dan presyon pour esey transmet delo lo bann oter en pe pli o, i okazyonn bann fit, e osi bann kase en pe mazer a plizyer pwen.

PUC i rekonnet ki striktir sa tiyo pe degrade e ki annan en nesosite pour ranplas parti sa tiyo dan limesya. Plan *PUC*, pour sa seksyon tiyo ki delivre delo ziska North East Point, dan sa bann landrwa ki Onorab in mansyonnen. I an de faz.

Premye faz pour ganny antreprann sa lannen e pour enkli sa porsyon rezo ki enkli depi Sorento ziska Vista Do Mar.

Sa i anviron 2kilomet tiyo ki *PUC* in idantifye koman sa

porsyon ki pli kritik. Setadir i pe kas dan en fason pli regilye, e pe koz bokou lenkonvenyans dan servis delo, enkli ki lenpak lo semen dan sa rezyon.

PUC i estimen ki sa pour kout anviron R5.7milyon e i pe target pour konplet sa morso travay avan, lafen 2023.

Dezyenm faz, ki pour enkli sa balans 2.5kilomet tiyo sorti Vista Do Mar ziska North East Point, pour ganny antreprann lannen prosen, baze lo pozisyon finansyel *PUC*. Sa dezyenm faz, nou pe ekspekte i pour kout anviron R7.3milyon. Mersi Mr Speaker.

MR SPEAKER

(Off-Mic)

HON REGINA ESPARON

Mersi Mr Speaker. Mr Speaker eski Minis i kapab dir nou, zot in dir nou zot in fer en *assessment* zot in vwar pour kout R5.7milyon, si letan zot pe fer sa louvraz zot pe osi mazine pour konekte distrik Glacis avek *STP*, koumsa i a vin en sel depans en sel fouy semen.

E dezyenmman Mr Speaker, enn bann pli gran problemm ki zabitan Glacis i rankontre, se kantite fwa ki sa vye tiyo i kase. E presyon delo ki parfwa pa ariv kot bann laponp, parey dan rezyon

Vista Do Mar ki souvan fer fas ek delo ki pa koule.

E sa i akoz presyon ba, kwa ki pe ganny fer pour reviz sa sityasyon? E nou fer fas ek sityasyon, kot problemm ki *PUC* i bezwen kas semen tanzantan pour aranz tiyo, ki kit nou semen dan move leta. E osi fer ki distrik pa kapab ganny en nouvo kours koltar, menm si i lentansyon *SLTA*, pou met en nouvo koltar.

Me si i lentansyon *SLTA*, pour met en nouvo koltar e si zot mete nou pour vwar sa sityasyon kot *PUC* pour kase e i pa pour vo lapenn. Kwa ki kapab ganny fer pour dan limedya pour rezourd sa sityasyon? Mersi.

MINISTER FLAVIEN JOUBERT

Mersi Mr Speaker. Mersi Onorab pour sa de pwen ki ou'n leve. Mon pour dakor avek ou, ki nou bezwen annan en pli bon konsertasyon, kordinasyon ant *PUC* ek *SLTA*. Pour asire ki letan nou fer en travay, nou pa pe retournen pour nou rekas ankor.

E osi ler nou fer en travay, par egzanp nou annan tiyo *sewage* pour pase, nou osi pas sa bann tiyo e ki nou napa sa nesosite pour apre retournen vin fer ankor sa menm louvraz e ouver sa landrwa ankor.

Nou'n vwar kot bann travay konmela pe ganny fer, *PUC* menm pe fer sa pe met bann *trunking* anba later ki apre ou kapab pas tiyo ladan. E annefe aktyelman i annan en zefor kordinasyon ki pe ganny fer, atraver mwan menm ek Minis Derjacques ant sa de Lazans pour fer ki nou annan en pli bon kordinasyon travay, pour ki nou evite kas semen toultan.

Me mon a pas laparol avek *CEO PUC* pour li koz lo en pe plis lo laspe teknik ek detay proze, sa kekyon konsernan koneksyon *sewage*. E osi bann kase, bann rediksyon presyon pour bann dimoun ki en pe dan oter Glacis. Mersi.

MR SPEAKER

Mersi Minis. *CEO* wi?

CEO PUC JOEL VALMONT

Mersi Mr Speaker. Bonzour Mr Speaker. Bonzour tou Onorab, tou e bonzour bann manm piblik ki pe ekoute, pe ekout nou ozordi. Mr Speaker mon pour bezwen a sa lokazyon kontradwir Minis en pe, kot i konsern sa kordinasyon avek tiyo *sewage*, avek tiyo delo.

Nou bezwen apresye poudir nou sityasyon finansyel pa enfini. Nou napa sa grander fon, ki permet nou partou ler nou fer sa bann aktivite met delo pour konsider lezot *utilities*. Kot nou annan sa

resours pour fer li nou fer li, e kot i annan sa nesosite pour fer li dan sa letan nou fer li.

Kot i konsern sa proze Sorento ziska Vista Do Mar sa premye faz, Mr Speaker, nou pa pour kapab met, fer provizyon pour met *sewage* an mezir nou met tiyo delo. I pour annan en sityasyon kot *PUC* pour napa sa mwayen pour fer sa lenfrastruktir e *PUC* pa ankor arive determinen ki mannyer nou pour finans en *STP*, pour sa rezyon Glacis.

Plan in ganny fer, nou ankor pe rod bann bayer de fon, pour kapab develop en sistenm *sewage* pour sa rezyon. Sa lo kote sa ki konsern *STP* avek sa kordinasyon.

Manm Onorab in koz lo Vista Do Mar, nou'n osi nou'n realize poudir Vista Do Mar tou dernyen-r-er pe ganny sa sityasyon problem presyon kot delo pa ti pe ariv dan laponp. I annan apepre en de oubyen en trwa semenn pase, kot nou'n fer en serten louvraz tanporer, kot nou'n *improve* sa sityasyon Vista Do Mar.

E mon kapab dir ek Onorab poudir ozordi, Vista Do Mar bann kliyan *PUC* dan Vista Do Mar pe ganny en *supply* delo en pe pli regilye, ki konpare avek de semenn pase.

Kot i konsern sa bann ka semen - tanzantan kot nou pe vini nou bezwen kas semen -

nou vwar nou dan en sityasyon kot nou le donn en servis. Me sa tiyo pa permet nou delivre serten presyon dan sa rezyon ki nou anvi.

I annan de sityasyon kot nou teknisyen i bezwen ale pran serten risk, aziste sa valve ki regle presyon, pour kapab *allow* en pe plis delo pase. E nou vwar ler nou fer sa i annan serten fwa ki nou *end up* avek sa bann kase.

Nou'n toultan travay an kordinasyon avek *SLTA*. Lannen pase nou'n asize ansanm, detrwa fwa avek lekip Minis Derjacques avek Minis Joubert. E nou'n *focus* en pe lo sid Mahé. Ti annan en pe, en gran louvraz ki *PUC* ti pe fer lo sid Mahé lo kote 33.

E nou ti bezwen tonm dakor detrwa program pour zot kapab al sid Mahé *resurface* semen laba. Pour sa lannen nou pour konsantre en pe dan santral avek dan nor. E baze lo nou mwayen finansyel, baze lo lezot priyorite ki nou annan, nou a sey fer mannyer pour nou kapab avan sa lannen i fini, sey amelyor sa sityasyon, ki nou pe fer bann dimoun Glacis eksperyanse pour lemoman.

Nou a kapab zis demann zot pour *être* en pe pasyante avek nou. Korper ankor enn pti pe apre sa mon mazine lannen prosenn zot ava ganny en semen ki ti enn pti pe pli,

zot kapab zwir enn pe plis ler zot pe dray dan sa rezyon. Mersi Mr Speaker.

MR SPEAKER

Mersi *CEO*, ou le klarifikasyon Onorab Esparon silvouple.

HON REGINA ESPARON

Mersi Mr Speaker. Wi mon apresye repons ki *CEO* in donner. Nou'n espe - parski sa proze ti komans depi 1991 li, nou annan en kantite pasyans, nou pe atann. E mon soulaze tann ou poudir, di-si lannen prosenn keksoz ava bouze. Mersi.

MR SPEAKER

Mersi. Nou a pran lezot kestyon. Onorab Hoareau ou ti'n lev-? Non. Alor Onorab Larue e apre Onorab Cosgrow. Onorab Larue.

HON FLORY LARUE

Bonzour Mr Speaker. Bonzour Minis ek *panel*, bonzour tou Manm ek tou dimoun dan lakour. Mr Speaker mon ti a kontan demann Minis letan in dir nou koumsa i annan 2 morso proze ki'n fini. Enn 26kilomet e lot 24 kilomet. Dan sa total 150kilomet, si i kapab dir nou prezizeman sorti ki bor pour al kote?

E sa 100kilomet ki reste, konbyen tan avan zot pour konplete, letan in koz lo bann

pipes ki pour ganny mete dan nor?

E lefe ki zot dir nou ki zot pe serv i bann *pipes PVC*, eski sa bann *pipes* zot resan, si zot resan ki laz zot annan e akoz zot in deside servi sa bann *pipes*? Mersi.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Speaker. Mersi Onorab pour ou pwen, pour ou kestyon. Mr Speaker mon pour zis repet sa ki mon ti dir, dan repons. Sa ki mon'n dir se *PUC*, i ti annan 50kilomet tiyo ki'n idantifye pour ranplase. 50 e in fini ranplas 26, pandan sa dernyen 5an e i pe al ranplas sa balans 24 kilomet dan sa prosen 3-4an.

Alor i pa sa sonm ki Onorab in donner, me selman mon konpran kestyon. Mon konpran direksyon son kestyon, se plis klarifikasyon sorti kot *PUC*, ki mon ava demann *CEO* pour klarifye lo kote egzakteman kote sa bann tiyo i ete, e osi sa size ki annan pour fer avek kalite tiyo ek son laz. Mersi.

MR SPEAKER

Thank you, Minis. CEO?

CEO PUC JOEL VALMONT

Mersi Mr Speaker. Mr Speaker sa proze ranplas tiyo, en pe plis spesifik nou ti komans li, anviron 2015-2016. E nou'n finans li anba sa *loan* ki Gouvernman in pran avek *AIB* ek *AFT* e Gouvernman ek *PUC* i osi fer kontribisyon ladan.

Bann rezyon ki nou'n ranplas tiyo, i enkli Victoria e en pa dan *outskirt*, dan direksyon Plaisance ziska *Seybrew*. Nou'n kouver en pe Cascade, resaman nou'n kouver belvedere, e parey mon ti pe dir en pe dan sid Mahé.

Dan nor pour lemoman i ankor *outstanding*, laplipar rezyon e nou'n kouver en bout dan nor ziska La Retraite, sorti kot Flat SACOS Anse Etoile ziska La Retraite.

An se moman nou a pe fer Castor Road, i en landrwa kot parey Onorab Esparon in fer resorti ki tanzantan pe kase. I osi i en rezyon ki nou'n vwar ki'n demann priyorite, nou pe kouver osi i annan en bout *Coral Strand* dan Beau Vallon kot nou pe pran byento. E avek nou tim *PUC* li menm, i annan en louvraz nou pe fer dan Foret Noire Rochon.

Kot i konsern *new PVC*, Mr Speaker sa i depi komansman letan sa tiyo to ganny enstale. Mwan menm mwan mon, mon pa kapab rapel ki lannen akoz mon pa ti ankor antre dan konpanyen. Me selman nou pa servi, *PVC*

konmela dan nou lenstalasyon.

Nou servi swa *HDPE* oubyen, *ductile pipe* ki i en tiyo feray avek *lining* siman ladan. Mersi Mr Speaker.

MR SPEAKER

Mersi. Mon a pran kestyon Onorab Cosgrow pour terminen. *Sorry* ou annan en klarifikasyon, mon ti pe get kote isi. Silvouple klarifikasyon vitman.

HON FLORY LARUE

Mersi Mr Speaker. Eskize *panel* mon ti'n tann 100kilomet. Me selman mon krwar kestyon ti spesifik, lo en rezyon. Alor sa 24kilomet eski i pour ganny mete dan sa rezyon spesifikman ki'n ganny mansyonnen dan kestyon? Mersi.

MR SPEAKER

Mersi. *Panel* ti a kontan klarifye?

MINISTER FLAVIEN JOUBERT

Mr Speaker. Mersi Onorab. Mr Speaker parey in eksplike Sorento, ki pour apepre 2 kilomet ek sa lot morso i pour apepre kilomet, 2.5kilomet. Alor sa 24 kilomet ki reste pour ganny ranplas i pour diferan landrwa. Me parmi ou pour annan de porsyon pour

Glacis. Enn i 2 kilomet, lot i 2.5kilomet. mersi.

MR SPEAKER

Mersi. Onorab Cosgrow.

HON WALLACE COSGROW

Mersi Mr Speaker. Mr Speaker, mon enn pti pe dezole pour vwar poudir nou ganny 2 larepons. Enn sorti kot Minis enn sorti kot *CEO*. E Minis i penn nou en portre enn pti pe pli zoli, me *CEO* mon krwar i donn nou larealite. En *CEO* i ladan, i donn nou larealite. E vi konn kou sa bann proze.

So mon ti a kontan ki *next time* nou ganny Minis en larepons konkret, serye sorti kot ou. Eski Minis i kapab dir nou, ouswa *CEO* an term sa spesifikman lo Sorento lo Glacis, ki kantite - ou'n dir ki sa proze pour kout apepre R5.6milyon - So an se moman ki kantite delo ki zot pe perdi dan sa rezyon si zot kapab estimen?

E an term, *non-revenue water* ki kantite i kout or ki kantite *PUC* pe perdi an term reveni? E si i santi ki sa i sibstansyel e i pe afekte loperasyon *PUC*. So si Minis ouswa *CEO* i kapab donn nou detay teknik silvouple. Mersi.

MR SPEAKER

CEO. Mersi. Minis larepons i kot ou.

MINISTER FLAVIEN JOUBERT

Ok mersi Mr Speaker. Mr Speaker zis pour pran sa pwen ki Onorab in leve lo komansman ki mon penn en portre diferan avek sa ki *CEO* in penn. Mon pa'n dir poudir *PUC* pou vin fer, met tiyo delo ansanm ek *sewage*.

Ki mon'n dir se ki mon rekonnèt, ki nou bezwen senkroniz pli byen ant bann diferan lorganizasyon ki pe travay - fer bann travay piblik pour ki letan ou kas semen, ou kas semen en fwa e si ou kapab *afford*, pour fer li.

Si ou pa kapab *afford* parey *CEO* in fer sorti, byensir nou pa kapab pas laliny tiyo akoz nou pa ankor konnen si i annan *sewage* pour Glacis e nou pa kapab konsider *sewage* pour Glacis.

Me selman ozordi si i annan laliny elektrik, si i annan laliny tiyo delo, e si i annan lezot plan dan lefitir pour li azout tiyo lo la, i bon ki i pas tou an menm tan.

Alor mon pa pe penn en portre pli pozitiv, an di-z-an ki nou pe fer kordinasyon ek *SLTA*. Akoz *CEO* in konfirman nou pe fer kordinasyon ek *SLTA*.

Mr Speaker mon ava pas laparol avek *CEO* pour li koz lo pert dan sistenm. E osi son kou ki Onorab in leve. Mersi.

MR SPEAKER

Mersi *CEO*.

CEO PUC JOEL VALMONT

Mersi Mr Speaker. Mr Speaker, mon pa'n vin pare avek kou. Me selman mon kapab koz en pe lo perd. Mon kapab donn sa lenformasyon kou apre, atraver ou biro.

Kot i konsern perd lo Mahé. Ozordi perd i anviron 29poursan.

Savedir 29poursan sa ki nou prodwir, pa ariv kot nou konsonmater. Nou fer en zefor, nou ankor pe fer en zefor pour adres li e trwa kar sa bann perd i annan pou fer avek, pour ozordi i annan pou fer avek ozordi i annan pou fer avek sa bann fwit ki nou pe eksperyanse. E sa bann landrwa kot tanzantan nou pe ganny sa bann kase.

Se pour sa ki nou le akseler sa proze dan plas fer li dan 5an, sey fini li boner dan 3-4an. Mr Speaker zefor pour redwir perd dan *PUC*, ti komanse depi 2015. E a sa letan, pert ti anviron 58poursan, e ozordi nou'n nobou anmenn li lo en nivo 29poursan, kot ti annan en letan nou ti'n zwenn anviron 20poursan.

Me selman apre sa nou'n vwar ki avek letan lasesres ler nou frenmen, ouver nou afekte ankor striktir tiyo e nou perd in komans re-ogmante.

Kontinyelman an mezir nou ranplas sa bann tiyo, sa sif pour desann. E nou target ti anviron 15-20poursan. I en target ki mon krwar si ou sey met plis zefor apre sa i konsern plis larzan. E retour i pli pti git.

La kot i konsern kou Mr Speaker, parey mon'n enformen nou ava donn sa lenformasyon atraver ou biro. Mersi Mr Speaker.

MR SPEAKER

Bon, nou'n terminen avek sa kestyon. E sa ti sel kestyon pour sa delegasyon. Alor mon a remersye zot, e mon a envit zot fer zot depar. Tan ki nou pe kontinyen nou a pran kestyon numero 13, pour ki kestyon Onorab Esparon, e nou a termin avek sa.

Alor mon a demann madanm raporter pour apel lot delegasyon an mezir ki lot i sorti silvouple.

Mersi. Minis ou reste. Bon bonzour e byenveni Mr Keven Nancy Sekreter Prensipal pour Lagrikiltir e Mrs Linetta Joubert *Chief Officer* pour Departman Lagrikiltir. Mersi pour zot prezans. Kestyon numero 13 Onorab Esparon.

HON REGINA ESPARON

Mersi Mr Speaker. Eski Minis i kapab dir nou Lasanble, ki Polisi son Minister, pou

formaliz, e revwar sa sityasyon kot dimoun pe antre lo later Gouvernman e pe plante san en *lease*? Mersi.

MR SPEAKER

Mersi Minis. Repons *please*?

MINISTER FLAVIEN JOUBERT

Mersi Mr Speaker. Mersi Onorab pour ou kestyon. Mr Speaker en dimoun ki napa en Lagreman avek Leta, par merit pe antre fer okenn devlopman agrikol lo okenn later lagrikiltir, oubyen later ki'n ganny dezinyen pour lezot kalite aktivite.

Pozisyon Departman se ki zis en dimoun ki'n pas dan prosedir aplikasyon ki kapab komans bann aktivite e sa dimoun i merit annan dan son posesyon, en dokiman apropiye sorti kot Lotorite ki donn li permisyon pour komanse. Si sa pa le ka, sa aktivite i alor ilegal. E sa dimoun i merit ganny fer arete.

Letan en aplikasyon i ganny fer, proze sa aplikan i ganny evalye e si i kalifye., later i disponib sa letan, sa aplikan i ganny en let *early entry*. Sa let *early entry* i liste bann kondisyon ki bezwen ganny respekte, e permet sa fermye pour develop sa later dan letan ki son dokiman *lease* pe travay lo la.

Prosedir preparasyon e anrezistremant *lease*, i parfwa pran en pe letan. Nou'n diskite ek bann partener e Biro AG in enform nou. Biro *Attorney Zeneral* in enform nou ki zot pe rod plis resours pour ede akseler sa prosesis lo zot kote.

I osi annan sa problemm mank arpanter ki en problemm mazer dan serten ka, fermye i bezwen okip parti serten later zis avek en let, san ki zot balizaz i vin byen definir.

Ozordi letan nou pe koze i annan en bon poursantaz, later ki pa ankor ganny arpante dan pei. Me fodre fer remarke ki tou sa bann fermye, i annan en let alokasyon, ki fer ki zot aktivite i pa kapab ganny klasifye koman ilegal.

I enportan note Mr Speaker, ki serten sa bann ka okipasyon later Leta i pa enplik fermye ki'n anrezistre e dan plizyer ka zot pa pe antre lo later ki'n dezinyen pour lagrikiltir ki anba direksyon sa Minister.

Dan sa bann ka Departman i fer prosedir avek Minister Later pour adres sa bann endividyel letan i arive. Mersi.

MR SPEAKER

Mersi Minis. Siplemanter Onorab Esparon.

HON REGINA ESPARON

Mersi Mr Speaker. Mr Speaker avek lentansyon pour ofer plis later lagrikiltir ek bann zenn, eski i annan en levanter ki'n ganny fer pou vwar ki kantite, ki poursantaz later lagrikiltir ki pe ganny okipe, oubyen ki dimoun antre lo la ilegalman? E ki lentansyon Minister pour formaliz sa bann ki deza la lo la? Lo sa bann later ilegalman. Mersi.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Speaker. Mersi Onorab. Mr Speaker aktyelman nou'n fer en travay kordinen. Nou'n servi bann resours ki annan dan Minister. Pa zis dan Departman Lagrikiltir. Me nou'n servi GIS par egzanp kot Lanvironnman. E nou'n osi travay avek Minister Later. E nou'n arive konnen egzaktaman kote sa bann later i ete.

Ozordi nou'n remet an plas *database* ki montre kote sa bann later i ete. Aktyelman la nou pe fer *extension service*, fer rapor lo tou bann landrwa ki okipe e nivo aktivite lo sa bann later.

Resaman mon ti annan dan mon lanmen en rapor pour rezyon Baie Lazare Val Dan Dor ki montre apepre 21

ka kot nou bezwen entervenir. E nou bezwen fer sa sistematikman dan tou bann landrwa kot nou annan e *update* nou *database* pour konnen egzaktman nivo aktivite.

Me selman bann lenformasyon ki nou annan pe endike ki i kapab ziska pres 40poursan nou later ozordi, ki pa pe ganny byen servi. Alor nou konnen poudir i annan en bon pe lespas ki pe ganny mal servi, ouswa pe ganny met akote petet i annan en serten dimoun an esperan zot a fer lezot keksoz lo la.

Me nou, nou fer travay sistematik e sa i en latas prensipal pour *Extension Service* sa lannen, pour zot anmenn sa bann lenformasyon e met dan sa baz lenformasyon pour nou kapab vremen konnen e pran bann desizyon. E sirtou ed bann nouvo veni, bann zenn pour zot antre dan sa sekter. Mersi.

MR SPEAKER

Wi. Klarifikasyon Onorab Esparon.

HON REGINA ESPARON

Mersi Mr Speaker. Mon ti anvi demann Minis dan ka kot en dimoun pe plant lo en later ki pa'n ganny dezinyen pour en later lagrikiltir, eski i annan sa kordinasyon avek *MLH* pour zot kapab fer sa later - konmsi

transmet li koman en later lagrikiltir? Mersi.

MR SPEAKER

Mersi Minis.

MINISTER FLAVIEN JOUBERT

Mr Speaker. Wi letan i ariv bann ka parey, nou travay ek Minister Later pour nou trouv en solisyon pour sa bann problem. Akoz parfwa dimoun zot lentansyon i korek, me selman zot pa pe swiv byen prosedir.

Me selman nou bezwen konpran ki i deza annan en bon pe later ki anba, ki ganny dezinyen pour lagrikiltir. E alor nou pour bezwen plito fer en lesanz avek Minister Later.

Akoz parfwa zot demann nou, pour nou aksepte ki zot larg serten bout pour lagrikiltir. Me an retour, lezot landrwa kot zot annan bezwen, nou pour bezwen *accommodate* zot.

Akoz nou pa pour kapab zis transfer tou later dan en sel direksyon. Me nou bezwen osi donn later pour lezot aktivite dan pei. Me i annan sa kordinasyon, e dan bokou ka nou gannyen sa diskisyon avek zot. Mersi.

MR SPEAKER

Mersi. Kestyon Onorab Pillay.

HON SEBASTIEN PILLAY

Mersi Mr Speaker. Mr Speaker me si nou pran li lo en kote en pe pli pozitiv, par egzant mon'n rankontre detwa ka kot i annan zenn ki'n vwar en later zot in antre lo la e zot pe plante - zot pe plante.

Ki ou, Minister i fer pour ou'n vini ou'n vwar li, i pe plante, ki ou Minister i fer pour ou formaliz sa ki i pe fer? Dan ki dele letan i fer sa? E ki manner ou ankouraz sa zenn pour kontinyen fer sa aktivite? Pa ki mon pe dir i byen sa ki'n fer in antre lo la. Me dan sirkonstans kot ou'n ale, ou pour vwar in aktyelman pe fer tre byen i fer prodiksyon, so ki ou, ou fer pour *deal* ek sa?

E prezan an relasyon ek bann later ki ou deza annan *lease* lo la. E kot bann fermye pe okipe, si nou pran par egzant bann fermye plito plato par egzant nou regard par egzant plato *around* Anse Royale *and so on*, oubyen bann lezot landrwa ki annan plato, kot zot ganny afekte avek bann linondasyon, ou pe *lease* sa later ek zot osi.

Ou pe met an obligasyon, legal atraver en *lease*. Me ki lobligasyon ou, ou pe pran atraver protez sa bann fermye oubyen menm *provide* serten sipor, dan sirkonstans kot ou'n donn li en *lease* en landrwa kot apre ki annan serten difikilte ki *arise*?

Mon pa konnen, dezyenm kestyon i enn pti pe an deor Mr Speaker. Me selman, mon le zis pous sa azanda, akoz la ki nou ana Minis pour Later petet si i anvi dir de mo lo la. Me mon premye kestyon i pertinan pour mwan konpran ki i pour fer pour sa bann dimoun. Mersi.

MR SPEAKER

Mersi Onorab. Minis?

MINISTER FLAVIEN JOUBERT

Mersi Mr Speaker. Mersi Onorab. Mr Speaker mon pa ti a voudre ankouraz sa pratik menm si, Onorab in fer resorti ki parfwa sa bann dimoun pe fer en bon travay. Me selman mon pa ti a voudre ankouraz sa pratik, akoz i pour ankouraz en laport ouver kot tou dimoun i ale i antre lo en later e komans fer aktivite e apre i vin demann Gouvernman pour regulariz son aktivite.

Me toudmenm letan nou vwar ki i annan serten ka kot i merite annan en konsiderasyon - sirtou si sa dimoun pe montre poudir i annan sa abilite - i pe demontre poudir i pe fer en travay ki kapab anmenn potansyel pour li kapab agrandi pli tar.

E si sa landrwa osi i apropiye - akoz i annan bokou landrwa par egzanp ki a kote zot bann *zone* rezidansyel ki dimoun i le agrandi loperasyon lagrikiltir, ki apre i kree konfli - ki nou pa kapab ankouraz li pour li kontinyen agrandi dan sa landrwa ouswa par egzanp met *livestock*.

Si i arive ki tou bann faktor i alinyen e tou keksoz i tonm byen, nou fer en negosyasyon avek Minister Later e nou rod en fason pour nou demark sa landrwa, pour nou donn li en *lease*.

E apre osi nou bezwen re-anrezistre li pour li ganny benefis anba bann fasilite ki egziste pour fermye.

Me selman nou bezwen fer sir ki tou bann faktor i tonm byen e ki nou pa vwar nou dan difikilte akoz sa travay. E apre osi petet ti a bon fer remarke ki annan serten ka, ki i annan dimoun pa move konesans sityasyon, zot in antre petet lo later prive osi. E nou vwar ki la prezan i vin en lot problem.

Mersi Mr Speaker.

MR SPEAKER

Eski ou pe demann klarifikasyon lo ou dezyenm pwen?

HON SEBASTIEN PILLAY

Non-Mr Speaker mon pa pou al lo mon dezyenm pwen. Akoz

i kler Minis pa'n le al dan sa direksyon.

MR SPEAKER

Ale.

HON SEBASTIEN PILLAY

Me selman sa ki mon ti a kontan demann Minis. mon'n par kont zwenn serten zenn ki'n demande ki zot in fer serten laplikasyon avek Departman Lagrikiltir pour Later. E lefe ki larepons in ale vini, in tarde zot in napa swa me zot in al dan sa direksyon.

Me parey mon'n dir pa ki mon pe ankouraz zot. So ki ou pe met an plas, dan ou Minister pour asire ki ler ou ganny en laplikasyon, ou annan en *timeframe* dan ki ou kapab reponn sa laplikasyon? Pa parey Biro Eleksyon ki dir ou i *acknowledge*, me selman in reponn. Ou konnen sa kalite? Mersi Mr Speaker.

MR SPEAKER

Minis.

MINISTER FLAVIEN JOUBERT

Mersi Mr Speaker. Mon krwar i enportan pour rekonnnet ki dan Departman Lagrikiltir, later i enn bann pwen feb. E mwan mon poudir klerman, poudir later i ankor reste enn bann pwen febles dan sa Departman.

E nou pe get bann fason travay, ki bann dimoun pe travay. Nou pe get bann sistenm rikord, ki zot pe servi. Nou osi get kalite dimoun, ki nou annan dan Departman e kalite laranzman *staffing* ki nou annan pour kapab fer marse sa sistenm. Pour ki letan en dimoun i vin avek en demann, nou kapab donn li en repons dan letan kourt.

Mon osi mon santi poudir letan ki pran pour reponn en dimoun, kot Departman i pa sifizan. E osi si nou poudir ek en dimoun, non. Annou dir ek li non dan en peryod *fixed*. I a konnen poudir larepons i non e i ava kontinyen fer en lot demars.

E nou vwar ki i en febles ki nou bezwen adrese e sa i enn bann keksoz i nou pe travay lo la, anndan Departman. Akoz nou pe travay lo tou bann size ki annan pou fer ek fasilitasyon, fermye e nou bezwen fer sir ki nou annan bann target ki ganny mete pour ki dimoun i kapab en repons e pour osi kapab fer bann evalyasyon.

Me selman parey mon'n fer resorti, Onorab i annan serten keksoz ki mank nou ozordi. Napa arpanter dan pei, nou ankor pe esper arpanter. Nou pa pe ganny fasilite arpanter later, pour nou kapab separe donn dimoun. Ziskan ozordi i annan en gro

defayans. Menm si nou anvi donn serten later. Menm si nou anvi fer *lease* nou napa arpanter.

E sa i en retar enportan. E Minister Later osi in rekonnnet sa, ki nou ti a kontan ganny plis fasilite pour nou kapab deziny bann later e fer ki dimoun i kapab ganny zot later pli vit. E sa i enkli sa enn ki nou ti al vizite ek bann Manm Lasanble COGA Montanny Poze. Nou ankor pe esper arpante pour nou kapab met sa an plas. Mersi.

MR SPEAKER

Mersi, mersi nou termin la pour sa kestyon. E nou a pran poz. Mon a remerisye Minis, nou pour retournen avek menm *panel* pour kestyon 14 e 15 apre poz. Donk mon ava envit zot pour zwenn nou apre. Nou a rebran Lasanble 11er 15. Mersi.

(BREAK)

MR SPEAKER

Nou rebran avek kestyon limero 14 ki pou Onorab Richard Labrosse. Onorab ou kestyon.

HON RICHARD LABROSSE

Mersi Mr Speaker. Bonzour tou dimoun ki a lekout. Bonzour tou Manm koleg isi.

Mr Speaker kestyon limero 14 i al swivan: -

Eski Minis pour Lagrikiltir i kapab enform Lasanble si okenn revizyon ou travay in ganny fer ou pe ganny fer lo sa plan konpreansiv lo lagrikiltir? Mersi.

MR SPEAKER

Mersi Onorab. Minis repons.

MINISTER FLAVIEN JOUBERT

Mersi Mr Speaker. Mersi Onorab pou ou keston. Mr Speaker wi, in annan en revizyon dokiman stratejik ki gid lagrikiltir pou reflekte realite aktyel e pou donn tou bann partner dokiman ki kler.

I merit osi ed Departman ki responsab Lagrikiltir pou li klarifye son bann aksyon. E organiz son travay pli byen.

Dan preparasyon sa nouvo stratezi, nou'n osi mazin loportinite prezante par bann partner ki kapab ed nou dan amelyorasyon sekirite alimenter, espesyalman la ki zot pe montre bokou lentere apre pandemik COVID-19.

Bann sinerzi ant lanvironnman ek lagrikiltir pe osi aprofondi dan en fason remarkab, e sa i en lot fason kot lenerzi i kapab ganny anmennen dan sa sekter.

Revi ki'n ganny fer pou formil sa nouvo stratezi in enkli en regar lo bann dokiman resan ki'n gid

lagrikiltir par egzanp ASDS (*Agricultural Sector Development Strategy*). SNAIP, (*Seychelles National Agriculture Investment Plan*) ki fini an 2020.

Food and Nutrition Security Strategy. E osi sa *Comprehensive Agricultural Plan*.

Nou ava rapel toudmenm ki *CAP Comprehensive Agricultural Plan* ki Onorab in fer referans avek, i en seri mezir aprouve par *Cabinet* avan ki ti kondans bann eleman prezant dan bann plan parey SNAIP.

Sa revi in osi get lo bann gran langazman pei lo prodiksyon manze ek sekirite alimenter, parey bann lobzektif devlopman dirab, proses anba *UN Food System Summit* ki ti komanse an 2020. E osi anba bann langazman Linyon Afriken, CAADP.

Tou bann lanbisyon Gouvernman pou sa sekter eksprimen dan manifesto e osi reflekte dan plan devlopman nasyonal in ganny kaptire antyerman dan sa nouvo stratezi.

Vizyon kourt ki nou pe anvizaze pou sa stratezi se 2022 a 2026.

Mon ava prezant Lasanble avek enn de detay Mr Speaker. Vizyon sa stratezi in aliny direktman avek vizyon

Gouvernman pou lagrikiltir ki koz lo lagrandisman rol sa sekter, pou donn li en lanpler Nasyonal koman en sours reveni ki kontribye plis dan lekonomi. E osi vin en pastan prefere pou nou zabitan.

I enportan pou fer sa sekter kontribye plis dan sekirite alimanter. Ede pou ranplas lenportasyon e anmenn plis deviz etranzer.

Konsyan ki nou bezwen annan en plan ki lozik e ki kler, nou'n met 4 gran lobzektif anba ki i annan en seri 6 pilye lentervansyon ki tousala i enter fas e kontribye avek sa bann lobzektif.

Sa 4 lobzektif i *comme* swivan. Ogmant dan en fason soutenab prodiksyon legim, fri, lavyann e gro manze dan pei.

Agrandi kontribisyon sekter dan lekonomi an-term *GDP* e lezot endikater ekonomik. Amelyor kapasite prodiksyon transformasyon ek stokaz Nasyonal pou satisfere demann domestik an ka i annan bann pertibasyon global ouswa mondyal.

E katriyenm se depas bann target lobzektif devlopman dirab.

Pou sak sa bann gran lobzektif, i annan bann *target fix*, e liste egzaktman lekel komitman Gouvernman ouswa lezot langazman ki pou ganny kouver.

Par egzanp anba lobzektif limero 1, i kouver target Gouvernman pou souvrennte alimanter e ranplas lenportasyon. E osi kouver *SDG*, 2 e 14.

E bann lezot e osi tonm anliny avek target *FAO* pou manze. Savedir sak lobzektif i annan son *group* target e langazman Gouvernman e langazman enternasyonal ki i pran kont.

Sa 6 pilye entervansyon, i kontribye dan diferan nivo a sa 4 lobzektif mazer. Savedir sakenn sa bann lentervansyon zot pou kontribye pou tou sa bann lobzektif, me dan diferan lentansite.

Laplipar i annan plizyer sou eleman pou rezon letan mon pou donn zis en rezimen sa 6 pilye entervansyon Mr Speaker.

Premye se protez bann resours kle. E sa i enkli proteksyon later lagrikiltir e osi zesyon, meyer zesyon resours delo.

Dezyenm, i konsern ogmantasyon kapasite depi bann ki dan prodiksyon, biznes ek transformasyon bann ki dan servis sipor e osi pou formasyon profesyonnel pou bann debitan e pratikan sirtou an servan lekol *SIAH*.

Trwazyenm, i annan pou fer avek marse e konpetitivite ki konsern koneksyon konsonmasyon ek prodiksyon.

E osi servis pou fasiliteyasyon biznes dan Sekter Lagrikiltir.

Katriyenm, se diversifikasyon prodiksyon. E sa i enkli diversifikasyon bann plant ek zannimo. Bann plantasyon *cash crop* parey nou dir.

Bann aktivite *agroforestry*, *agrotourism* ek lezot aktivite similar e tre enportan diversifikasyon anver prodiksyon lo bann zil elwanye.

Senkyenm, se lenfrastruktir kle dan pei pou permet transformasyon stokaz ek lavant bann diferan prodwir pou marse lokal, pou tourizm e menm pou eksport.

E sizyenm, se kordinasyon e armonizasyon bann plan domestik e enternasyonal pou donn meyer rezilta dan sekter.

Anba sak sa bann pilye i annan en long lalis aksyon ki'n prevwar ki osi enkli bann rekomandasyon fer dan en seri 11 *meeting* konsiltasyon avek bann partisipan dan sa sekter an 2021.

Departman pe an se moman travay lo kou ki pou vin avek. E osi lo bann dat enplimantasyon.

Sa demars parfwa i konplike, akoz lalis aktyel dan Departman serten i eparpiye. Nou espekte ki sa travay i ava abouti dan en fason pli

organize pou Departman fer e evalye progre son travay.

Toudmenm Mr Speaker, fodre fer remarke ki bann aksyon in deza komanse. Mon a donn en legzanp.

Par egzanp anba pilye limero 1 kot i konsern proteksyon later. *Draft* Lalwa ki rebran en Lalwa depi 1964 in fini an devlopman e nou espekte ki i pou ariv Lasanble dan en pe letan.

E isi menm dan Lasanble dan bann sesyon prosen nou pou koz lo regilater pou zesyon delo.

An menm tan nou pe fer travay detaye pou adres kapasite Departman Lagrikiltir pou fer son louvraz. Par egzanp kot nou pe anmenn bann dimoun avek kapasite dan Departman pou nou amelyor melanz ki nou annan, pou ki nou ganny pli bon rezilta.

E nou pe osi travay tre for pou nou amelyor tou bann servis fasiliteyasyon ki sa Departman i donnen pou bann ki dan prodiksyon. Par egzanp *loan*, *store*, later, irigasyon eksetera.

Pou fini Mr Speaker nou espekte ki dan bann prosen semenn, nou ava fini avek versyon final sa dokiman e prezant avek tou bann partner enkli bann Manm Lasanble Nasyonal. Mersi.

MR SPEAKER

Mersi Minis. Onorab ou siplemanter.

HON RICHARD LABROSSE

Mr Speaker mersi. Mersi Minis pou ou larepons. Minis mon'n tann ou ou'n donn bann plizyer kontrandi la.

Me selman i annan en keksoz ki'n *peek* mwan *up* sirtou ler nou pe koz lo *SIAH*. En lekòl ki parey nou dir li ki formasyon bann fermye, bann fitir.

An se moman ki nou pe koze ler nou pe koz ek sa plan la, eski i annan okenn *improvement* lo kote bann *syllabus* ki montre kot sa lekòl ki pou li marye ansanm ek sa nouvo plan ki ou pe koz lo la.

Dezyenm kestyon ki mon ti ava kontan konnen, eski ler ou pe fer tousala eski zot pe *involve* osi bann *shareholders* nou ape koz bann fermye ansanm ki nou al lo menm laliny? Mersi Mr Speaker.

MR SPEAKER

Mersi Onorab. Minis?

MINISTER FLAVIEN JOUBERT

Mersi Mr Speaker. Mersi Onorab pou sa 2 pwen.

Mr Speaker mon krwar sa size *SIAH* i vreman enportan. E mon krwar i byen ki Onorab in lev sa kestyon.

Parey piblik i ganny met okouran depi 2022 *SIAH* pe ganny administre konzwentman par Minister responsab Lagrikiltir e Minister Ledikasyon.

I annan bann azisteman ki nou pe deza. Nou'n met a plas en *Board* ki vreman aktiv. Nou'n anons nouvo *training course* ki'n pe komanse sa lannen.

I annan *IGCSE* Lagrikiltir e osi i annan en *bridging course* ki nou pe fer pou kapab elev bann marmay pou zot kapab swiv diplom dan sa lorganizasyon.

Be i annan plizyer lezot keksoz ki nou pe gete. Enn bann bi ki nou annan pou *SIAH* se ki nou ti ava kontan ki i asosye son lekor avek bann lenstitisyon profesyonnel, ki kapab donn kontinite.

Ozordi ou ava realize ki en etidyan i antre dan sistenm ledikasyon pou lagrikiltir Sesel, i war li avek en blokaz a lafen sa premye *cycle*. I pa konnen kot i pou ale.

E aktyelman la nou annan plizyer bann etidyan ki'n fer sa bann *training* ki pe ankor pe demande ki zot pou fer? Kote zot pou ale?

E nou bezwen fer sir ki i annan kontinite e ki en etidyan swa i kapab debous dan devlopman profesyonnel pli avanse ouswa i kapab debous dan bann kapasite pou

li pran bann pozisyon dan sekter, me avek en bon bagaz teknik.

Alor nou pe fer sa bann travay avek son *Board*. I annan *review syllabus*. I annan *capacity building* pou bann *staff*. I annan bann *liaison* ki nou bezwen etabli avek bann lorganizasyon.

E mon ti ava kontan ki sa lannen nou pe siny en Lakor avek en lenstitisyon pou nou met an plas en bon striktir kot i annan kontinyite.

E i menm annan lenfrastriktir ki i en keksoz ase enportan aköz *SIAH* ozordi i en leköl san leköl Grand Anse.

Nou pe rekonstrir son lenfrastriktir sa lannen. E an traver en lot proze avek *UNDP* nou pe met lenfrastriktir pou zot travay lo zarden devan kot *SIAH*.

Savedir sa tou lede pe ganny fer sa lannen pou ki nou annan en nouvo leköl. An prensip ki kapab delivre lo son manda. Mersi.

E lot pwen mon krwar Mr Speaker ti konsern. Wi konsiltasyon. Mon ti fer resorti Onorab ki dan mon prezantasyon se ki an 2021 an traver en proze ki ti apel *UN Food System Summit* ti annan plizyer konsiltasyon ki ti ganny fer.

Ti annan 11 *meeting* ki ti ganny fer. E sa 11 *meeting* ti

fer avek tou dimoun, tou bann partner dan sekter.

E nou vwar ki in *capture* en bon pe bann nide, bann pozisyon. E i osi dan sa stratezi nou pe reflekte en bon pe sa bann nide ki ti ganny anmennen an traver sa bann konsiltasyon 2021.

Me letan nou pou al lo lafen sa prosesis ki la, nou pou ankor prezant sa dokiman. E si i annan okenn komanter nou ava rod fason pou nou met li, pou nou enkorpor li kot i nesese dan dokiman e dan nou bann plan. Mersi.

MR SPEAKER

Mersi Minis. Non nou ava pran kestyon siplemanter bann lezot Manm pou letan ki disponib.

Onorab Aglae ou kestyon.

HON EGBERT AGLAE

Mersi Mr Speaker. Minis ek ou *panel* bonzour. Minis sa size plan konpreansiv lagrikiltir, ti en size ki nou ganny diskite isi menm sizyenm Lasanble.

Minis baze lo sa, petet ou pa'n al en pti pe sitan *in-depth*. Mon konpran poudir i annan plan kour term, mwayen term e long term anba sa plan konpreansiv.

Minis eski baze lo sa ou kapab dir nou petet priyorite ou Minister li menm li,

premyerman Minis nou ankor annan bann defayans kot i konsern bann lenfrastruktir. Semen, pon, irigasyon e menm lentrodiksyon bann *shade house* parey zot ti komanse pou fer.

Eski i dan ou priyorite kour term, pou ki kapab adres sa bann konsern si nou anvi ki sa 4 pilye ki ou'n site, ki fer ki fermye i kapab os zot prodiksyon san okenn bann ganny kontrent ki pou bezwen fer fas avek pou zot kapab elev zot nivo? Mersi.

MR SPEAKER

Mersi Onorab. Minis ou repons.

MINISTER FLAVIEN JOUBERT

Mersi Mr Speaker. Mersi Onorab. Onorab mon annan devan mwan prozeksyon pou sa prosen 3an ki pe ganny konsidere, koman parti bann travay ki nou pou fer.

Prozeksyon pou 2022 sa i bann proze, pardon 2023. I 40milyon e sa i enkli bann diferan proze ki annan pou fer ek irigasyon avek fasilite lavant avek semen, avek bann fasilite sipor teknik. Ek tou bann diferan keksoz ki bezwen pou fer louvraz marse dan sa sekter.

2024 mon war en prozeksyon 24milyon. E i annan ankor bann keksoz

parey semen, parey *survey*, parey batiman ki pou ganny aranze. E osi serten lekipman parey *incinerator* ki nou ganny met an plas pou ede lo kote biosekirite.

I annan 2025 mon war en *forecast* 40milyon ki ankor i annan bann proze ki pou ed bann kominote fermye.

E dan tou sa bann lannen i annan bann keksoz parey ou'n koz lo la, parey semen ek irigasyon. Sa i la.

Me lo lot kote Mr Speaker i annan sa size *shade house*. *Shade house* i dan serten fason dan lepase in ganny fer koman Don ouswa *Grant*.

Pou lemoman nou napa *Grant* anba Lagrikiltir. Mwan letan mon'n vini mon pa'n war okenn *Grant* anba Lagrikiltir.

Me selman mon oule asir ou Onorab ki dan ban diskisyon ki nou'n fer. E dan bann prozeksyon ki nou pe fer anba bann proze ki pe ganny prepare pou Sesel, ou pou vwar ki nou pou anmenn larzan pou *Grant* ankor.

E mon pe koz en bon sonm larzan ki pou kapab permet bann fermye vin avek bann propozisyon pou zot amelyor zot fasilite prodiksyon.

Me sa i an preparasyon, mon pa kapab devwal li la. Akoz i ankor pe ganny soumet. Me selman nou pe fer demars pou nou ganny *Grant*.

E la mon ti ava kontan met lanfaz lo lefe ki aköz Departman Lagrikiltir i anba menm Minister aprezan avek Lanvironnman, nou pe pli byen kapab senkronize ant sa bann Departman, ant sa bann program pou ki nou anmenn plis larzan dan lagrikiltir.

E petet lannen prosenn ou kapab fer menm konversasyon. Mon asir ou ki nou pou kapab montre poudir sa kantite ki nou pe anmennen dan lagrikiltir i bokou konpare avek sa ki annan ozordi.

E se sa ki nou lentansyon. E se sa ki nou'n komans fer. Me mon pa pou kapab donn sa bann lenformasyon la deswit aköz bann prosedir laplikasyon i ankor pe ganny fer e mon pa ti ava voudre fer krwar ki nou'n fini *secure* sa bann finansman. Mersi Mr Speaker.

MR SPEAKER

Mersi. Wi klarifikasyon Onorab. Bref silvouple?

HON EGBERT AGLAE

Vitman Mr Speaker. Minis petet baze lo sa prozeksyon ki ou'n nonmen 2023-2024 avek sa bann proze - si i posib pou fer aköz lo sa kote latab nou enterese - fer nou ganny en pe detay pou nou gete ki bann rezyon ki zot pe touse? Aköz, si zot pe balans sa bann resours

an-term sirtou bann rezyon agrikilter sid-was sirtou ki zot kapab bann fermye ki bezwen sa bann lenfrastruktir kapab gannyen. Mersi.

MR SPEAKER

Minis ou ava zis adrese si ou kapab donn detay *please*.

MINISTER FLAVIEN JOUBERT

Mersi Mr Speaker. Letan nou fini prepar dokiman, nou'n fini met tou keksoz annord e nou asire ki tou lenformasyon i korek. Byensir nou pou partaz avek tou Manm Lasanble e ou kapab depouye e vwar vremen si i adres bann sityasyon dan ou rezyon. Mersi.

MR SPEAKER

Mersi. Kestyon Onorab Lemiel?

HON SYLVANNE LEMIEL

Mersi Mr Speaker. Bonzour Minis avek ou delegasyon. Mon kestyon i, Minis ou'n donn nou en kantite lesplikasyon lo kote sa plan konpreansiv li menm nou konnen ki ti la egziste depi avan e zot in fer revi lo la.

Pandan ou bann revizyon pandan sa 3an ki Gouvernman in o pouvwar la, revizyon zot in fer. Mon ti a konnen petet ki zot pli gro *achievement* lo sa revizyon dan

sa plan konpreansiv ki zot in kapab fer? Mersi.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Speaker. Parey mon'n dir i annan plizyer keksoz ki nou'n fer lo kote fonksyonman sa Departman avan pou komans avek.

I annan bann travay ki nou'n fer anndan ki ozordi nou komans war rezilta. En senp legzanp Onorab, get *store* ozordi, nou napa mankman.

E pou premye fwa *revolving fund* pe grosi.

(APPLAUSE)

MINISTER FLAVIEN JOUBERT

Revolving Fund in toultan lo zero. E toultan nou al kot Minister Finans pou demann larzan. Mon preski asire ki nou pa pou demann larzan dan *Revolving Fund*.

I annan bann travay ki nou'n fer pou fer nou sistenm sipor *loan* par egzanp. E aktyelman la nou pe al siny en nouvo Lagreman avek *DBS*. Mon pou donn zot detay letan i pare, ki enkli bokou plis fasilite pou bann dimoun kapab *access loan*.

Alor i bann travay ki nou pe fer anndan dan Departman.

E nou le ki tou bann keksoz ki annan pou fer avek fasilasyon enn apre lot nou adres li, ki nou bann fermye letan i vin devan i kapab war en rezilta, i kapab ganny sa sipor.

Me osi nou bezwen konpran poudir i annan serten keksoz ki'n met nou retar. Mon ava donn ou legzanp. Lo kote *animal feed* nou'n ganny kantite difikilte, ziskan konmela i ankor en size difisil ki nou pe sey fer mannyer pou nou adres li.

Akoz bann kondisyon mannyer i ete an deor i pe bouz dousman. Bann fasilite ki nou pe ganny ofer ek serten enportater i pa toultan konvenab.

E nou pou bezwen toultan pe travay lo bann stratezi pou nou kapab adres sa bann sityasyon anver nou bann kliyan.

E nou konsyan poudir par egzanp bann pti, pti prodikter nou pa pe ganny ase *access* avek materyo pou zot travay lo la.

Mr Speaker lo kote egzekisyon proze letan nou gete, nou'n ganny en kantite difikilte lo kote egzekisyon proze lo kote Departman.

E sa nouvo kordinasyon ki nou pe fer avek Lazans Lenfrastriktir, mon krwar sa lannen i pou donn nou pli bon rezilta.

E mon swete ki letan nou retourn la pou lafen lannen pou nou prezant nou Bidze, lakantite ki nou delivre anba proze i pou bokou plis ki avan akoz nou pe fer en travay ki diferan e ki bokou pli kordinen e avek bokou plis sipor teknik sorti kot Lazans Lenfrastriktir.

Alor lo kote proze mon espekte en bon lavansman sa lannen e pou nou delivre lo bann proze par egzanp baraz Mont Plaisir, baraz Montanny Poze Bonne Espoir, ek bann lezot.

Alor nou espekte ki sa bann osi nou pou ganny bokou rezilta. Nou espekte ki nou pou konstri *store* La Digue.

Nou espekte ki nou pou fer sa labatwar ki toultan n ou pe koz lo la. Nou'n fini pare pou nou fer sa labatwar. E annefe nou ti ava voudre komans met premye pyer parey zot dir byento.

E nou'n fini fer tou sa bann laranzman menm si in difisil. Me selman nou'n pare pou nou komans konstri sa fasilite mazer pou *process* lavyann ek fer labataz dan pei.

Onorab an menm tan osi i annan plizyer keksoz ki nou'n fer lo kote kordinasyon ki mon ti ava kontan petet nou konsyan osi.

Petet ennler ou pa tann keksoz. Me i annan en kantite keksoz ki nou'n fer ant

Departman Lagrikiltir ek bann lezot Departman ki egziste anba nou Minister ki pe fer ki nou kapab al pli vit.

Par egzanp bomaten mon ti koz lo *GIS* ki'n e nou lo kote later. Nou pe fer en travay ase enportan lo later.

Nou kapab delivre lo sa size *cash crops*. Nou annan en *unit* ki nou'n met an plas pou proze. E mon kontan pou dir ki nou *unit* proze ozordi in pran en *unit* ki ti deza anba Departman ki ti dan en problemn difisil e ki ti preski fermen. E nou'n kapab fer li redebout lo son lipye.

Ozordi nou annan dimoun pou *manage* tou proze. E enn bann keksoz ki nou pe fer se ki nou demann avek *FAO* - nou an diskisyon avek zot pou nou tir tou a bann proze *FAO* ki pe delivre at 15poursan dan Departman Lagrikiltir e anmenn li anba nou striktir Management proze pou ki nou kapab delivre 50-75poursan anba sa bann larzan ki nou pe gannyen.

Annefe mon pou dir Onorab ki *FAO* in dir avek mwan dan en *meeting* ki Sesel i parmi bann sel pei kot larzan i retourn kot *FAO* letan i vini.

E pou mwan i pa akseptab sa. Nou pa kapab annan en sityasyon koumsa. Nou bezwen kapab servi sa bann larzan dan en fason

efikas akoz i en sipor ki nou'n gannyen.

So i bann keksoz ki nou pe fer pou nou amelyor fonksyonman ki sipor ki nou donn bann dimoun dan sekter.

Nou pa ankor ariv lo en sityasyon kot nou kapab selebre, me selman mon krwar si nou kontinyen pouse e nou kontinyen envestir. E nou kontinyen met zefor lo performans sa Departman.

E la mon ensiste ki nou bezwen annan performans sa Departman. Sanz bann dimoun anndan kot i neser e fer ki nou annan bon kalite travayer. Mon krwar nou pou war rezilta. Mersi.

MR SPEAKER

Mersi Minis. mon ava pran kestyon Onorab Samynadin.

HON KELLY SAMYNADIN

Mersi Mr Speaker. Bonzour Minis e ou delegasyon e tou dimoun a lekout.

Minis dan sa plan aktyel in ganny endike ki ti annan 10 ferme ki ti pou ganny re ankouraze pou reantre dan elevaz poul, avek bi pou ogmant prodiksyon dan sa sekter.

E in osi ganny site ki okenn ferme ki pa retournen, sa later ki zot ti'n ganny *lease* pou retourn pou Gouvernman atraver SAA pou re alokasyon.

Eski nou kapab ganny en kontrandi lo sa size silvouple? Mersi.

MR SPEAKER

Mersi Onorab. Minis.

MINISTER FLAVIEN JOUBERT

Ok mersi Onorab. Mon pa pou kapab ko spesifikman lo serten, konmsi zeneralman lo tou bann dimoun ki dan prodiksyon poul, akoz sakenn son difikilte i spesifik.

Me selman i annan laferm ki nou vwar i pa'n fonksyonnen. E ki nou deza dan prosedir pou fer li retourn dan sa bann fasilite ki nou deza annan, pou nou re *allocate* li avek bann ferme ki enterese.

Me nou konnen poudir ozordi elevaz poul i fer fas avek plizyer difikilte. I annan bann par egzanp ki'n pran *loan* avek Labank Komersyal ki nou pe swete ki anba nouvo laranzman *DBS*, zot ava kapab ganny en fasilite *refinancing*. Ki ti napa.

Nou pe konstate ki manze i en problem mazer. E sa parey mon'n dir nou ankor pe adrese. Me i *still* reste en keksoz difisil.

E nou pe konsider diferan opsyon e petet a en moman nou bezwen pran lezot desizyon ki pa neserman sa bann ki nou ti pe anonse avan

zis lo kote *subsidy* me pran lezot desizyon pou nou kapab *supply* pli byen bann dimoun ki fer elevaz poul dan pei.

I annan osi sa size *hatchery* ki reste koman en size enportan aköz nou annan zis enn, en sel *hatchery* dan pei.

Me nou'n ouver laport lo kote pti poul pou *Ethiopie* e nou pe ouver laport pou *Kenya*. Ki pa ti egziste avan.

Avan sa ti annan zis pti poul sorti Moris e apre ti annan *hatchery* lokal e apre mon krwar resaman in annan Tirki ki'n antre.

Me nou'n fer bann demars pou nou kapab ouver *Ethiopie*, e pou nou osi ouver *Kenya*. Alor i annan plizyer keksoz ki nou pe fer pou nou kapab ed bann ki dan Sekter Poul pou retournen. E nou'n anons bann mezir osi pou nou kapab amelyor *market* pou poul.

E resaman i annan en zefor konsernan *halal* ek bann lezot *branding* ki pou ede pou dimoun kapab vann pli byen lo marse lokal.

Me *still* poul i reste en *challenge*. Me nou krwar poudir i annan bann dimoun ki annan sa tenasite laba deor, e ki nou bezwen kontinyen donn zot sa sipor.

E mon krwar si nou kontinyen fasilite zot lavi pou zot fonksyonnen e prodwir. E

osi an menm tan anmenn bann *unit* transformasyon pou zot kapab *process* ek vann aköz se sa lakle. Nou krwar poudir elevaz poul i kapab kontinyen dan pei.

An menm tan mon nonmen ki lo bann zil i en opsyon ki nou pe gete. E nou an diskisyon avek *IDC* e nou pou esper zot fer zot lannos lo lakantite ki zot pou kapab prodwir. Me sa i definitivman dan plan avek *IDC* ki pou azout ankor poul lo marse lokal. Mersi.

MR SPEAKER

Mersi Minis. Mon bezwen prosed lo prosen kestyon. Mon eskiz bann Manm ki'n lev zot lanmen pou lezot siplemanter. Onorab Rocky Uranie kestyon limero 15.

HON ROCKY URANIE

Mersi Mr Speaker. Minis ankor en fwa avek delegasyon byenveni.

Anvi ki Departman Lagrikiltir in fini arpant later lagrikiltir dan rezyon Grand Anse, La Digue. Eski, Minis i kapab enform nou Lasanble ki bann fasilite e servis ki Departman Lagrikiltir pou fer pou ed sa bann fermye? Mersi.

MR SPEAKER

Mersi Onorab. Minis.

MINISTER **FLAVIEN**
JOUBERT

Mersi Mr Speaker. Mersi Onorab. Mr Speaker lannen pase Departman Lagrikiltir ti arpant 6 morso later apepre 3 ektar dan plato Grand Anse La Digue. Pou donn bann aplikan ki lo *waiting list* La Digue.

Lo sa *waiting list* ti annan 7 aplikan e 6 ladan in fini gunny sa bann morso later e ganny montre zot taso.

An se moman prosedir alokasyon pe ganny fer. Vi ki i annan en *trail* dan sa landrwa, Departman Lanvironnman pe fer le nesese pou *divert* li lo balizaz sa bann later.

Dan sa proze Grand Anse La Digue, Departman in fini fer provizyon dan Bidze pou etabli sistenm irigasyon, akse semen e osi koneksyon elektrisite.

Parey lezot ka, fermye pou osi ganny akse avek fasilite *loan* atraver *Agricultural Development Fund* kot *DBS*. E la mon kontan pou dir ki sa mwan nou pe siny en nouvo Lagreman avek *DBS*, ki pou permet plis larzan ganny prete e en pli gran kalite aktivite, en pli gran varyete aktivite ganny siporte anba sa fasilite *loan*.

Zot ava osi ganny akse avek materyo lo *store* Praslin pou lemoman. E fotespere lafen lannen zot ava kapab

akse atraver *store* La Digue letan i fini konstri.

Nou kontan pou dir ki ler prosedir alokasyon dan rezyon Grand Anse i fini, pou napa aplikan lo *waiting list* La Digue. Akoz sa setyenm aplikan pe osi ganny propoze en opsyon later pou satisferson bezwen. Mersi.

MR SPEAKER

Onorab Uranie ou siplemanter silvouple?

HON ROCKY URANIE

Mersi Minis. Minis eski sa bann aplikan pou ganny kriye apre dan en *meeting*, pou ganny eksplike byen ki mannyer bann prosedir pou marse pou zot kapab komans mont lo zot later pou zot komans fer zot bann travay? Mersi.

MR SPEAKER

Mersi Onorab. Minis.

MINISTER **FLAVIEN**
JOUBERT

Mersi Mr Speaker. Onorab sa bann aplikan in fini ganny zwenn avek lo teren. Savedir zot in fini mars lo *site* zot in war zot bann taso e zot konpran egzakteman kote zot later i ete.

Me i annan e lot *meeting* ki pou fer avek zot, pou adres tou bann lezot size otour zot aktivite, prenon kont ki par

egzanp sa landrwa i pa tro lwen avek en lans ki ganny frekante par touris ek lezot zabitan.

Me nou konsyan ki serten fermye i bezwen plis lenformasyon. Nou zofisyè i la toultan pou enterakte avek zot e donn zot okenn lenformasyon ki zot bezwen pou zot kapab konplet zot proze. Mersi.

MR SPEAKER

Mersi Minis. Kestyon Siplemanter Onorab Loizeau.

HON NORBERT LOIZEAU

Mersi Mr Speaker. Bonzour tou dimoun. Mr Speaker, mon anvi demann Minis vi ki dan sa plan ki in koz lo la pli boner. In koz osi lo *agroforestry*, *hmm?*

La mon'n trouve ki lo La Digue i annan sa bann *plot* ki'n demarke. E vi ki lo La Digue bann fri - mwan mon annan en zanmi ki laplipar ditan mon bezwen aste bann fri lokal pou anvoy pou li La Digue aköz i dir mwan i en pti pe rar lo La Digue.

Eski sa bann *plot* la zot pe osi ankouraz dimoun pou antre dan *agroforestry* ouswa sa bann *plot* i pou zis bann prodwir agrikol selman? Mersi.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Speaker. Onorab zis pou klarifye, sa bann *plot* laplipar i pou prodiksyon legim.

Me i osi annan bann aktivite parey mous dimyel. E i annan bann lespas en pe pli o par deryer Grand Anse ki osi annan later. Kot bann dimoun i kapab fer bann aktivite par egzanp fri ek lezot.

Alor i annan potansyel pou agrandi aktivite e enkli serten ki kouver anba sa sapo *agroforestry*.

Alor i posib pou fer li. E nou, nou ti ava swete ki anmezir keksoz i devlope bann dimoun ki annan later laba ouswa bann lezot ki enterese, zot kapab vin devan e nou ava trouv bann fason pou zot kapab osi fer serten aktivite ki pou anmenn adisyonnèl prodiksyon dan sa bann laliny. Mersi.

MR SPEAKER

Mersi Minis. Kestyon Onorab Pillay.

HON SEBASTIEN PILLAY

Mersi Mr Speaker. Mr Speaker dan kestyon ki Onorab Uranie in demande, in koz lo fasilite servis ki Departman Lagrikiltir pou fer pou ed sa bann fermye.

Mon pe sey *follow-up* lo *regarding* fasilite e servis. An

relasyon avek La Digue e bann kontrent ki bann Onorab ki'n demann kestyon avan Mon in mansyonnen.

So premye kestyon petet mon ti kapab demann ou pou klarifye pou mwan, kote nou ete avek sa agrononm ki sipoze vini pou komans siport travay ki Departman Lagrikiltir i annan pou fer?

Eski in fini arive? Ou ti dir nou i pou vin aköz nou ti annan en mankman.

E prezan *regarding* sa, ler nou pou regard bann *inputs*, ler nou annan bann *inputs* - par egzanp ou'n koz lo *store*, be i *still* annan mankman serten materyo. Par egzanp *drip pipe* pou irigasyon; plastik pou *shade house*.

So ler nou pe koz La Digue e difikilte pou kapab ganny *input* lo La Digue, aköz zot pou bezwen al petet Praslin pou gannnen.

Eski ou pe revwar ou stratezi pou regarde ki mannyer, ou pran konteks La Digue spesifikman, e ki mannyer ou kapab anmenn sa bann *inputs* pli pre avek zot?

E lo size bann *inputs* mon pe osi koz lo bann size bann langre ki ou pe *provide*, ki ou, ou annan en lopinyon lo la ki ou dir i tre bon. Me kominote fermye i annan en lot lopinyon lo la vizavi sa.

So petet si ou ti kapab klarifye ki mannyer ou pou realiz sa ve pou sa bann fermye ki Onorab Uranie in mansyonnen dan son kestyon. Mersi Mr Speaker.

MR SPEAKER

Mersi Onorab. Minis?

MINISTER FLAVIEN JOUBERT

Mersi Mr Speaker. Onorab ou'n demann mon 2 kestyon. Si mon'n *capture* sa byen.

Premye se kot i konsern bann *supplies* lo *store*. Parey mon'n dir *store* ozordi i pe kapab annan ase larzan pou li aste bann prodwir.

Me nou konsyan poudir varyete prodwir i bezwen ganny agrandi. E i bezwen pli an pli reflekte sa ki pe sorti deor.

E anndan dan Departman enn bann keksoz ki nou'n fer se ki nou'n demann *extension service* pou li konekte pli byen avek fermye pou nou konpran egzaktman kwa ki zot bezwen pou ki nou kapab sanz nou lalis sa ki nou aste.

Ki fer ki nou pa annan sa bann problem kot par egzanp serten kalite tiyo, ouswa serten kalite atasman pou irigasyon i manke parfwa.

I pa manke aköz nou pa kapab aste, me i manke aköz lafason ki nou'n abitye aste

toultan nou kontinyen aste menm kalite, menm kantite e menm varyete prodwir.

So, i pa annan sa problemn napa. Me i en problemn ki nou pa pe aste dan en fason *smart* ki adres problemn.

Me kot i konsern *supply* lo La Digue Onorab, resaman an 2022 si mon rapel nou ti fer sa desizyon, nou ti tonm dakor ek bann fermye La Digue ki zot kapab plas zot *order* Praslin.

Me nou zofisye i mont La Digue enn fwa par semenn e i met dan en *store* akoz nou ti'n ganny laranzman *store* avek L'Union Estate. Zot met dan en *store* e i distribye zot bann proze lo La Digue.

Savedir zot kapab fer zot laranzman ek Praslin, me nou bann materyo ki kapab ganny *supply* lo La Digue an traver sa nouvo laranzman.

Me la letan nou fer sa *store* lo La Digue, zot ava kapab ganny zot materyo direk ladan letan zot plas zot *order*, sa bann materyo i ganny delivre avek zot la dan sa *store* ki'n deza ganny konstri.

Kot i konsern *fertilizer* mon pa pe dir poudir tou *fertilizer* i bon. I pa sa ditou. I annan leksperyans bann fermye deor ki sa ki konte. Mon pa en dimoun ki pe plant avek sa bann *fertilizer*. Zot leksperyans i enportan.

Me ankor parey mon'n dir, si nou war poudir i annan en problemn nou pare pou aziste. E mwan mon'n fer li kler avek *store manager* ek nou bann *staff*. Toultan ekout sa ki bann boug i dir ou e fer sa ki zot bezwen nou pe kapab donn zot e non pa sa ki nou, nou anvi donn zot.

Me osi Mr Speaker mon krwar i enportan ki Onorab parfwa nou retourn lo enn, de bann keksoz ki'n arive.

2021 ti annan sa size kot napa *fertilizer*. Nou ti annan *fertilizer* nou. Me nou ti annan *fertilizer* endividyel ki bokou fermye pa tro anvi servi akoz zot bezwen al melanze, bezwen al peze, mezire e melanze.

Alor i enportan osi ki nou anmenn sa konesans pou ki sa bann dimoun pou zot kapab fer sa bann kalkil avek en pe sipor, e konnen egzaktaman ki mannyer zot pou servi sa bann *fertilizer* endividyel.

Sirtou prenon kont ki pa toultan ki tou later i bezwen tou *fertilizer*. I annan de ka kot ou bezwen zis serten, e i enportan ki ou konn ou later ou konnen ki mannyer ou pou servi sa bann n ki deza la.

Me lo kote *fertilizer* Mr Speaker, si i annan problemn *fertilizer* ti ava enportan pou nou konnen. Akoz nou bann *feedback* ki nou'n gannyen

resaman poudir serten *fertilizer* ki nou'n fer vini i bon.

Me si i annan okenn problem adisyonnèl nou ava adres li. Mersi.

MR SPEAKER

Wi klarifikasyon Onorab Pillay?

HON SEBASTIEN PILLAY

Mersi Mr Speaker. Mr Speaker Minis premyerman i pa'n reponn mon kestyon, akòz en eleman kle dan pou nou kapab fer sa travay ... ki sa bann vizit ... bezwen fer, se ki nou bezwen annan en *agronomist*. Akòz parey ou'n dir mon'n vizit plizyer fermye e mon'n al lo zot bann *store*.

E ler mon regard a bann fermye ki pe fer sikse e prodiksyon, lamazorite zot pe serye preski a la baz preski menm prodwi.

So, mon kestyon pou ou, si nou pou donn sa bann nouvo fermye lo La Digue en lot kalite prodwir ki pa *proven* pou annan sa menm sikse isi, *then* eski sa pa pou met nou an aryer? Sa ki mon pe rode se ki manner ou kapab fer ki ou servi sikse ki sa bann fermye in fer.

Mon regard bann dan plato Anse Royale par egzanp ki mon'n ganny sans vizite - ou servi zot sikse pou ou kapab anmenn sikse pou lezot fermye.

So eski ou pou kapab fer sa materyalize pou sa bann fermye lo La Digue, pou ki zot ava kapab *once* zot ganny zot later, zot pe *move* dan en fason ase vit pou ariv ver prodiksyon. E non pa pe tatonnen akòz *input* pe ganny retar. Mersi Mr Speaker.

MR SPEAKER

Mersi. Minis klarifye silvouple?

MINISTER FLAVIEN JOUBERT

Mersi Mr Speaker. Non Onorab nou pa pe sanz prodwir ki nou pe *supply* sa bann fermye La Digue. Zot pou ganny menm kalite prodwir ki bann ki pe servi ki bann ki pe servi dan sekter ki'n prouve i marse.

E ane nou tanzantan pe sanz lenformasyon. E nou pe fer plis sa konmela akòz nou pe esanz lenformasyon avek bann ki nou war pe fer vini prodwir ki bon pou later Sesel.

Nou aktyelman swiv bann legzanp ki pe ganny mete lo teren ozordi. E nou fer sir ki i annan sa bann kalite prodwir lo *market*.

Ou'n nonm en *agronomist*, si sa *agronomist* pa ankor antre dan pei. Mon pa tro rapel si mon ti koz lo en *agronomist* Mr Speaker. Be selman mon rapel poudir nou

ti annan veteriner, *phytopathologist* avek en lot term ki mon pa rapel.

Me selman mo kapab asir ou ki veteriner in antre. E *phytopathologist* in antre. Se en dimoun ki eksper dan maladi plant. E sa bann dimoun i la dan pei. E zot la pou siport Sekter Lagrikiltir. Mersi.

MR SPEAKER

Mersi Minis. Bon nou ava termin la pou sa kestyon e mon remersye *panel*, akoz zot alokasyon kestyon in fini la. Mon ava envit zot fer zot depar. Mersi pou zot partisipasyon.

(The panel was excused from the House)

MR SPEAKER

E an menm tan mon ava demann madanm raporter pou rasanble *panel* pou kestyon limero 11.

Bon bonzour e byenveni nouvo zofisye Mr Rahul Mangroo *Deputy CEO Landscape and Waste Management*, e Mrs Vanessa Accouche *Financial Controller* sa Lazans. Mersi pou zot partisipasyon.

Onorab Gill mersi pou ou korperasyon e pou ou pasyans. Nou a prezan prosed avek ou kestyon. Kestyon limero 11. Onorab Gill.

HON CHURCHILL GILL

Mersi Mr Speaker. Bonzour Minis ek ou delegasyon e tou Manm prezan. Kestyon i lit koumsa: -

Eski Minis i kapab enform sa Lasanble pou benefis sa bann kontrakter an kestyon: -

Kan ki ou Minister pou revwar dat ki peyman saler bann kontrakter ki annan kontra avek *LWMA*?

Ki rezondet pou pey saler kontrakter le 10 ou 15 dan plas lafen dimwan parey tou travayer Seselwa? Mersi.

MR SPEAKER

Mersi Onorab. Minis.

MINISTER FLAVIEN JOUBERT

Mersi Mr Speaker. Mersi Onorab pou sa 2 kestyon. Mr Speaker Lazans napa lentansyon revwar, fer sanzman dan kalandriye peyman kontrakter pou servis ki zot donner.

Akoz aktyelman bann servis i anliny avek kondisyon Kontra ki sa bann kontrakter ti'n sinyen. E mon ti ava voudre fer resorti Mr Speaker ki se pa saler ki nou pe peye, me en peyman tou lemwan anba en Kontra pou en servis.

Permet mwan Mr Speaker pou donn en bilan lo poursantaz peyman kot *LWMA*

pou sa dernyen 3 kar lannen pase.

An mwayen 97 pousan bann peyman *invoice* ti'n fini ariv kot Trezor ek Labank Santral pandan sa 4 dernyen zour lafen le mwan.

Sa 3 pousan ki ti reste se bann kontrakter ki swa ti soumet zot *invoice* tar oubyen se bann *invoice* pou bann lezot Kontra par egzanp servis retir salte ek zesyon *landfill* ki pa toultan ganny peye o mwan.

Pou 2023 si nou get pou Fevriye mwan pase. 92 pousan peyman ti'n fini ganny anvoye kot Trezor le 27 ek 28. E ziska le 28 Mars en estimasyon 90pousan peyman in fini ganny anvoye kot Trezor.

Statistik i montre ki Trezor li i pran an mwayenn 2 zour pou transfer larzan dan labank kot sa kontrakter i anna son kont.

LWMA pe toudmenm eksplor bann lapros pli modern. Bann lapros nimerik, afen ki sa prosesis in vin pli byen kontrole e avek mwens lerer ki nou konnen i koz retar.

Me fodre note ki peyman pa kapab ganny fer boner, aköz sa i vin an *anomaly* dan nou sistenm. E sa in ganny leve par bann oditer dan lepase kot peyman ti pe ganny fer avan ki servis i ganny donnen.

MR SPEAKER

Ou'n terminen Minis?

MINISTER FLAVIEN JOUBERT

Mersi Mr Speaker mon ava aret la. Mersi.

MR SPEAKER

Mersi. Tre byen nou ava pran Kestyon Siplemanter Onorab Gill.

HON CHUCHILL GILL

Mersi Mr Speaker. Premye mon ava zis *remind* Minis ti annan en *meeting* lannen pase Grand Anse Praslin dan Sant Kominoter, kot li menm li Minis i ti la prezan, Prezidan Larepiblik ti la prezan e *ex-CEO LWMA* Sheils Barra ti la prezan.

Kot menm kestyon mon ti demande. E larepons ki ti ganny dir devan sa bann kontrakter sete zot pe travay lo la pou revwar.

Aprè dan larepons Minis, in dir nou poudir 90 pousan peyman i al kot Trezor boner. Aprè li menm li Minis i dir i pa kapab pey avan ki travay i ganny fer.

Me sa 90pousan peyman ki al kot Trezor, travay pa ankor fini ganny fer. Aköz i al boner avan ki travay i fini.

Alors mon kestyon klarifikasyon, vi ki ou'n dir i dapre Lagreman, mon ti ava kontan konnen dan sa

Lagreman ki ou dir dapre Lagreman ki dat egzakteman ki *LWMA* in tonm dakor ek sa bann kontrakter pou pey zot? Sa i enn.

Aprè dezyenm, eski vremen sa i annan keksoz pou fer avek *invoice*? Akoz dapre lenformasyon ti mon'n gannyen ek bann kontrakter, zot *invoice* i ale boner me selman ler zot, zot in *submit* zot *invoice*, *invoice* i devret ganny re verifye par *LWMA* ava er al kot Trezor.

E mannyer nou konpran la osi i annan retar ki arive avek sa bann *invoice*. Alors eski Minis i kapab klersi sa 2 pwen pou sa bann kontrakter? Mersi.

MR SPEAKER

Mersi Onorab. Minis ou eklersi?

MINISTER FLAVIEN JOUBERT

Mersi Mr Speaker. Mersi Onorab. Onorab pou komanse sa premye pwen kot i konsern deklarasyon ki ti ganny fer dan Sant Kominoter Grand Anse Praslin letan bann kontrakter ti la,

Letan nou ti dir i pe ganny travay lo la - si mon rapel byen petet mon mal ouswa mon'n mal enterpret li - me selman si mon rapel byen sa *statement* pe travay lo la, ti

refer avek bann *review* ki pe ganny fer lo kote Kontra.

Pou reget tou bann Kontra ki annan avek *LWMA*. E pou gete si nou kapab aranz li pou ki nou kapab ganny en pli bon rezilta an servan sa kantite resours ki nou annan ozordi.

E la mon pou dir ki sa travay in fini. I annan prezantasyon ki pe ganny fer anndan dan Gouvernman. E nou espekte ki byento nou pou kapab vin avek bann deklarasyon, kot i konsern sa revi e son bann rezilta.

Mr Speaker petet mon'n omit dezyenm porsyon sa repons avan. Mon ti ava voudre lir dezyenm porsyon repons pou Onorab avan ki mon al lo son bann lezot morso, kot i konsern dat peyman eksetera.

Son dezyenm kestyon ki i ti demann ki rezondet pou bann saler ganny peye le 10 ou le 15 dan plas lafen dimwan parey travayer Seselwa i demande.

Mr Speaker avek ou permisyon, mon pou pas lo sa dezyenm morso avan e apre nou ava al lo sa bann pwen ki Onorab in leve.

Mon repons i koumsa. Mersi Mr Speaker, Onorab, nou pe asir Lasanble ki lo kote Lazans napa okenn kontrakter ki pe ganny peye sa dat 10 a le 15 dan en sityasyon normal,

kot in soumet son *invoice* dat ki Lazans in etabli.

Annefe lamazorite kontrakter netwayaz ek lanbelisaz i ganny peye pou zot servis avan le 5 son mwan swivan. E sa dat i an konformite avek lobligasyon Departman Lanplwa e osi Lalwa Lanplwa.

An ka ki Onorab pe fer referans lo sa ki'n arive pou mwan Fevriye sa lannen, Lazans ti ganny met okouran ki ti annan en problemm transfer larzan sorti kot Trezor pou al dan bann kont ki *Nouvobanq*.

Ki fer ki a problemm ti napa naryen pou fer avek lazans, vi ki Lazans ti'n fini fer transfer peyman lo kont bann kontrakter. Sa i repons konsernan sa size ganny peyman tar Mr Speaker.

Me zis pou retourn lo sa size, kan eski zot sipoze ganny peye? Mon ava envit Depite Mr Mangroo pou li eksplik en pe prosedir e kan ki bann *invoice* i ganny *process* kot Lazans. Mersi.

MR SPEAKER

Mersi Minis. Mr Mangroo ou annan laparol.

DEPUTY CEO RAHUL MANGROO

Bon bonzour Manm Onorab. *Leader* Lopozisyon, *Leader*

Gouvernman e tou dimoun a lekout.

Mr Speaker *invoice* kot Lazans pou Lanbelisman e Zesyon Salte i annan diferan staz i pas ladan.

E lo mon *schedule* ki mon annan devan mon *invoice* i ganny soumet ant le premye ziska le 5. E ant parti le 5 ziska le 24 sa mwan ki nou ladan, se bann prosedir entern ki i pas ladan.

Fodre note ki i annan prosedir ki entern kot nou. Me selman osi i annan konponan dan sa Kontra k bezwen al kot *Procurement Oversight Unit*. E sa i stipulate dan Kontra ler ti ganny fer.

E alor sa bann prosedir i la aköz nou bezwen zisteman fer serten *screening* dan sa bann Kontra. Klarifye e sertifye bann lenformasyon ki lo la.

I annan bokou fwa kontrakter i mal met lenformasyon. Zot pri Kontra, zot non menm pa lo la e zot pa sinyen eksetera. E sa i bann *anomaly* ki Oditer i *pick up* lo la alor nou bezwen fer sa *due diligence* lo nou par.

Apre i annan sa laspe evalyasyon ki ganny fer tou dilon lasemenn le mwan avek *DA, involvement DA*. E la nou ariv nou ki fer ki sa dernyen semenn i pe ganny anvoye kot Trezor pou fer peyman e ek sa detrwa zour ki Trezor i fer, i fer

ki i ganny peye son lafen dimwan.

Ok, mersi bokou.

MR SPEAKER

Klarifikasyon Onorab.

HON CHURCHILL GILL

Mr Speaker. Mersi pou ou larepons. Dan tou distrik i annan sa bann kontrakter e mon asire i annan en bon pe Manm Onorab ki'n ganny *call* a plizyer repriz kot peyman pa ankor antre.

Me selman i annan en klarifikasyon ki Minis i bezwen donn nou. Mon kestyon se eski i annan nouvo Kontra ki'n ganny sinyen? Akoz dan ou larepons ki ou'n donn mwan ou'n dir mwan dan en normal sityasyon bann peyman i devret boner.

Me Selman resaman Fevriye ti annan problem ek kont *Nouvobanq*. Eski sa i bann nouvo Kontra? Oubyen sa bann dimoun ti deza la pe ganny peye tou le mwan?

Be sa problem, si napa nouvo Kontra, eski sa nouvo problem in koze par kont sa bann dimoun, vi ki zot ti pe ganny peye avan oubyen i en problem entern? Mersi.

Aprè ler in rann mwan larepons premye konsernan *meeting* ki ti fer Grand Anse Praslin. I dir mwan sa pe refer avek bann Lagreman Kontra. Non, Minis mon kestyon ti

spesifik sa zour. Sete akoz nou pa pey sa bann kontrakter parey tou travayer Seselwa i ganny peye *end of the month*.

Sa ki mon ti demande, menm kestyon ki mon pe demande la. Mersi.

MR SPEAKER

Mersi. Sa diferans ant lenterpretasyon zot ava kapab regle an deor. Minis ou repons pou lezot pwen.

MINISTER FLAVIEN JOUBERT

Eskize Mr Speaker. Mersi Mr Speaker. Lo sa size peyman ek si ti annan demann ki ti ganny fer ek Onorab pou nou fer sir ki zot ganny peye boner.

Parey *Deputy* in klarifye, larzan i ariv kot sa kontrakter avan dernyen zour le mwan. E sa bann kontrakter nou konnen ki nou bezwen fasilite zot pou zot satisfere bann devwar anba Lalwa Lanplwa anver zot travayer.

Ki fer ki avan le 5 zot bezwen annan larzan pou pey zot travayer son saler. E parey nou'n eksplike, larzan i aktyelman ariv kot sa bann kontrakter lafen sak fwa mwan ki fer ki zot pa gannyen sa retar.

Me Onorab in demann en kestyon lo eski i annan nouvo Kontra ki'n ganny met an plas? Non, non pa okouran

e *accountant (FC)* a kote mwan in konfirman ki non napa.

Sel nouvo lalis Kontra ki *LWMA* pe administre ozordi se sa transfer *rivers and marches* ki'n sorti anba Departman Klima kot Lanvironnman ki'n antre anba *LWMA* e ki prezan i pe ganny administre ansanm avek son *batch* Kontra ki i ti deza pe fer.

Me i pa'n nouvo i zis en transfer kote sa bann Kontra in ganny administre. Mersi.

MR SPEAKER

Mersi. Onorab ou'n demann siplemanter, ou'n demann klarifikasyon. Wi be in donn ou en repons.

HON CHURCHILL GILL

Non, non, i pa'n fini donn mwan.

MR SPEAKER

Ale mon ava permet ou zis fer en pwen. Nou bezwen ale.

HON CHURCHILL GILL

Rezon ki mon ti demann Minis si ti annan nouvo Kontra, aköz Minis in dir nou dernyerman ki'n ganny problem ek bann kont *Nouvobanq*. Se sa ki mon'n demann li si ti annan nouvo Kontra.

Akoz si ti napa nouvo Kontra sa bann dimoun ti deza pe ganny peye depi ler zot in siny Kontra. Mersi.

MR SPEAKER

Mersi. Minis in dir ti napa nouvo Kontra. Nou a kontinyen. Mon ava pran siplemanter lezot Manm. Onorab Cosgrow.

HON WALLACE COSGROW

Mersi Mr Speaker. Bonn apre midi tou bann nouvo manm *panel* ki fek zwenn nou.

Minis mon pou rebran lo ou dernyen komanter ki ou'n fer an ski konsern bann Kontra *rivers and marches*.

River and marshes ti pe ganny manage par seksyon CAMS anba Minister Lanvironnman.

E Minis ou ava okouran ki sa bann dimoun ki ti pe fer Kontra pou *rivers and marshes* ti annan en Kontra ek Minister Lanvironnman.

So, zot Kontra pa ankor *expire* e zot Kontra i ankor pe marse. Me selman zot Kontra aprezan pe ganny *manage* par *LWMA*. Dan zot Kontra Minis i anna en dat peyman. E i paret mwan *LWMA* pe *disregard* sa bann provizyon sa Kontra an term peyman e zot pe *batch* tou sa bann dimoun ansanm avek bann lezot Kontra ki *LWMA* in donner pou netway semen, pou netway bin, pou netway lezot.

So eski zot anvizaze onor dat peyman sa bann Kontra *anba rivers and marshes* ziske ler sa Kontra i fini?

Or si non, eski zot pou fer varyasyon dan sa Kontra pou rearanz dat ki sa bann dimoun i ganny peye? Akoz sa bann dimoun pa ti ganny peye parey LWMA ti pe pey son bann kontrakter. Mersi.

MR SPEAKER

Mersi Onorab. Minis?

MINISTER FLAVIEN JOUBERT

Ok mersi Mr Speaker. Mr Speaker kot i konsern Kontra, en Kontra se en Kontra. En Kontra se en Lagreman poudir ou pou fer en keksoz e mon pou pey ou dapre serten kondisyon.

E si sa bann dimoun zot Kontra i annan en espektasyon peyman par en dat, nou bezwen onor sa bann espektasyon. E sa mon pa war okenn problemm avek.

Me selman mon ti ava voudre reasir ou ki mon pa'n ganny okenn konplent ki sa bann dimoun pa pe ganny zot larzan avan dat ki Lalwa Lanplwa i demande.

Menm si posibleman sa ki zot annan koman en Kontra ek sa ki LWMA pe administre i annan en diferans dan son bann dat ki'n ganny prevwar.

Me mon pa'n ganny okenn konplent retar apre le 5. Mersi.

MR SPEAKER

Klarifikasyon Onorab?

HON WALLACE COSGROW

Mersi Mr Speaker. Minis petet konplent pa'n ariv kot ou me mon konnen konplent in ariv LWMA, konplent in ariv kot mwan.

E zis pou fer en pti referans avek sa zafer avan Lalwa Lanplwa. Ou menm ou, ou fek dir poudir i pa en peyman saler i en peyman - *it is a fee* ki ganny peye ki ganny peye avek kontrakter.

So, Lalwa lanplwa pa antre ladan, se konsern ou relasyon avek relasyon sa bann kontrakter. I enportan ki parey ou'n dir en Kontra se en Kontra. I enportan ki zot onor sa Kontra bann *terms of* sa Kontra.

Si zot santi ki zot pa kapab onore, zot li *batch* li *up* avek tou bann pri LWMA silvouple organize, zwenn sa bann dimoun fer en amannman dan Kontra en varyasyon. E si sa bann dimoun i aksepte zot ava kapab fer sa bann peyman parey zot pe fer ozordi. Mersi.

MR SPEAKER

Mersi. Bon Onorab in fer en komanter e en rekomandasyon pou Minis. Napa kestyon ladan. Onorab Henrie ou kestyon.

HON GERVAIS HENRIE

Mersi Mr Speaker. Bonn apre midi tou dimoun. Mr Speaker apropro sa kestyon ki Onorab Gill in table.

I annan en dokiman ki apel *Government of Seychelles Expenditure and Payment Policy* ki date Novanm 2017.

E dan en premye pwen ki koz lo rasyonnel sa *Policy* i dir. “*All payment should be in accordance with the terms set out in the Contract or Agreement*”.

E lo trwazyenm mwen ki koz lo *payment settlement deadline* i dir *payment*. Mon ava zis verifye en pti kou la.

I dir “*MDAs are required to ensure that the payment period does not exceed 30 calendar days after the MDAs receive invoice*”.

Pou mwan i annan en Polisi la date Novanm 2017 ki kler.

Sa ki mon anvi demann Minis, eski i kapab donn nou en garanti ki tou bann dimoun ki tonm dan Minister Lanvironnman, Sanzman Klima e Lagrikiltir ki *deal* avek peyman Kontra i o fe avek sa, e ki nou rezourd nou fer *service delivery* lo la size peyman Kontra?

E ki sa bann kestyon koumsa pa retourn dan nou Lasanble Nasyonal. Mersi.

MR SPEAKER

Mersi Onorab. Minis ou repons.

MINISTER FLAVIEN JOUBERT

Mersi Onorab. Mersi Mr Speaker. Sa pwen in deza ganny leve avek tou bann dimoun ki *deal* avek Kontra. E dapre sa ki mon konnen bann *staff* ki *deal* avek Kontra zot okouran sa Polisi.

E zot met li an aplikasyon toultan. Ki fer ki ou ava war ki par egzantp bann Kontra - pardon bann *invoice* ki par egzantp *Deputy* in koz lo la ki pe ganny anmennen le 5, i pa depas le 5 mwan ki vin apre.

Alor sa Polisi i pe ganny met an plas e i form parti nou bann standar ki bann dimoun ki fer peyman i travay avek toulezour. Mersi.

MR SPEAKER

Mersi Minis. Onorab Monthy ou kestyon.

HON PHILIP MONTHY

Mersi Mr Speaker. Bonn apre midi a tous.

Minis i annan bann vizit ki ganny fer parey dan distrik Cascade mon konnen tou le Lendi - ant *DA* avek zofisyé *LWMA* pou vizit travay ki pe ganny fer par bann kontrakter.

E pou evalye si travay in ganny fer oubyen non, Eski

depi ler sa legzersis pe deroule zot in remarke ki annan kontrakter ki pa pe perform dapre zot kontra e si sa in ganny vwar, eski aksyon in ganny pran kont sa bann kontrakter o nivo peyman?

E si ou kapab dir nou Eski sa i komen ki pe arive bann kontrakter pa pe delivre dapre zot Kontra pou netway distrik, e si larzan in ganny koupe lo zot saler? Mersi.

MR SPEAKER

Mersi Onorab. Minis ou larepons.

MINISTER FLAVIEN JOUBERT

Mersi Mr Speaker, Mersi Onorab.

Onorab mon ti a voudre konfirman ki wi aksyon pe ganny pran e Lazans osi i satisfè ki son travay avek DA pe mars byen lo kote lenspeksyon.

2 kontrakter ki fer *road cleaning* dan rezyon Cascade i deza anba sanksyon, e zot in ganny *warning* e zot osi i annan larzan ki'n ganny tire dapre travay ki zot in delivre.

Alor nou'n vwar ki i en sistenm ki marse, e ki nou bezwen kontinyen enplimant li partou pou asire ki tou kontrakter i delivre dapre sa ki i ekspekte avek zot, pou sa sonm ki zot pe kolekte anba Kontra. Mersi.

MR SPEAKER

Mersi Minis. Nou a kontinyen avek kestyon Onorab Herminie.

HON WILBERT HERMINIE

Mersi Mr Speaker. Mr Speaker, Minis in dir nou ki saler dapre son konesans pe ganny peye *on time*, me selman pa sa lenformasyon ki nou pe gannyen.

Mon pe pran par egzanp, lapey 13enm mwan saler pou bann pti kontrakter ki ti dir zot pa met dan Kontra ler zot ti pe *tender*, pa ankor ganny peye ziska mon pe koze la ozordi.

So, ki Minis pe fer pou kapab rezourd sa sityasyon. Mersi.

MR SPEAKER

Mon pa sir si sa kestyon in deza monte dan Lasanble. Me selman mon a les Minis adrese. Mersi.

MINISTER FLAVIEN JOUBERT

Ok. Mersi Mr Speaker. Mersi Onorab pou sa pwen.

Onorab sa size 13enm mwan saler mon krwar i enportan ki nou pa fer li vin en pwen dispit avek bann kontrakter. Nou konnen poudir dan lepase bann kontrakter in deza ganny koz lo la e Minister Finans, sa larzan i retourn kot Minister

Finans, akoz i annan sa size 13enm mwan saler.

E an prensip 13enm mwan i sipoze ganny mete dan ou kontra koman en porsyon ou peyman ki ou kolekte toultan.

Deputy in an kontak avek Minister Finans e mon ava demann li pou *update* Lasanble lo sa 3 size, me selman annou fer sir ki nou pa pe kre en keksoz ozordi ki apre 13enm mwan saler i releve koman en pwen pou nou lager lo la.

Akoz nou konnen poudir sa i en Kontra i pa neserman en saler ki sa bann dimoun pe gannyen. Mersi.

MR SPEAKER

Mersi Minis, *Deputy CEO* pou adrese?

DEPUTY CEO RAHUL MANGROO

Mr Speaker, an se ki konsern 13enm mwan saler, wi, nou'n ganny diskisyon avek Minister Finans.

Minister Finans in reponn nou - mon lofis. Mon'n retourn *back to* li, akoz mon pa ti satisfè ek sa repons. In klarifye en keksoz pou mwan e petet a sa pwen la mon pou enform ou avek menm tou bann kontrakter *out there*, Lazans pou retourn ver zot pou eksplik zot ki desizyon in ganny pran lo la. Selman fodre

note ki 13enm mwan saler i baze lo en, en nouvo formil.

Parey zot tou zot konnen i baze lo performans. Alor kontrakter i osi bezwen osi satisfè kriter ki ganny mete.

So, nou, nou pou retourn ver kontrakter pou nou eksplik zot sa prosesis.

MR SPEAKER

Fini *Deputy*? Mersi, zot a remarke ki nou'n ariv an deor *scope* kestyon orizinal la en? Si zot annan kestyon sey fer li retourn lo kestyon orizinal silvouple. Mon annan Onorab Pillay.

HON SEBASTIEN PILLAY

Mersi Mr Speaker. Mr Speaker pou nou kapab retourn lo kestyon orizinal, fodre enn fwa pou tou *LWMA* ek *Minister* i aret donn nou 2 diferan larepons. Sa nou problemm akoz la par egzanp ler Onorab Herminie pe demann sa kestyon, sa kestyon i relye avek sistenm peyman ki *LWMA* pe servi e son prosedir ki paret pou nou, zis *LWMA* ki konpran.

MR SPEAKER

Ale, Onorab ou pou demann ou kestyon oubyen non?

HON SEBASTIEN PILLAY

Be Mr Speaker, avek tou respe ki mon annan pou ou ...

MR SPEAKER

Demann ou kestyon silvouple.

HON SEBASTIEN PILLAY

Mr Speaker permet mwan silvouple, permet mwan. Mon ti a kontan *raise en matter of privilege*.

(Interruption)

MR SPEAKER

Onorab, Onorab.

(Interruption)

MR SPEAKER

Onorab prosede.

(Interruption)

MR SPEAKER

Order! Onorab Pillay ou antre dan tro bokou size ki an deor kot nou pe ale.

(APPLAUSE)

MR SPEAKER

Silvouple, annou fer *manner stick to the question business*. Prosede avek ou kestyon si ou annan enn, ou non i lo lalis.

Mon annan ankor non lo lalis, mon bezwen termin sa sesyon midi edmi, so, silvouple pa gat letan, prosede ek ou kestyon.

HON SEBASTIEN PILLAY

Me Mr Speaker nou napa 2 size nou, sa ki nou oule konpran avek *LWMA* ...

(Off-Mic)

MR SPEAKER

Ale, Onorab si ou pa demann ou kestyon ...

HON SEBASTIEN PILLAY

Mr Speaker ...

(Off-Mic)

MR SPEAKER

... si ou pa demann ou kestyon, si ou pa demann ou kestyon mon pou pran laparol avek ou, mon pou al lo en lot Manm silvouple.

HON SEBASTIEN PILLAY

Mr Speaker mon kestyon pou *LWMA* i senp,

MR SPEAKER

Ale, poz li.

HON SEBASTIEN PILLAY

I paret mwan poudir i annan diferan stil e modalite peyman kot *LWMA*. So, *once and for all* eski nou kapab ganny larepons avek *panel*? Lekel ki responsab pou fer peyman, pou fer sa bann negosyasyon pou fer sa bann keksoz? Nou bezwen konnen lekel ki responsab

Eski *CEO LWMA*? Koumsa nou ava anmenn li

devan Lasanble e i a kapab reponn bann kontrakter, akòz problemn i kontinyen *recur*. Akòz la manner pe vini Mr Speaker nou kontinyen vir an ron avek sa size. Eski nou kapab konnen lekel ki responsab? Mersi Mr Speaker.

MR SPEAKER

Mersi. Minis ou a kapab adres son keston silvouple?

MINISTER FLAVIEN JOUBERT

Mersi Onorab. Mon ava fer byen kler. Kontra i avek Lazans LWMA, sa kontrakter i soumet son *invoice* avek Lazans LWMA.

LWMA i bezwen fer serten prosedir pou verifikasyon ki anmenn li ziska kot POU, sak mwan. Me selman finalman se FC i la a kote mwan ki fer peyman kot Trezor, e Trezor i transmet dan kont sa dimoun.

E sa ki nou'n dir se ki, kalandriye i fer ki larzan i ariv kot Trezor avan lafen sak mwan, e Trezor li i transfer avan le 5 sa mwan ki swiv.

E ki fer ki tou keksoz i an akord avek Lalwa Lanplwa, akòz sa kontrakter i bezwen pey son travayer avan le 5 sa mwan swivan, se tou. Mersi.

MR SPEAKER

Klarifikasyon sa voyaz Onorab?

HON SEBASTIEN PILLAY

Mr Speaker, mon klarifikasyon i senp mwan. FC i pey dapre en *process* ki vin kot li, sa *process* i pas atraver striktir LWMA. Me kote problemn i ete ki kontrakter pe konplent?

Si ou dir mwan napa konplent, tou sa bann dimoun laba in ganny konplent. Person pa oule koze.

MR SPEAKER

Ok, mersi.

HON SEBASTIEN PILLAY

So, kote problemn i ete ki dimoun pe konplent?

MR SPEAKER

Mersi. Minis in dir i pa'n ganny konplent. Mon pa espekte li repet sa larepons, in en repons. Donk, nou a kontinyen. Onorab.

Mon pou petet annan - Minis ou oule fer en komanter? Ale.

MINISTER FLAVIEN JOUBERT

Mersi Mr Speaker. Mr Speaker parey mon'n dir, mon'n donn bann statistik lo lakantite ki ariv a ler. 90poursan, 97poursan eksetera.

Dan 400 Kontra nou pa ekspekte ki 100poursan pou toulta a ler, e akòz i annan diferan keksoz ki koz retar. I annan par egzanp bann

dimoun ki zot *invoice* pa arive, i annan bann ki annan defo avek zot travay.

I annan plizyer rezon ki kontrakter i ganny retar, akòz - ki koz retar dan sistenm. I annan de ka kot i bezwen annan re verifikasyon, zot bann travay ek zot bann *invoice* e menm i annan fot lo *invoice*.

Ozordi la *FC* in donn mwan en pti lenformasyon nou annan 4, (ozordi ki dat)? Pardon)? - ozordi le 28 - 40 *invoice* i ankor *outstanding* dan sa 400.

Savedir 10poursan pa ankor antre kot Lazans ozordi. Alor i pa toultan, (pardon) - i pou al kot *accounts sorry*. Pa kot *accounts*, pa ankor ariv kot Lazans.

Alor i annan en kantite keksoz ki koz retar dan sistenm e i annan osi *invoice* ki bann kontrakter i fer fot lo la. E sa osi nou bezwen fer retourn kot zot pou fer zot re sinyen, re aranze.

Alor letan nou pe gete Mr Speaker, vre i pou annan en retar. Dan 400 *invoice* toultan pou annan retar, me la nou pe koz en retar 5poursan. Mon pa pe koz en retar 20poursan, 50poursan nou pe koz en pti bout retar e parmi sa bann retar e parmi sa bann retar i annan ki annan en rezon valab pou zot ganny retar.

Alor nou pou kapab kontrol li e nou ava travay pou tou, pou koriz tou bann problem. Me selman i pa pou arive 100poursan Onorab, mon pa tro asire si pou arive 100poursan. Mersi.

MR SPEAKER

Mersi Minis. Onorab Roucou, ou kestyon, mon pou demann ou poz ou kestyon direktman silvouple.

HON MICHEL ROUCOU

Mersi Mr Speaker. Bonn apre midi tou dimoun.

Minis mon kestyon i koumsa, an vi ki zot annan sa bann problem an term lo kote kantite letan ki nou pe ganny dir ki pran pou bann kontrakter ganny peye, eski zot, eski *LWMA* li menm li ler kontrakter i antre dan en Kontra, eski zot dir avek sa bann kontrakter fodre zot fer sir ki zot annan en larzan lo zot kont ki garanti ki zot pa bezwen vin lager avek *LWMA*, akòz zot annan travayer pou zot peye? Mersi.

MR SPEAKER

Minis, ou repons.

MINISTER FLAVIEN JOUBERT

Mersi Mr Speaker. Mersi Onorab pou sa kestyon vremen enportan, an prensip.

Sa bann dimoun ki nou pe *deal* avek i bann kontrakter, e i difisil parfwa pou annan konversasyon poudir ek en dimoun ki pe *run* en biznes, e i sipoze kapab pey son travayer, san ki i bezwen al lager pou dernyen *invoice*.

Akoz parey Onorab Henrie in fer sorti pli boner, pou annan 30 zour pou peye e si en *invoice* i antre le 20 par egzantp, mon kapab egzers sa 30 zour e fer li vin le 20 mwan prosen.

Me selman nou pa fer li, nou bezwen fer sir ki nou Lazans i bezwen fer sir ki i *abide* avek sa bann *requirement* Lalwa Lanplwa. E sa i en keksoz ki kontrakter i okouran, akoz zot ganny dir dan *meeting* letan nou pe demar diskisyon pou zot siny Kontra.

Me nou a osi admet ki en bon pe sa bann kontrakter zot kapasite finansyel i vreman limite.

I vreman limite ki fer ki zot depan lo sa larzan ki sorti kot *LWMA* sak mwan e se pou sa rezon ki letan i annan retar, pou okenn rezon ki arive, parfwa i annan pou fer avek zot menm.

Parfwa i kapab annan pou fer avek sekans aktivite ki ganny fer dan Lazans, me tou fason letan i ariv en retar i koz zot problenm akoz zot napa sa

kapasite finansyel pou zot pey zot travayer.

Me zot ganny dir pou dir zot bezwen annan. I annan serten i annan sa kapasite me en bon pe zot, zot napa. Mersi.

MR SPEAKER

Mersi Minis. Bon mon pa pou pran lot kestyon, akoz i a fer nou depas nou letan reglemanter. Donk, mon ava remerci Minis ek bann delegasyon lo zot ... mon annan lanmen ki'n leve. Ki ou annan en *point of order*, kwa?

HON WALLACE COSGROW

Non, Mr Speaker mersi. Mr Speaker ki mon ti a kontan petet Minis pa bezwen reponn, me selman zis en pwen mon ti a kontan pas ek li. Apre i a reponn pli tar.

(Interruption)

HON WALLACE COSGROW

Mr Speaker, Mr speaker i annan dimoun...

MR SPEAKER

Onorab, Onorab ou'n ganny sans fer ou pwen, ou'n fer ou pwen nou'n termin kestyon. Onorab Henrie ki ou annan en *point of order*?

HON GERVAIS HENRIE

Mr Speaker zis annan en size ki'n ganny aport a mon latansyon, kekfwa nou

Lasanble nou ti merit port latansyon *panel* ler zot vin isi.

Radyo pe *pick up* zot lesanz, nou, nou pa tande nou, be kekfwa Minis i bliye met son *mic off*. So, lo radyo dimoun pe tande letan zot pe konsilte, so *just to be careful*. Mersi.

MR SPEAKER

Mersi nou ava termin lo la. Mersi *panel*. Mon'n termin kestyon, mersi *panel* pou zot partisipasyon.

Mersi bann Manm e Lasanble i ava pran poz la e nou a rebran 2er apre midi. Mersi.

(BREAK)

(Mr Deputy Speaker in the Chair)

MR DEPUTY SPEAKER

Bonn apre midi tou Manm Onorab, e *staff* Lasanble Nasyonal. Piblik a lekout byenveni pou kontinyasyon nou travay pou sa Mardi 28 Mars.

Nou pou kontinyen avek bann *item* ki lo nou *Order Paper*. Mon'n note lanmen *Leader* Lopozisyon anler, zis pou lenformasyon Lasanble e piblik. *Leader* Lopozisyon ti'n ekrir speaker yer e demande ki an akord avek *Order 42(6), 42(6)(c)* nou *Standing order* pou li soumet en Mosyon ki

demande ki nou sispann *Standing Order, order 25* pou permet li table Mosyon ki anmennen. Ki lo *Order paper* ki pe demande pou *crush S.I 137*.

Mr Speaker in pran en desizyon lo sa size. Dapre Speaker, dapre *Interpretation and General Provisions Act 90* zour i mars letan en *S.I.* in ganny *laid before the National Assembly*.

Not the publication date - ki fer ki i ankor annan tou son letan e i lo *Order Paper*. So, Mosyon pou vini nou pa bezwen sispann *Order, Standing Order* an akord avek *Order 25*.

Donk, mon krwar D Speaker in pran en desizyon lo sa size. Nou pou kontinyen avek *Order Paper* parey mon'n dir. E prosennman nou pe pran en *Public Bill* e mon ti ava demann *Parliamentary Reporter* pou fer antre bann *sponsors Bill* silvouple.

HON SEBASTIEN PILLAY

(Off-Mic)

MR DEPUTY SPEAKER

Lo ki size?

HON SEBASTIEN PILLAY

Mersi Mr Speaker, anba *on Order 42(6)(c)* mon ti a kontan ki ou si posibil pou mwan kapab ganny sa *Statement Speaker in writing*, an ekrir.

Akoz i annan de *school of thought* lo en *S.I.*, en *S.I. coming to effect on the date of publication*. E *in effect of the date of publication*, savedir nou *effectively* annan nou 90 *days from the date of publication*.

Par kont mon konpran sa *school of thought* ki dir pou dir 30 *days from when it is laid in the House*.

So, lefe ki mon ti pe argimant lir zans mon Mosyon avek ou lendilzans, eski i posib pou mwan kapab ganny sa ki, sa repons Speaker *in writing* pou mwan rikord personnel. Mersi Mr Speaker.

MR DEPUTY SPEAKER

Sertenman.

Byenveni bann *panelist* parmi nou dan Lasanble ozordi apre midi. Mon ava dabor *welcome panel* ki dirize par Minis pou Lagrikiltir, Sanzman Klima e Lanvironnman Mr Flavien Joubert.

Lo latav devan avek li i annan sekreter prensipal pou sanzman klima Departman Lenerzi, sa se Mr Tony Imaduwa; nou osi annan Ms Irene Sirame ki *Legal Draftsperson* kot Biro *Attorney Zeneral* e osi Mr George James ki *Assistant Principal Legal Draftsperson*. e lo *side table* lo mon kote drwat i annan Ms Sharon Gerry ki *Senior Legal*

Officer pou Departman Lanvironnman, Sanzman Klima e Lenerzi.

Byenveni zot tou, e prosennman prezan mon ava demann *LGB* pou Mosyon for *Second Reading of the Bill* silvouple.

HON BERNARD GEORGES

Mersi Mr Speaker.

Bonn apre midi Mr Speaker, bonn apre midi tou bann Manm Onorab, tou dimoun ki pe ekout nou. Minis e ou delegasyon, *welcome*.

Mr Speaker anba *Order 69(2)* nou *Standing Orders*, mon *move* ki *The Electricity Bill 2022*, i ganny lir en Dezyenm Fwa. Mersi.

MR DEPUTY SPEAKER

Mersi *LGB*, lekel ki segonn Mosyon? Onorab Hoareau.

HON JOHN HOARREAU

Mersi Mr Speaker. Bonn apre midi, Bonn apre midi *panel*, bonn apre midi tou dimoun a lekout.

Mon oule segonn sa Mosyon ki'n ganny propoze par *LGB*. Mersi.

MR DEPUTY SPEAKER

Mersi Onorab Hoareau.

E a sa pwen mon ava aprezan envit Minis pou fer son lentervansyon, pou entrodwir *Bill* silvouple.

MINISTER FLAVIEN JOUBERT

Mr Speaker, bann Manm Lasanble Nasyonal tou bann dimoun ki pe swiv nou ozordi apre midi - bonn apre midi.

Mr Speaker, nou la ansanm ek *panel* ozordi apre midi pou prezant avek zot nouvo Lalwa lo Elektrisite, oubyen an Angle sa ki apel *Electricity Bill, 2022*.

Ozordi nou annan 2 Lezisasyon ki gouvèrn Sektè Elektrisite, sa i *Energy Act* e osi *PUC Act*.

Malerezman i annan serten defayans e akòz sa i annan serten konfizyon ki pe arive ant sa 2 Lalwa. Espesyalman dan serten provizyon pou fer avek rol Komisyon Lenerzi, koman Regilater Elektrisite.

E *PUC* koman en partisipan dan sa sektè. Se pou sa rezon e osi koman en mezir restriktirasyon sektè Lenerzi ki sa Lalwa pe ganny etabli.

Fodre note ki *Cabinet* ti donn laprouvasyon sa Lalwa an Novanm 2022. Lobzektif mazer sa nouvo Lalwa, se pou moderniz e donn gidans, ki manner Sektè Elektrisite pou ganny zere dan en fason egal, transparan e anmenn plis klarite dan sa sektè.

I pou osi permet larantre lezot akter dan prodiksyon Lenerzi, sa i apiy (pardon), i a

apiy Stratezi Lenerzi pou Sesel.

E pou asire ki napa okenn diplikasyon rol parmi bann akter ek sektè, i ganny regilarize par en regilater, e *PUC* i kler lo son rol koman sektè - Nou pe sey twatir *regulate* an Kreol, nou pe ganny en pe difikilte Mr Speaker.

I ganny *regulate* par en regilater. E *PUC* i kler lo son rol koman en partisipan sa sektè. Sa Lalwa ki'n ganny sipor Labank Mondyal in pas dan plizyer seri konsiltatif avek bann akter kle, e osi bann ki pou ganny enpakte avek sa nouvo Lalwa.

Mon aprezan pas lo bann provizyon mazer sa nouvo Lalwa. Anba sa Lalwa tou partisipan dan sektè elektrisite pou bezwen ganny en *licence* pou li kapab zer okenn aktivite ki relye avek zenerasyon, transmisyon, distribisyon ek lavant elektrisite.

Sa bann *licence* partisipan pou bezwen *comply* avek bann kondisyon sa Lalwa ek son bann regilasyon, si non, zot pou komet en lofans anba sa nouvo Lalwa.

Sa Lalwa pou etabli prosedir koman nouvo plan zenerasyon pou ganny fer. Koman nouvo plan zenerasyon pou ganny fer, ki manner i

pou ganny *procure* dan en fason transparan e egal.

Sa Lalwa pou etabli bann gro prensip tarif elektrisite e en prosedir lo ki mannyer tarif elektrisite pou ganny *set* e pou ganny revwar.

Sa Lalwa pou osi donn Minis responsab pou Sekter Elektrisite, pou vwar pou fer regilasyon pou a sekter. Serten regilasyon anba *PUC Act* pou ganny retire, amande si nesese e met anba Lalwa Elektrisite.

Pandan ki sa pe ganny fer sa bann regilasyon pou reste anba *PUC Act*. Anba sa Lalwa nou pe propoze ki prosedir *appeal* i servi menm prosedir ki anba *the Fair Trading Commission Act* e sa i son *Appeal Tribunal*.

Finalman sa Lalwa pou donn gidans lo kote bann lamannman i merit ganny fer avek *PUC Act*.

Fodre note Mr Speaker ki sa Lalwa i fer referans avek en *Utilities Regulator* dan serten parti, ki nou konnen pou ou vin devan Lasanble dan en prosen sesyon.

Alor sa keston konsernen *Utilities Regulator*, mon krwar i a kapab ganny reponn dan bann sesyon ki pe vini. Mersi bokou Mr Speaker.

MR DEPUTY SPEAKER

Mersi *Minister*.

Byensir aprezan lasal i ouver pou deba e Onorab Hoareau, John Hoareau in endik son lentansyon pou koze. Onorab Hoareau.

HON JOHN HOAREAU

Mersi Mr Speaker. Mr Speaker prodiksyon e distribisyon elektrisite lo Mahe, Praslin e La Digue e serten zil pre in toultan ganny fer par *PUC*.

Tandis ki lakonpanyen *IDC* i prodwir e distribye elektrisite bann zil elwanye ki i zere. Alor i pa drol ki tarif elektrisite e tou lenfrastruktir asosye avek zenerasyon elektrisite e distribisyon, i ganny deside par sa 2 lakonpanyen pou zot kliyan.

Dezormen anba sa Prozedlwa ki devan nou la, en nouvo striktir legal ki pou definir lafason ki elektrisite dan Sesel i ganny prodwir, transmet, distribye e menm vann avek kliyan.

Sa Lalwa i fer provizyon ki Minister ki responsab pou Lenerzi, kapab fer en plan baze lo demann elektrisite, e plan devlopman nasyonal tou le 2an e ki mon krwar nou pou amann li pou fer li vin tou le 3an, pou konnen ki kantite resours e lenfrastruktir nesese pou zer elektrisite dan nou pei.

Mr speaker i annan provizyon ki pou permet lezot lakonpanyen rantre koman

bann *licensees* pou prodwir elektrisite.

E vann avek *PUC* a en pri ki ava ganny determinen par *Utility Regulatory Commission* ki osi annan sa manda pou determin pri ki konsonmater pou peye par *unit* elektrisite.

Sa *Bill* i osi pe fer provizyon pou bann endividi ki annan *solar PV*, prodwir elektrisite pou zot prop konsonmasyon san lobligasyon en *licence* si zot pe prodwir ekivalan ou mwens ki 500 *kilowatt*.

Sa i a ede pou bann pti e mwayen lendistri prodwir elektrisite ki zot bezwen e sa i a fer ki zot prodwi i reste toultan konpetitiv.

Sa ki enteresan osi ek sa *Bill* se ki i pe fer en provizyon dan *clause 7* pou Minis kapab anmenn en *S.I* pou de-regulariz legzisans en distribiter enkliziv.

Parey ki ozordi i leka, ozordi nou vwar ki *PUC* i en distribiter eksplisit. Me si demen i annan okenn lakonpanyen ki le antre dan domenn prodwi e distribye lo en gran lesel, sa Lalwa pou etabli en modalite ki sa pou kapab ganny fer.

I fer lespas pou en regilater pou bann litilite parey elektrisite, delo, e *sewage* ki nou pou apel li en *Utility*

Regulatory Commission. Ki son *Bill* pou ganny diskite apre.

Sa regilater pou osi pran serten bann fonksyon *Energy Commission* ki pou dezormen ganny *repeal*.

Sa Lalwa Mr Speaker, pe met en kad legal pou nou akonplir nou target lo lenerzi renouvlab, ki 25 poursan di-si lannen 2030.

Si nou rapel target ofisyel ti 15poursan, me Gouvernman in santi ki nou kapab fer pli byen, alor in avans pou 25poursan.

Dan sa direksyon nou'n siny en *MOU* avek Lasin a en valer \$4.7milyon pou ki i ganny servi pou met *solar PV* lo tou bann lekol dan Sesel, e fer enn zil vin konpletman depandan lo lenerzi soler.

I annan en proze byento ki pou ganny komanse Sesel, en *solar farm* ki lo delo, ki pou premye dan lafrik li menm.

E bokou lezot proze lo bann zil elwanye pou zener zot prop elektrisite. An se moman nou lo en sif 5poursan, me mon konnen ki avek prodiksyon lenerzi renouvlab e bokou travay ki pe ganny fer pou *store* lenerzi renouvlab dan bann batri santral e investir and nouvo transformer pou anpes enstabilite lo laliny ki pou kapab arive, si nou ogmant prodiksyon lenerzi renouvlab.

Mon krwar sa sif pou kapab nou garanti ki sa sif pou kapab arive zika 25poursan di-si lannen 2030.

Pou nou ariv lo nou bann target i nesese ki Sekter Prive i vin en partner kle Gouvernman, e sa a ganny pran, sa pe ganny pran an kont par sa nouvo Lalwa. Se pou se la i annan provizyon pou sa sekter prodiksyon lenerzi gradyelman e regalize.

Petet Minis dan ou rezimen lo merit, lefe ki *PUC* i ganny sibvansyonnen par Gouvernman atraver *fuel* ki i aste, ki i pa pey *excise tax* e sa *Bill* pe fer provizyon pou lezot operater antre dan biznes prodiksyon lenerzi.

Ki fason - mon ti a kontan ou eksplik nou ki fason zot annan lentansyon pou fer laplenn nivo, pou lezot prodikter ki antre dan sa biznes pa vwar zot dezavantaze, si zot pe zener elektrik an servan *fuel* konvansyonnel.

Minis osi mon ti a kontan si ou donn nou lasirans ki anba sa nouvo Gouvernman ki ou pou fer sir ki *clause 38*, ki dir ki pou arive si ou pa pey ou bil elektrisite i ganny aplike san okenn faver.

Tro bokou fwa dan lepase nou'n vwar kot bann lakaz ki nou dir pou pti malere, ki elektrisite i ganny koupe de moman ki zot pa pey zot bil.

Tandis ki bann gran biznes zot, zot kapab drwa de milyon e de milyon, e pou zot pa ganny koupe. E pa menm tretman ki ganny aplike avek zot. Alor nou oule serten lasirans ki dezormen sa bann dezord ki ti annan dan lepase, pa pou ariv ankor.

Nou oule osi konnen ki fason petet ki sistenm pou ganny servi pou *monitor* bann zil elwanye, pou fer sir ki napa vyolasyon tarif oubyen vyolasyon *clause 56*.

Ki kalite mekaniz pou ganny met an plas pou sirveye. Sa set akoz nou konsyan ki latransparans, rann kont i bann pilye bon governans ki nou Gouvernman pe fer sir ki i met an plas.

Alor par egzanp si ou annan *Desroches Island* ki *IDC* li i *provide* elektrisite pou *Four Seasons*, ou annan *Alphonse Resort* ki ankor i en lot zil ki *IDC* i *provide* elektrisite.

Alor nou oule konnen ki fason sa bann demars pou ganny *monitor* e ki fason i pou ganny sirveye ki i annan latransparans e sa bann lenformasyon i vin *available* avek piblik.

Mr Speaker an di-z-an sa mon pou siport sa *Bill*, akoz i en *Bill* ki istorik i pe pav en semen pou lavenir e pou fer sir ki dezormen i annan serten lord, serten fason fer dan fason ki elektrisite i ganny

zenere. E fason ki i ganny distribye. E osi fason ki bann tarif i ganny kalkile. Avek sa mon oule remerisi ou Mr Speaker.

MR DEPUTY SPEAKER

Mersi Onorab Hoareau. Prosen Manm ki'n endike i oule entervenir, se Onorab Romain.

HON GEORGES ROMAIN

Mersi Mr Speaker. Bonn apre midi tou koleg Onorab, bonn apre midi Minis avek ou *panel*. E tou dimoun a lekout. Mr Speaker mersi pou donn mwan laparol pou mwan zer mon kontribisyon lo sa *Bill*.

Premyerman Mr Speaker sa *Bill* pe kre en lespas pou nou pei bouz devan dan devlopman sekter lenerzi.

Bann keksoz enportan ki pe vin ek sa *Bill*, se sa loportinite pou bann lenvestiser prive kapab anrezistre pou prodwir elektrisite atraver bann sours renouvlab. E an retour vann sa bann lenerzi avek *PUC* ki li osi i a kapab pas sa avek sa son bann konsonmater a en pri konpetitiv.

Mr Speaker lenvestiser prive i kapab zwe en rol tre enportan dan Sekter Lenerzi Renouvlab. En keksoz ki lemonn pe eksplor anv i ki i annan bokou enstabilite avek

kou karbiran, ki ganny servi pou prodwir elektrisite.

Ler nou kre sa lanvironnman pou lenvestiser prive antre dan sa sekter, zot anmenn bokou lavantaz. Zot kapab pran bokou plis *risk*, e annan akse avek bokou plis kapital, ki Gouvernman en eleman tre enportan pou devlopman sa sekter.

Zot osi annan en lapros pli inovativ e pli pare pou eksperimant avek nouvo teknolozi, ek bann model biznes ki kapab anmenn bokou plis lefikasite dan prodiksyon lenerzi.

Ler i annan bokou plis prodikter lenerzi, sa i kre en lespas konpetitiv ki ede pou redwir kou prodiksyon, e osi kapab donn konsonmater en pli bon pri.

Mr speaker, sa an retour i ava a en benefis direk pou nou konsonmater, ki pou kapab vwar en rediksyon dan son Bil elektrik tou le mwan.

Mr Speaker devlopman en tel sekter, i pou osi kre lanplwa e donn loportinite pou annan plis travay ki pou kontinyelman e devlopman ekonomik nou pei.

Sa *Bill* Mr Speaker i osi pe fer provizyon pou kre en Komisyon ki son manda pou ede regle e siperviz sekter prodwir lenerzi, savedir *PUC* ek lezot antite ki pe prodwir elektrisite.

En tel Komisyon i pou tre enportan pou konsonmater, akoz zot pou sa lizye ki pe regard lafason ki elektrisite pe ganny prodwir e lafason ki tarif pe ganny kalkile.

E pou asire ki konsonmater pa pe ganny sarze ekstra pou servis ki zot pe gannyen, i pou osi responsab pou fer sir ki i osi annan standar parmi bann ki prodwir elektrisite.

Mr Speaker enn bann standar, se pou fer sir ki elektrisite i ganny prodwir avek lefikasite avek bi pou redwir kou e osi prodiksyon dan en lanvironnman ki soutenab. Espesyalman kot ki konsern lenerzi renouvlab. Alors pou mwan Mr Speaker mon pa pou long lo sa *Bill*.

Mon vwar ki sa *Bill* devan nou ozordi pe anmenn devlopman dan sa sekter prodiksyon lenerzi. I pe kre loportinite pou pei ganny akse avek elektrisite ki pli bon marse e dan en fason soutenab.

Mr Speaker Sesel i bezwen bouz an avan pou servi nou resours natirel, tel ki soley ki nou annan an labondans isi. Mr Speaker mon pou donn mon sipor sa *Bill*. Mersi Mr Speaker.

MR DEPUTY SPEAKER

Mersi Onorab Romain. Aprezan mon pas laparol avek Onorab Wallace Cosgrow.

HON WALLACE COSGROW

Mersi Mr Speaker. Bonn apre midi tou Manm. Bonn apre midi Mr Speaker. Bonn apre midi tou Manm.

Mr Speaker mon pou aport mon kontribisyon apre midi lo sa *Bill*, akoz mon krwar i enportan ki mon fer sorti detrwa pti pwen.

Mon pa pou long me selman mon krwar i enportan mon fer sorti detrwa pti pwen.

Sa *Bill* ki devan nou ki annefe *Bills Committee* in asize in get li ansanm avek lot *Bill* ki pou vin ki swadizan i sipoze vin devan Lasanble, ki pou kre en Komisyon pou - regilater plizoumwen pou bann diferan *utilities* dan Sesel.

So, sa *Bill* i mars soule ansanm avek sa lot *Bill* ki nou sipoze ganny devan Lasanble. E mon krwar i enportan ki nou dir 2 pti parol lo sa *Bill* ki la devan nou.

Annefe sa *Bill* ki la li i pe met devan or i pe adres sa ki petet mon term li koman deregilasyon dan servis elektrisite. Pou bokou letan, pou preski mazorite letan ki mwan mon'n konnen, Sesel nou'n annan nou en prodikter elektrisite;- en prodikter e osi en distribiter elektrisite ki'n

annan en monopoli dan sa domenn. E sa se *PUC*.

E nou konnen ki poudir koman en pti pei - koman en pti pei i annan bokou pei ki'n dan lepase zot in bouz devan avek de-regilasyon en pti pe zot sekter elekrisite.

Bokou bann gran pei ki zot annan bann gran, gran sirfas e bann gran, gran *network*, e zot in nobou kapab fer sa de-regilasyon - de-regilasyon e osi separasyon ant prodikter, distribiter.

Zot in nobou fer li avek serten nivo sikse, malgre nou konnen ki'n annan bokou ka kot sa in arive e kontrol plizoumwen lo pri i enn ki konsonmater in napa *or* lo kou ki konsonmater i peye, i enn ki pa neserman annan kontrol.

E ozordi mon pe espere ki ler Minis e Gouvernman - Annefe sa ti en demars depi en pe letan. E mon krwar ki i annan bokou, bokou diskisyon lo la e mon espere ki ozordi ler Gouvernman in finalman anmenn sa *Bill* devan, nou pe osi pran kont konsonmater, *hmm?*

Akoz *once* ou'n komans derelitalize, ou komans - mon pa pe dir nou devret annan monopoli - me solman nou'n war dan en sans kot en operater, en distribiter dan en sans ki mannyer in dan serten lenstans, kit pri ase abordab pou konsonmater.

E la nou pe bouz dan en direksyon deregila ... sa mo pe donn nou problem apre midi, deregle - deregle sa sekter e mon annan serten krentif ladan menm si mon krwar an zeneral pou plan devlopman pei, pou plan devlopman pei e devlopman sekter elekrisite.

Mon krwar i pou donn serten loportinite par egzanp sirtou pou devlopman, devlopman Sekter Lenerzi Renouvlab. Kot i ava prepar bann *or* donn loportinite bann diferan akter ki petet ti pe eksprim loportinite pou zot antre dan prodiksyon sirtou, i a kapab donn zot sa loportinite pou kapab antre.

Me mon kontinyen vin lo kosyon Mr Speaker - mon kontinyen vin lo kosyon, akoz mon kosyon i akoz konsonmater. E mwan mon krwar pou dir a tou pri nenport ki Lalwa ki nou fer - nenport ki *step* ki nou antre ladan nou bezwen, bezwen mazin nou konsonmater avan. E nou konnen ozordi pri elekrisite i enn ki konsiderab pou bokou bann lakour Seselwa.

Bill ava fer provizyon petet pou dimoun kapab zener zot prop lenerzi, me ozordi nou konnen ler par egzanp en lakour i zener son lenerzi i bezwen rann. I bezwen pran sa lenerzi ki i zenere met dan

network PUC, e apre *PUC* i re vann li.

PUC i annan serten, serten lazisteman ki i fer, par egzant dan pri ki li i aste ek ou e dan pri ki li i vann ou ki ou bezwen peye.

So mon pe *hope* ki avek sa bann deregle ki nou pe fer nou kapab adres size konsonmater lo size lo sa bout kot i konsern sa lenteraksyon avek *PUC*, ki dabor i *the main producer*, i *the main supplier* atraver *network*.

I osi fer provizyon par egzant pou bann biznes operater kapab prodwir zot prop elektrisite. Ozordi nou konnen poudir *PUC* in fer konsiderab lenvestisman koman *the main operator* pou en bon pe letan.

PUC in fer konsiderab lenvestisman, par egzant dan rezyon sid kot nou'n war *PUC* in met 33 kilo *volt*, zisteman ti annan dan sid ti annan bann operater, bann biznes ki ti pe *operate* an deor *grid*.

Akoz *PUC* ti napa sa kapasite pou azout zot lo *grid*. Me ozordi *PUC* in fer lenvestisman 33 kilo *volt* - in pran *loan* e demen bomaten si nou war sa bann gro, gro biznes i senpleman *switch off from the grid*.

Akoz zot pou ganny loportinite pou zot kapab zener zot prop elektrisite, zot *switch off* konpletman *from the*

grid e ki lenpak? Mon *hope* ki Gouvernman e Komisyon Lenerzi in fer letid lenpak pou gete ki lenpak sa pou annan lo *PUC*.

Akoz nou, nou *still* bezwen dakor ki sekirite lenerzi Sesel i an se moman reste lo *PUC*, aköz *PUC* in la en bon pe letan. E tou lenfrastruktir lenerzi pou asir sekirite lenerzi in ganny fer par *PUC*. E si demen bomaten nou pe vwar nou - pa ki i mal - me selman demen bomaten ki nou pe vwar nou dimoun pe prodwir *left, right and center*.

E ki *PUC* in fer konsiderab lenvestisman dan zenerasyon, dan *networking*, met 33 kilo *volt* dan sid, met 11 kilo *volt* dan nor. Nou pa war *PUC* pe fer en pert ki apre i pa kapab mentenir sekirite lenerzi, pou nou zil sirtou Mahe, Praslin ek La Digue.

So, mon pran sa *Bill* avek serten leksitasyon, me selman mon pran li avek serten kosyon osi. Aköz sekirite lenerzi Mr Speaker i devret pri mondyal pou bann konsonmater.

So, mon *hope* ki sa *Bill* i adres e petet Minis si mon mal, Minis i adres sa *issue* sekirite lenerzi. Ler ki pou'n ouver sa sekter e ou'n donn dimoun loportinite sirtou atraver sekter lenerzi renouvlab pou zot prodwir kot lakour e osi prodwir par bann

biznes. So nou bezwen fer sir ki nou adres sa. Mr Speaker avek sa mon - en dernyen pti pwen ki mon ti oule fer resorti, i annan sa *Integrated Electricity Plan* ki distribiter i bezwen fer.

E mon pe sey zis mazin en si sa i restrikte pou distribiter ouswa prodikter osi, akoz nou pou annan nou *multiple producers* la, nou pou annan diferan pti *producers* partou.

So, eski bann dimoun ki pe fer zot par egzans prodwir atraver *PV*, atraver lenerzi divan, eski or petet dan le fitir nou pou annan bann lavansman dan *wave energy*?

So, eski bann dimoun ki pou antre ladan, zot osi zot pou bezwen prodwi en *Electricity Plan* ki petet dabor petet pou bann ki pli pti i riske vin en keksoz en pti pe, en pti pe difisil lo zot.

So si Minis i kapab eklersi sa detruwa pwen lo kote sekirite lenerzi, lenvestisman ki *PUC* in mete lo kote *Electricity Plan*, e lo kote ki manner sa enteraksyon ant *PUC*. Akoz ozordi *PUC* pe aste elektrisite avek bann dimoun ki pe prodwir, sirtou avek *PV* e pe vann li a en lot pri ki *PUC* i kapab fer serten profi.

So si Minis i kapab eklersi sa pou mwan e ki manner sa *Bill* ozordi pou adres sa? Mersi bokou Mr Speaker.

MR DEPUTY SPEAKER

Mersi Onorab Cosgrow. Avan nou kontinyen, *Chief Whip* eski ou ankor annan ou leksik Kreol avek ou?

Ok, parski wi pou nou kapab ganny en gidans lo sa mo *deregulates*, ki an franse i dwatet *deregleman*. An Kreol ki manner nou dir akoz "deregle" mon krwar i annan en lot *meaning* selon sanson Raymond Lebon.

Letan zot pe rod leksik pou tyeke, Onorab Pillay ou ki *next* lo lalis. Mersi.

HON SEBASTIEN PILLAY

Fotespere mon pa deregle personn la apre.

Ok, Mr Speaker mon krwar mwan mon annan en konsern serye la mwan. Konnen nou pe debat sa *Bill* an izolasyon, sa lot *Bill* ki li i ekstrememan enportan pou sa enn ki la.

Akoz san sa lot *Bill*, sa enn ki la i mank en bout enportan e sa se sa Komisyon li menm ki annan en travay sibstansyel pou li fer viz a vis sa enn Lalwa ki la.

Me ler mon'n regard sa lot Lalwa, mon regard lafason ki'n ganny konpoze, mon pe vwar pou dir i paret menm Gouvernman i per pou mete ki sekter ki sa Komisyon i sipoze regle.

Akoz i nonm, *in the regulated sector* me selman nou tou nou konnen poudir *this is about a utilities sector*. E prezan i *raises a serious point of concern*, akoz aba sa enn Lalwa ki nou pe gete i annan 2 seksyon pou mwan ki pertinan.

Premye seksyon se seksyon ki *deal* avek tarif, e sa i pertinan pou tou dimoun ki pe ekoute akoz tarif, i annan pou fer avek sa ki ou peye lafen dimwan pou *bill* elektrisite.

E prezan mannyer mon pe gete, responsabilite i tonm antyerman lo Minis anba seksyon 46 la. Akoz sa Komisyon i zis annan en *advisory capacity* avek Minis.

Mon ti krwar poudir Gouvernman pou al dan en direksyon pou li i reste a kote, e i *provide subsidy* pou *bill* elektrisite. Par egzanp pou en fanmir Seselwa ozordi ou annan 2 *loan*, ou annan bann difikilte ki ou pe gannyen pou ou kapab fer 2 bout zwenn ek bann *bill* ki ou bezwen peye.

Par lo la ou annan ou *bill* Elektrisite, mon ti krwar Gouvernman li i ti pou debout a kote e mentenir en perspektiv plito sosyal, pou li kapab *provide* en sipor atraver pa en *subsidy* direk.

Me en *subsidy* en direk pou ed dimoun. Me la Gouvernman li menm i oule

fer tou lede louveraz. Kestyon se apre lekel ki pou pran responsabilite pou ler bann desizyon i ganny pran?

Konmsi nou bezwen regard desizyon ki nou pe pran ozordi apre midi koman en Lasanble tre seryezman. Esansyelman sa *Bill* i pa vedir pou dir tou bann konponan dan sa *Bill* i mal. I annan bann konponan ki byen.

Par egzanp i annan bokou dimoun ozordi ki annan aktivite biznes, ki santi ki zot kapab prodwir zot prop, prop elektrisite, zot prop *power*. I byen sa.

Me par kont ler mwan mon regard - par egzanp Mr Speaker, ler nou regard dan sa lot Lalwa mon pa pe *preempt* deba me i relye avek le 2 - ou regard bann *general powers of* sa *Commission* e ou retourn lo seksyon 46 ki li prezan i koz lo bann pouvwar ki Minis i annan.

Mon santi poudir mon pa tro konpran lentansyon Gouvernman. Eski Gouvernman pe abandonn son responsabilite ki li i annan, pou asire ki en Kreol la deor son *bill* kouran pa mont lo en nivo, ki sitan egzorbitan ki i pa kapab *afford* pou li peye?

Eski i pe abandonn sa responsabilite? Oubyen eski i pou fer tou pou li mentenir sa responsabilite, me apre pa

develop en latitud pou li blanm lezot akter kan desizyon i bezwen ganny pran.

Akoz la mannyer mon war, se Minis ki annan bann fonksyon pri mondyal anba sa Lalwa. E Lalwa ki mannyer in fer sa kler, in met li "*functions of the Minister.*"

Premye fwa mon war sa bann kalite keksoz mwan. *We not talking about functions of an Authority, we are talking about functions of a Minister*" ki en lofis Leta.

E i pe akt koman en - pou mwan mon bezwen dir, i pe akt koman en si oule sa *main* konponan dan tousala. E pou mwan si Gouvernman pe pran kontrol sa sekter, parey i leka avek sa ki in mete la, *then* pou mwan, eski Gouvernman pou mentenir enskrir en *subsidy* pou siport bann fanmir Seselwa viz a vis bann tarif elektrisite.

Akoz *make no mistake*, anba sa Lalwa an sa ki konsern tarif, i annan en pwen dan sa Lalwa ki'n dir poudir - e la mon konsernen ek sa pwen, mon ti a kontan Minis i klarifye sa pou mwan - kot sa konponan i dir, nou pe koz lo bann tarif an relasyon avek zenerasyon sa *power* osi. So eski ou pe dir mwan poudir si PUC pou depans tan ou pou set tarif pou ou kapab *match production cost PUC*.

Prezan si mon pran pwen ki Onorab Cosgrow in *raise* vizavi *independent power producer*, i vedir ki en gran konponan *income* ki PUC pe gannyen ozordi, *by being the sole provider of power* ozordi, pou ganny *distributed*.

Posibleman i pou ganny distribye, akoz bann gro kliyan ki ozordi i bezwen pey PUC - parey sa bann gro *bill* ki Onorab Hoareau in fer referans avek, pou nepli bezwen pey PUC.

Sa larzan ki zot pey PUC se li ki permet PUC pou annan sa *workforce* ki annan ozordi, ki permet li osi pou li kapab fer sa travay dan en sans en *public good*. Savedir en servis piblik ki PUC i rann ozordi, *as the Public Utilities Corporation*, ki mon krwar pou dir be mon ti a kontan konnen ki direksyon Gouvernman i le ale.

Mon pe per pangar akoz mon fek tande la *Kenya* pe privatiz son bann antite piblik, ki Sesel pe komans mazin dan sa direksyon. Re asir mwan ki sa pa leka, akoz nou sistenm i tro pti pou nou al dan sa direksyon.

E danze ki nou pe kree, se ki demen si sa i pran lefe e tou dimoun ki kapab prodwir son prop *power* i fer li, me sa bann dimoun ki pe depans plis larzan avek PUC.

Akoz nou tou nou konnen Minis ozordi se ki lo delo *PUC* i perdi larzan. E se elektrisite ki *subsidies* delo.

Bomaten nou fek ganny dir pou dir apepre 29 poursan si mon pa tronpe, *non-revenue water*;- savedir nou perdi 29 poursan reveni lo delo atraver *non-revenue water*.

Bann tiyo ki'n kase, ki Onorab Larue ti pe rode bomaten. Konpran? So pou mwan i *raise* en konsern serye lo ki pou arrive.

Going forward 5an, 10an *down the line* e *PUC* avek sa grander *workforce* ki i annan. Ki pou arive si i bezwen redemann plis *subsidy* ek Gouvernman.

Eski Gouvernman pou dan en pozisyon pou *provide* additional *subsidy* pou *make up for the loss of income* ki *PUC* pou soufer.

Mon konpran kote nou oule ale. Mon konpran ki direksyon nou oule ale. Me eski sa i meyer direksyon pou nou pei?

Eski sa i meyer opsyon pou nou pei? Akoz *otherwise* ler tou sa bann travayer pou san en lanplwa, zot pou bezwen al ganny re entegre dan lot sekter.

Be ozordi la mazorite *independent power producer* i kapab *produce power without* annan en *workforce* parey *PUC*.

Akoz fodre nou pa bliye Mr Speaker, mon ti a kontan konnen lekel ki *in charge* ozordi? Par egzanp mon pou donn ou en legzanp Minis.

PUC i annan sa 10poursan logmantasyon saler. *PEMC* i ekrir li i dir son *Board* ki mannyer pou *set out* sa logmantasyon saler, me selman i annan en Minis ki la anba sa Lalwa pou al *oversee PUC*.

Lekel ant sa Minis ek *PEMC*, avek *Board PUC* ki pou annan *the final word* dan tou sa bann dan tou sa *issue*?

Akoz mon get ou pouvwar anba la, ou pouvwar i par lao sa ki *Board PUC* i sipoze fer. *You have basically directorate control* lo sa antite, e mon vwar i drol bann *MNA* lot kote latab pe zis *go with this*, menm si Gouvernman in propoze.

There should have been en pti pe plis konversasyon ki ganny fer avek Lezislater Mr Speaker, akoz la mannyer *as it stands*, demen nou pou napa en *say* dan privatizasyon en antite Gouvernman ki sitan enportan, koman en Lasanble Nasyonal ki sipoze get lenter Lepep Seselwa.

E mwan Mr Speaker mon'n war plizyer fwa dan *weekend* kot sa bann travayer *PUC* pe travay, kot zot pe kas semen, zot pe bezwen re aranz bann tiyo, zot pe - Konmsi en

travay dir sa, *tough*. So, Mr Speaker mon annan bokou konsern.

E mon konpran prezantasyon Minis. In en prezantasyon entelizan akòz Minis i en garson entelizan, in prezant nou dan en fason en tan teori ki manner i kapab marse. Mon asire Mr Imaduwa ki la i konpran tre byen ki manner pou fer sa Lalwa marse, dan en lemonn ideal.

Me malerezman nou pa viv dan en lemonn ideal. Nou viv dan en lekonomi ki bokou bann *moving parts* ti konekte ek kanmarad. E malerezman dan nou pei nou annan en *income disparity* ant sa ki pli annan, ek sa ki napa ki vreman laz.

E nou rol koman en politisyen pou sey protez sa bann ki pli ba. E sa ki nou pe sey fer apre midi, se kosyonnn Gouvernman ki ler nou pe pran sa desizyon i annan en lenpak *down the line*.

Manner mon pe koze, mon pa pe dir pou dir Lalwa i antyerman mal – non! Me mon pe dir ki i annan serten konponan sa Lalwa *from* en perspektiv Polisi ki pou mwan i en konsern serye lo direksyon ki Gouvernman i le pran.

E pou sa rezon Mr Speaker mon santi poudir ti devret annan en pe plis travay ki ganny fer, pou nou regarde ki manner nou pou annan en

gradual phasing out of lapros ki nou'n pran koman en pei, pou annan enn bann *utilities provider*, ki pe *provide utilities* ozordi ki mon konnen ki dan bokou lezot pei, in annan en demokratizasyon bokou pli larz e bokou pli vas.

Me tousala i arive baze lo grander sa pei, son kapasite, pou li kapab absorb sa bann keksoz. Anfen kont Mr Speaker, sa ki mon pli konsernen avek se ki mon pa oule demen ki okenn bil elektrisite okenn dimoun i monte.

Mon pa oule ki demen okenn travayer i perdi zot louvraz. Mersi Mr Speaker.

MR DEPUTY SPEAKER

Mersi Onorab. Mon krwar *that's the word we should use*, "demokratizasyon Sekter Elektrisite." Akòz napa sa *deregulate* ekivalan an Kreol. E parey mon ti pe dir "deregle" mon rapel byen manner sanson Raymond Lebon ti servi.

Completely wrong to use it this way. Prosen enterven an lo lalis. Wi "deregle" letan *you start going wrong*, ou pa pe fonksyonnn byen. Onorab Clifford Andre.

HON CLIFFORD ANDRE

Mersi Mr Speaker. Bonn apre midi Mr Speaker. Bonn apre midi *panel*. Minis avek ou

delegasyon. Bonn apre midi tou dimoun a lekout spesyalman zabitan Anse Aux Pins.

Mr Speaker mon'n ekout entervenans avan mwan Onorab Pillay. I pa ti mon lentansyon pou mwan fer entervansyon lo sa *Bill* me selman koman *Chairman Bills Committee*, mon santi ki i nesese a sa staz a sa pwen ki mon dir enn de parol.

I vre ki sa *Bill* ki pe vin apre ki *Utilities Commission*, i annan referans ki sa *Bill* ki la i fer avek. Me i enportan pou note ki dan seksyon 5 sa enn *Bill* ki la, i donn nou presi dir bann aktivite ki i entitle *activities and organization of the electricity sector*.

E i etal sa bann aktivite ki pou ganny fer e ladan i dir ou *"the activities"*, ok prezan nou pou annan bann lamannman ki nou pou mete – *"that may be in the electricity sector pursuant to this Act are generation transmission distribution supply and sale of electricity."*

Sa *sale* Mr Speaker son pri i pou ganny determinen par Komisyon. E letan nou pe get seksyon 17 ladan dan sa *Act* i dir nou klerman - mon ava al lo la kot i dir nou- (permet mwan mon ariv lo la) i dir nou *"a licensee shall comply with the decision of the Commission."*

(2) *"A licensee shall provide the Commission with all information and accounts that the Commission may require to exercise its function"*.

Akoz nou al dan sa laliny Mr Speaker, se akoz Onorab Pillay letan in koze, in dir ki nou pa oule demen ki sa lorganizasyon i fer monte pri.

Me se sanmenm sa ki sa bann Lalwa pe targete la, mon konprenezon legal – (mon'n dan sa domenn pou bokou lannen) i fer kler – i fer kler ki sa dimoun oubyen sa *licensee* e i pa'n dir zis enn - i pa'n dir – in dir *"a licensee"*. So i kapab annan an plis ki enn. I pou bezwen *comply* avek sa ki Komisyon i dir li.

Alors i enportan ki nou pa fer dimoun deor krwar. Ou konnen sa i en keksoz ki elekrisite, menm si ou Lopoziyon, menm si ou dan Gouvernman ou bezwen servi elekrisite. Menm si ou kontan mwan menm si ou pa kontan mwan ou bezwen lalimyer pou alimen kot ou aswar, alors ou bezwen servi elekrisite.

E alors nou tou nou pas dan menm ben, dan menm senaryo e a lafen dimwan nou tou nou bezwen al pey nou *bill* elektrik pou nou fer sir ki nou kontinyen get televizyon, bann madanm i kontinyelman servi zot *hair dryer* ensidswit, ensidswit.

Alors Mr Speaker i enportan, mon osi mon pa pou long akoz mon santi ki i neser ki nou klarifye sa bann pwen ki tous dimoun. Akoz si nou trakas dimoun lo en *Bill* ki nou pe anmennen, definitivman - oubyen nou pa donn zot sa bon gidans dan sa direksyon ki vre sa *Bill* pe anmennen, nou pou tant pou vwar zot kot zot komans en pti pe konsernen en pti pe trakase si oule.

Prezan bann ki en pti pe pli aze pou dir be la ki mannyer mon pou al pey mon bil la zot pe vin ek en Lalwa so nou pa oule sa. Annefe ki Gouvernman pe fer nou pe plito met keksoz azour.

Aranz li dan en fason ki tou dimoun - tou dimoun i ava konnen ki mannyer keksoz i marse. Annefe Mr Speaker letan nou gete dan sa Lalwa i annan menm konplent. So ou kapab al fer konplent avek Lotorite, pour ki ou konsern i ganny *deal* avek. E sa i dan seksyon 36. "*Complaint from consumers.*"

So demen mon *bill* in vini mon santi konmsi ou reste ou annan vwazen i annan vwazen ki get kanmarad prezan i gete *bill* ki mannyer anba 200 ou'n ganny tel sarze tel *unit* kekfw i annan en pti *issue* ladan.

Me ou kapab al anmenn sa konplent devan. Alors i pa pe dir ki ou pou perdi sa bann

keksoz i pe plito formaliz sa bann responsabilite ki sa antite pou annan e osi formaliz sa posibilite ki dimoun pou annan pou li anvoy devan son bann konsern.

Letan nou get seksyon 39 i dir ou "*consumer protection standards.*" So la ankor i en lot landrwa kot nou tou nou konnen annandler i annan zekler ensidswit ki arive kot bann *surge* i fer.

Alors pou annan en standar ki pou bezwen ganny garde. E sa i enportan ki nou dir dimoun demen letan mon pe al fer en konplent, akoz sa standar pa'n ganny garde mon pou annan en *backing legal* pou mwan kapab fer li *from* sa Lalwa.

Alors pep Seselwa sa Lalwa ki devan nou ozordi, i enn ki kekfw lontan nou ti'n devret fer. Me i enportan osi pou note ki ozordi ler i neser bann lareg, bann Lalwa pe ganny met an plas, pou fer sir ki bann *beneficiaries* - bann dimoun ki benefisye avek sa, se pep Seselwa dan son totalite - irespektiv ki kote ou'n vote, irespektiv ki ou siporte.

Alors mwan avek sa detrwa mo Mr Speaker, mon krwar ti ava byen - Minis letan i fer son *summing-up* i reasir pep Seselwa ki sa Lalwa pa pou defavoriz bann dimoun. Annefe i pou met keksoz parey

mon'n dir o kler pou ki nou tou nou ava benefisye e nou a konnen ki permet sakenn i annan pou li fer son travay.

Avek sa detrwa mo Mr Speaker, mon ti a demann nou tou dan en konteks parey pou nou tou donn nou sipor pou fer sir ki nou pep nou bann zenerasyon i benefisye avek sa ki nou annan pou ofer zot. Mersi Mr Speaker.

MR DEPUTY SPEAKER

Mersi Onorab Andre. Onorab Georges in endike i oule koze lo sa size.

HON BERNARD GEORGES

Mersi Mr Speaker. Kantmenm mon pa'n la pou mazorite deba mon ti pe ekoute sa ki bann Manm Onorab ti pe dir.

E mon'n demann laparol apre midi pou mwan siport Onorab Andre an sirtou an repons sa portre ki Onorab *Leader* Lopozisyon in penn apre midi lo en *Bill* osi pa kontroversyel ki sa enn.

Annefe li menm li *Leader* Lopozisyon tel parey Onorab Cosgrow, tou lede in admet ki i annan en kantite bon keksoz dan sa *Bill*. E Onorab Cosgrow in dir ki an mezir ki i eksite avek sa *Bill* i osi i annan serten konsern e se sa mon krwar pozisyon ki nou devret pran en pozisyon balanse.

Me mon'n en pti pe enkyet avek sa portre ki

Onorab Pillay in penn ki en portre konpletman negativ ki pe annefe *focus* lo enn de problemn konpletman teorik e ipotetik ki kapab arive e ki kapab parey Onorab Andre in dir anmenn serten dimoun krwar ki sa *Bill* pe al dan en direksyon konpletman negatif. E pou afekte zot.

E mon krwar ki koman bann Manm Lasanble responsab, nou devret pli responsab dan lafason ki nou apros sa bann topik.

Mon konpran parfetman ki dan Lopozisyon nou bezwen opoze, se koumsa ki nou fer nou travay. Nou menm nou, nou'n dan Lopozisyon en kantite letan, alor nou konn sa pli byen ki bokou Manm Lasanble.

Me mon krwar ki Onorab *Leader* Lopozisyon in al en pti pe tro lwen dan son lanaliz negativ ki sa *Bill* i merite. Mon krwar parey Onorab Cosgrow in dir - Sekreter Zeneral Parti *US* in dir - bann benefis sa *Bill* ki nou kapab antisipe i *outweigh* enn de problemn kekfwa sa ki i annan. E mon krwar ki kot nou'n-

(Off-Mic)

HON BERNARD GEORGES

La prezan Sekreter Zeneral Parti *US* ki pou dir mwan kan mon pou koze kan mon pa pou koze. Ou war kot zot in arive

Mr Speaker? Mon ti dir lotrozour se nou ki dan Mazorite zot, zot dan Lopozisyon pa bliye.

Mr Speaker sa *Bill* napa okenn kontrovers avek. Sa *Bill* set en *move* dan en direksyon pozitif. Okenn ki pou ganny loportinite pou li zener elektrisite vann ki avek *grid* i pou ganny *licence*, i pou bezwen travay dan en serten konteks, dan en serten paramet anba en serten regilasyon ki pou ganny anmennen.

I pa pou en *free for all*. E i sertenman pa en sityasyon kot *PUC* pou bezwen fermen demen oubyen apredmen ou lannen prosenn. E tou sa bann travayer ki travay dir dan soley eksetera pou bezwen al trouv en lot lanplwa *somewhere else*.

Mon krwar ki nou bezwen remet pandil anler la apre midi e dir ki se pa sa ditou lentansyon sa *Bill*. E non selman lentansyon sa *Bill* se pa sa ditou ki mannyer le fitir i kapab ete aköz i annan sa reglemantasyon.

Sa ki nou pe fer la apre midi nou pa pe al ouver fer *Open Sky Policy* parey ti'n fer avek lavyasyon, e dir tou dimoun ki demen bomaten sa ki anvi zer elektrisite zenerater vann li a sa pri ki ou anvi *survival of the fittest* - si *PUC* pa kapab kontinyen travay, sa

se son problem. Sa pa sa ki sa *Bill* pe fer.

Sa *Bill* pe donn loportinite lezot dimoun oubyen lezot konpani ki kapab zer elektrisite, pou tir en pe presyon ki lo *PUC*. E si *at the end of the day* - *at the end of the day* i arive ki *PUC* i bezwen reorganiz son lekor pou li sirviv, *well*, sa i pou ariv dan en sityasyon progresif - en levolisyon e non pa en sel kou demen bomaten ki nou pou war *PUC* pe arete, dimoun pe perdi travay e lezot zenerater elektrisite pe vin *online*.

O kontrer Mr Speaker, sa ki mwan mon kontan avek sa *Bill* se ki i donn loportinite lezot antite pou zener elektrisite. I pa oule dir ki pou annan - i posib i pou napa e i posib ki i pa pou annan bokou oubyen i posib ki sa sekter pou toultan en *marginal sector*. Nou pa konnen kot nou pe ale.

Me si ou pe al met en pa, si ou pa pran en pa devan, sa ki pou arive se ki nou pou toultan reste avek *PUC*, ki pe zener elektrisite pa dan en fason pli efektiv posib, pa ni dan fason pli *clean* posib, pa ni dan fason mwen ser posib.

E nou pou toultan kay lo en sityasyon kot Leta pou sel prodikter e nou konnen ki ler Leta i fer en keksoz i pa zanmen *the optimum operator*. Sa nou konnen aköz listwar i montre nou sa.

Lopozisyon i kontan sa akoz zot ti annan en striktir Leta - en sistenm kot santralize, kot tou keksoz i ganny fer par Gouvernman. Nou dan lot kote latab ek sa ladministrasyon ki nou annan, i war keksoz diferan. I oule partaz posibilite pou tou dimoun fer sa ki Leta i fer.

Akoz nou konnen ki dimoun i fer sa dan en fason bokou pli byen e avek bokou plis lavantaz. Mon ti pe dir sa ki mon pli kontan avek sa posibilite - malgre ki i pa dir *in black and white*, se ki nou pou bezwen sorti lo en sistenm kot nou pe zener lenerzi avek *heavy fuel* dan en fason mwen ekonomik.

Dan en fason ki prodwi bokou mwens lenerzi pou lakantite *fuel* ki nou servi, a en kou ase o. E dan en fason kot nou polye lanvironnman. Nou pe ganny sa loportinite ki sa bann nouvo zenerater elektrisite i a kapab fer li dan en fason prop dan en fason *green*, e *let's hope* dan en fason ki pou anmenn benefis pou nou popilasyon.

Alor Mr Speaker avek sa detrwa mo mon pe enplor avek Lopozisyon e mon pe demann ek Lepep Seselwa, annou met sa *mindset* negatif deryer nou.

Nou'n antre dan en nouvo leta. Nou'n antre dan en nouvo letap nou devlopman. Nou'n antre dan en

transformasyon ki pe arive dan sa pei, annou regard fitir avek lizye kler e non pa avek lizye sonm. Mon remersye ou Mr Speaker.

(APPLAUSE)

MR DEPUTY SPEAKER

Mersi Onorab Georges. I ti dernyen entervenans ki ti'n endike ki i oule koze lo sa Prozedlwa ki devan nou. Donk aprezan mon pou donn Minis drwa repons. *Minister*.

MINISTER FLAVIEN JOUBERT

Mersi Mr Deputy Speaker. Mersi bann Onorab pou zot bann kontribisyon. Mr Deputy mon ava eseye tou mon posib mon mye pou mon kapab kouver en bon pe sa bann pwen ki'n ganny leve par bann manm Onorab ozordi apre midi.

Mon pou komans avek en premye en *statement* ki Onorab Cosgrow in fer pou endike, ki sa demars i en demars depi avan byensir, premye letan ki sa nide ti ganny met devan, lo kote lenerzi ti an 2016 si mon konpran byen.

E alor sa lentansyon pou prodwi sa *Bill* i pa en keksoz nouvo ki fek vini la. Me i en keksoz ki pe kontinyen atraver demars lenerzi dan sa pei. E mon krwar i enportan pou nou

note ki tou lede kote alors zot annan lentere pou fer sa *Bill* avanse.

Nou'n koz lo bann lenkyetid ki annan kot i konsern *PUC* e kot i annan pou fer avek pouvwar Minis. Onorab Pillay in koz lo lefet ki son lenkyetid se ki Minis i annan bokou pouvwar e i kapab sanz keksoz e abandonn responsabilite ki i annan pou *manage* elektrisite dan lentere nou bann konsonmater ek bann piblik.

E mon krwar Onorab Andrein fer kler sa se ki tou dimoun i ganny afekte par elektrisite. Alor i pa pou dan lentere personn pou ou sanz sistenm, pou li vin benefisye zis en kote, akoz finalman tou konsonmater e nou ti i la anndan nou pou ganny afekte.

Sa bann provizyon kot i konsern pouvwar Minis anba sa Lalwa "*functions of the Minister*" i pa bann keksoz ki donn Minis pouvwar pou li fer bann lareg nenport koman. Ouswa pou li vini donn direksyon par egzanp *PUC* nenport koman.

Me i plito bann posibilite pou li *set* Polisi - direksyon Polisi kot i konsern lenerzi e elektrisite sirtou e i devret fer sa avek konsey tou bann dimoun ki i gannyen;- tou bann konsey ki i gannyen ek tou bann lorganizasyon, spesifikman Komisyon i devret

pe Konsey Minis pou li kapab met an plas sa bann mezir.

Alor i pa lentansyon pou Minis debout lo li menm e fer bann Lalwa ki pou afekte sa sekter e pou afekte distribisyon elektrisite dan pei.

Lot keksoz ki mon tann Onorab Pillay koz lo la, se tarif an relasyon avek kou zenerasyon, eski pou annan diferan tarif e diferan fason? Si mon rapel byen dan sa Lalwa i annan en bout ki konsern tarif e lafason ki tarif i ganny sete lafason ki tarif i ganny regle.

E lapros se ki tarif i ganny son prensip se ki i ganny adopte se mwen kot posib. Alors sa Lalwa si i ganny byen aplike si bann dezir ki deza la i ganny byen servi. Lentansyon sa ki pe regle elektrisite, i devret pe rod pli bon *cost* pou konsonmater pou li vann lo rezo ki annan dan pei.

I annan en komanter ki konsern *deregulation*. Nou ankor pe ganny sa mo mal, "demokratizasyon". Annou ganny sa kler Onorab se ki sa lentansyon sa Lalwa se pa pou ouver laport e annan tou sort kalite zenerater elektrisite dan diferan fason.

I annan en plan ki sipoze ganny prodwi pou lenerzi e sa plan i definir ki kalite lenerzi nou pou prodwi dan pei. An prensip letan nou pe gete, sa

Lalwa i pe fer plas pou bann dimoun ki pe vin avek *renewable energy*.

I pa pou dan nou lavantaz pou nou ouver laport pou nenport ki komans prodwi elektrisite an servan dyezel, ouswa lezot form lenerzi aköz i pa po ed nou koman en pei e i pa pou vo lapenn aköz nou pou zis pe kre Polisi domaz, san ki nou anmenn nou pei pou devan an term son sours e son kou prodiksyon ozordi.

E zis nou a note ki ozordi kou zenerasyon avek renouvlab i konpetitiv konpare avek konvansyonnel, e alor i dan nou lentere pou nou letan nou fer nou plan nou plas li santral ladan renouvlab e bann *licence* ki ganny donnen pou zenerasyon, se bann *licence* ki annan pou fer ek renouvlab.

E zis pou fer kler se ki byento nou ava war enn bann rezon ki sa Lalwa i bezwen ganny fer, se ki aköz dan bann zour mon poudir ki pe vini nou pou finaliz sa letablisman premye *independent power producer* ki pou konekte avek *grid* Sesel.

Ki pou fer ki nou pou bezwen annan en Lalwa pou *accommodate* sa bann prodikter, e nou pe ankouraz lezot dimoun vin anmenn prodiksyon dan menm laliny. Me pa bann sours konvansyonnel, pa dyezel, pa

heavy fuel oil, pa lezot sours parey sarbondter eksetera.

Mr Speaker apre i annan bokou komanter ki mon pou klasifye li en pe ki annan pou fer avek bann konsern konsonmater. Me mon krwar i enportan ki nou tonm dakor ki i annan bokou proteksyon konsonmater dan sa Lalwa.

I annan proteksyon ki annan pou fer avek standar. I annan proteksyon ki annan pou fer avek bann *rates* ki ganny *apply* ki ganny *regulate*, dan en fason ki sa lorganizasyon, sa Komisyon avek Minis i kapab kit en lizye lo bann *rates* ki ganny *apply*.

E i kapab aprouve ouswa pa aprouve bann diferan *rates* ki ganny aplike lo bann konsonmater.

Nou'n koz lo konplent konsonmater ki annan lobligasyon pou travay avek konsonmater pou adres zot bann konplent. Dan fason ki tarif i ganny met an plas, i annan provizyon pou fer ki sistenm tarif i regard bann diferan group ki dan sosyete e ozordi letan ou get tarif, tarif i aplik *across the board*.

Me mon pe rod sa provizyon, i annan en bout dan tarif ki demann pou en analiz bann diferan fason ki tarif i kapab ganny aplike, dan en fason ki pli meyer posib. Alor tarif nou pe ekspekte ki si i ganny aplike byen, i pou osi

annan lespas pou ofer bann diferan tarif ki pou adres bann konsern annan konsern ki annan dan bann diferan kalite konsonmater dan pei.

Apard sa Mr Speaker mon krwar mon apresye ki laplipar bann entervenans in rekonnèt merit sa Lalwa. Zot rekonnèt ki ozordi sa Lalwa pa pou afekte e pa pou koz destriksyon PUC. E an prensip nou tou nou ti a kontan prezerv PUC parey i ete, pou ki i kapab kontinyen reste koman sa *backbone* nou sistenm elektrisite dan pei.

Ozordi nou annan PUC avek son *network* distribisyon. E i pa lentansyon ditou pou nou annan en lot operater *network* distribisyon dan pei. Lentansyon se ki nou annan plis opsyon lo kote prodiksyon.

Nou kre posibilite pou bann dimoun prive ki annan larzan pou li antre dan prodiksyon. Akoz si ou kalkile PUC ozordi pe rod larzan pou li aste nouvo zenerater.

Me ou kapab ouver en laport pou bann ki anvi vin avek renouvlab pou zot prodwi, vann a en pri ki pli ba ki sa ki PUC pe fer avek zenerater. E kontribye dan lekonomi Sesel san ki nou war PUC li menm pe al pran ankor adisyonnèl det pou li kapab satisfè son bezwen pou zenerasyon elektrisite.

E dan plan lenerzi osi i annan bann kap ki ganny *set* kot ou *set* en limit. Kot ou konnen sa i pou annakor avek ou target pou ou kapab mentenir PUC dan son pozisyon finansyel pou li pa bezwen par egzanp les travayer ale ouswa aret serten loperasyon.

Alor i annan tou sa bann posibilite pou kre en plan ki *accommodate* nouvo prodikter e ki *accommodate* PUC dan son sityasyon ki i ete ek son kalite lorganizasyon ki i ete lo en pti zil. E an menm tan ed nou fer progre koman en pei lo kote zenerasyon elektrisite e osi lo nou bann emisyon ki nou fer atraver predikasyon an servan bann sours konvansyonnel.

Mr Speaker mon pou aret la, Mr Deputy Speaker. E nou ava kontinyen dan bann detay an mezir nou ava reponn bann kestyon an mezir nou al dan detay sa Lalwa. Mersi.

MR DEPUTY SPEAKER

Mersi Minis pou sa *Right of Reply*. Bon le moman prezan in arive pou nou pran en vot lo merit zeneral sa *Bill*. Mon ava demann tou Manm ki an faver pou endike silvouple? Mersi. Okenn Manm ki kont? Mersi.

Mersi Madanm Clerk. Donk lo *general merit of the Electricity Bill, 2022* i annan 19 Manm ki'n vot an faver. Okenn Manm pa'n vot kont 9

manm in abstenir. Donk sa vot, sa *Bill* in pase.

Aprezan nou pou al dan-avan nou al dan Staz Komite nou ava demann Madanm Clerk pou fer en *Formal Second Reading of the Bill*.

MADAM CLERK

Mersi Mr Speaker. *The Bill for an Act to make provisions for electricity related activities and for other connected or incidental matters*. Mersi Mr Speaker.

MR DEPUTY SPEAKER

Mersi madanm Clerk. Le moman in arive aprezan pou Lasanble al dan Staz Komite pou nou kapab regard sa *Bill* dan son detay. Serzan ava fer le nesese.

Mersi *Sergeant-at-Arms* e mon ava envit mon prezimen *Vice-Chair Bills Committee* Onorab Hoareau ki pou *lead* nou dan *Committee Stage*. Mon ava envit ou pou pran laparol silvouple.

HON JOHN HOAREAU

Mersi Mr Chair. Mr Chair nou pou komans nou bann amannman - nou seri amannman apartir paz 4 anba *arrangements of section*.

Me avan mon al direkteman lo la, mon oule dir ki i annan en lamannman ki'n ganny etabli *prior notice*, ki mon pou eksplike ler nou ava

ariv lo sa *clause* irespektiv se 42, 47(2) (s) apre sa *clause* pou annan sa lamannman.

MR DEPUTY SPEAKER

E pou nou pa ganny okenn kontansyon bann lamannman i sa ki *Bills Committee* in propoze;- savedir i annan en lagreman bi partizan lo la me i pe *move* par ou koman *Chairperson*, *Vice-Chair* Komite. Mon korek la?

HON JOHN HOAREAU

Definitivman.

MR DEPUTY SPEAKER

Very good. Proceed.

HON JOHN HOAREAU

Bon parey mon'n dir lo paz 4 (22) i lir koumsa; "*Persons already performing electricity related activities*" ti mank sa mo "*related after electricity*" nou'n mete.

Nou al lo 36, seksyon 36 *complaints* nou retir "*of*" nou met "*from consumers*".

Nou al lo 52, anba "*offences*" i lir koumsa; "*construct electricity facilities without a licence*", nou'n met sa mo "*a*" *before licence*.

MR DEPUTY SPEAKER

Zis fer parey ou ti fer dernyen fwa letan nou al lo sa bann seksyon osi dir *page number* ki bann Manm i kapab *scroll*

down en pe bokou pli vitman.
Mersi.

HON JOHN HOAREAU

Wi definitivman. Prezan nou al lo paz 6. Anba seksyon- dan *long title*, “*A Bill for an Act to make provisions*”, nou retir sa ‘s’.

Aprè nou ava al kot anba *interpretation*, menm paz menm 6. “*Auto generation means a consumer who generates electricity on their own premises for their own consumptions*”. So nou'n met sa mo “*their*”.

MR DEPUTY SPEAKER

Onorab Georges i oule pran laparol lo sa pwen.

HON BERNARD GEORGES

Mersi Chair. Annefe sa 2 “*their*” la mon krwar i- *it's not the best* ki nou kapab akòz ‘*a consumer*’ apre i al “*their*” ki en *plural pronoun*. Donk i pa-Mon konnen dan Angle konmela zot servi sa, me i plito *colloquial rather than legal*.

Mwan mon ti ava sizere ki nou met “*means a consumer who generate electricity on the consumers own premises for the consumers own consumption*” i ava *pli neat*.

Donk si ou aksepte sa koman en *simple amendment* Mr Chair mon ti ava *move* ki nou ranplas sa 2 “*their*” par “*the consumer*”. Mersi.

MR DEPUTY SPEAKER

Ou ti ava relir ki *panel* ava dir nou ki zot panse lo la.

HON BERNARD GEORGES

Wi. So “*auto generator means a consumer who generates electricity on the consumers own premises for the consumers own consumption*”. Eksetera, eksetera.

MR DEPUTY SPEAKER

Mersi. *Do we have an agreement from the panel? Ok, panel i agree. So* Onorab Hoareau nou kontinyen.

HON JOHN HOAREAU

Nou pou al lo paz 7 *still* anba *interpretation*. *Consumer*. “*Consumer means any persons who uses any service provider including a person who has entered a transaction with a service provider*”.

So sa i definisyon. Mon realize ki mon'n mank *Commission* anler. “*Commission means the Commission establishes under section 3 of the Utility Regulatory Commission Act 2022.*”

MR DEPUTY SPEAKER

Mersi. Pou nou dan - nou retourn lo definisyon “*consumer*” mon ti'n not de lanmen anler i annan Onorab *Leader* Lopozisyon apre nou

ava al lo *Leader of Government Business*.

HON SEBASTIEN PILLAY

Pran pou Onorab Georges avan Mr Speaker.

MR DEPUTY SPEAKER

Non ou lanmen ti lev avan pou li. *Proceed*.

HON SEBASTIEN PILLAY

Non akoz pou mwan i an relasyon avek en lot pwen anba lenterpretasyon. Alors nou pe pran pou Onorab Georges avan.

MR DEPUTY SPEAKER

Lekel sa pwen anba lenterpretasyon?

HON SEBASTIEN PILLAY

I an relasyon avek definisyon Minis dan Lalwa.

MR DEPUTY SPEAKER

Be manman be la nou ankor lo (c), definisyon Minis i pou ankor kote, anba (m)?

HON SEBASTIEN PILLAY

Wi oule mon pran?

MR DEPUTY SPEAKER

Non. *We're going in alphabetical order.*

HON SEBASTIEN PILLAY

Be *ok* sanmenm sa mon dir ou pran Onorab Georges avan.

MR DEPUTY SPEAKER

Proceed Onorab *Leader of Government Business*.

HON BERNARD GEORGES

Mersi Mr Chair. Mr Chair definisyon *Commission*.

The Bill is 2022 but the Act is obviously going to be 2023. Alor mon move for an amendment to the amendment 2022 to read 2023.

E si sa i ganny aksepte *definition of consumer means it cannot be "any persons who uses" it has to be "any person who uses"*.

Alor mon ava *move* pou tir sa (s). *So I move to amend the amendment.* Mersi.

MR DEPUTY SPEAKER

Ok. So i annan 2. Dabor ou pe move en amannman dan definisyon Commission ki wi en fwa ki sa Bill i pase i pou vin Act 23. Is the panel in agreement with this? Onorab Andre.

HON CLIFFORD ANDRE

Mersi Mr Chair. Mr Chair mon pe sey is konpran en pti git Onorab *LGB*. In dir "*Commission*" towards the end nou met li Act 2023. *Is that correct?*

MR DEPUTY SPEAKER

Wi se sa ki i pe dir.

HON CLIFFORD ANDRE

Wi be savedir si nou pe fer se, eski dan *short title* i pa pou osi vin 2023? Akoz *it's now that it's being passed* sa enn? Li i pe koz lo sa *Bill* ki nou pe al fer pase *which is the Utilities Regulatory Commission Act*.

So mon pe zis pou nou ganny li byen perspektiv.

MR DEPUTY SPEAKER

Wi akoz anler i dir *this Act may be cited as Electricity Act 2022*. Sa ki ou pe dir? So nou bezwen osi en lamannman osi la pou sanz li fer li vin 2023.

Panel p'e swiv nou e zot dakor avek? *Very good*, savedir nou pe fer en amannman dan *part (1) preliminary clause 1(1)*. Onorab Hoareau.

HON JOHN HOAREAU

Ok. Nou a kontinyen lo *distribution*.

MR DEPUTY SPEAKER

Ok. So Onorab Hoareau ou *ok* avek ou tir sa "s" avek "persons" dan definisyon "consumer"?

HON JOHN HOAREAU

Yes, yes. *Definitely*. "Distribution means conveyance", ti'n met "convey" nou'n met li "conveyance of electricity at voltage level of 33KV or below". Nou'n retir sa bout

'below 33KV'". Apre i kontinyen.

MR DEPUTY SPEAKER

Mersi. *Panel* i *ok* avek sa?

HON JOHN HOAREAU

Nou al lo "distributed generation."

MR DEPUTY SPEAKER

Hang on, *panel* pa ankor - nou pe koz dan definisyon "distribution".

MINISTER ANTHONY DERJAQUES

Mr Chair mon krwar i annan en klarifikasyon from Mr Imaduwa.

MR DEPUTY SPEAKER

Please proceed.

PS TONY IMADUWA

Thank you Chair. Mon krwar pou sa enn nou kit li *below 33KV*. Akoz *anything 33 and above* i ganny konsidere dan nou konteks koman *transmission*.

MR DEPUTY SPEAKER

Son *term - the technical term* i meyer ki i reste "below 33KV"?

HON JOHN HOAREAU

Below 33 yes please. Onorab Hoareau ou swiv?

HON JOHN HOAREAU

So i pou lir koumsa; dapre *new amendments* “*distribution means conveyance of electricity at voltage level of below 33 KV*” - se sa?

MR DEPUTY SPEAKER

Ok se sa. Panel i- avan ou *proceed* Onorab Andre i oule fer en lentervansyon la.

HON CLIFFORD ANDRE

Mon pe zis demann Mr Imaduwa letan nou pe dir, i pe dir i annan transmisyon avek - i annan distribisyon ek transmisyon.

So akoz letan nou pe gete sa ki *Bills Committee* ti'n propoze, i pa sanz nanryen, i pa fer li mont anler. I dir “*33KV or below*”, so i *still remains below*. Si mwan mon pe ganny li byen, *se above 33* ki ou pe dir *distribution*, oubyen?

PS TONY IMADUWA

Non transmisyon i 33 an montan. So ou pa pour kapab dir, 33 apre par anba. So i par anba 33.

MR DEPUTY SPEAKER

So nou pe koz strikteman son term teknik la? Nou ava *proceed* Onorab Hoareau. Mersi.

HON JOHN HOAREAU

Ok. Nou ava al lo “*distributed generation*” savedir la i pour lir

koumsa; “*distributed generation*” means the *electricity fed into the electric system at a voltage level*”. La savedir nou pour bezwen met li ankor “*of below 33 KV*”, pour fer li konsistan avek anler kot nou'n sanze - “*from a power producer connected to the distribution grid as may be approved by the Commission from time to time*”.

E la nou annan en *comma*, e nou fini la, nou retir sa bout anba kot in met “*and generator includes both renewable and conventional sources of electricity generators*”.

So after the word, “*time;*” nou pour annan en *semi-column*.

MR DEPUTY SPEAKER

Mersi. Onorab Andre i oule entervenir la.

HON CLIFFORD ANDRE

In *ok?* *Very good.* *Proceed* Onorab.

HON JOHN HOAREAU

Nou pou al lo, “*electricity related activity (b)*” ki lir koumsa, “*any other written law or regulation which govern environmental matters.*”

MR DEPUTY SPEAKER

Mersi.

HON JOHN HOAREAU

Nou'n tir sa mo *“ruling” after “regulation”*.

MR DEPUTY SPEAKER

Ok i annan 2 entervenans ki oule entervenir la. Onorab Andre avan.

MR DEPUTY SPEAKER

I annan de entervenans ki le entervenir la. Onorab Andre avan.

HON CLIFFORD ANDRE

Mersi zis pour asiste, sa ki Onorab *Deputy Chair* in dir, *Vice-Chair* in dir, *it’s not with regards to electricity related activity*. Be i plito pour *environmental*. Unless mon annan en lot dokiman *“environmental legislation” means “(b)”* si i tir ...

MR DEPUTY SPEAKER

Wi ou annan rezon. Onorab Georges aprezan.

HON BERNARD GEORGES

Mersi Mr Chair. *Very briefly*, Mr Chair lo sa *“(b)” which govern*”, nou pe deal avek *“any other written law or regulation”* in the singular alor i ti devret *“which governs environmental matters”*.

Donk mon *move for an amendment to the amendment*. E pandan ki mon annan *floor* Mr Chair, nou'n bliye dan definisyon *“consumer” at the end*, nou'n bliye met en *semi-*

column, apre *“provider”*. So i *move* ki nou retourn an ayer nou remet sa, nou met sa *semi-column* silvouple. Mersi.

MR DEPUTY SPEAKER

Mersi. *Panel* in note. Mon pour donn laparol Onorab Hoareau pour kontinyen. Nou'n ariv lo *“feed-in-tariff”*.

HON JOHN HOAREAU

Mersi. *“Feed-in-tariff” means the regime that may be established by the Commission pursuant to subsection (5) of section 9 of the Act;*” e la i annan en *semi-column*.

Nou retir tou sa bann lezot sa kat laliny, par anba la. Nou al lo paz 8 anba *“generator” means a person who performs generation of electricity;*” apre sa i vin en *semi-column* nou'n retir *“including both renewable and conventional sources of electricity”*.

Nou al lo menm paz *“licence”, “means a license issued under section 20”,* nou'n retir *“the”*.

Nou al lo *“power purchase agreement” means “an agreement between a generation licensee and a supply”* nou'n met sa mo, *“supply”* nou'n retir sa mo *“network”* ki vin apre. Apre i kontinyen, *“licensee for sale of the electricity etcetera*.

Nou al lo “*procuring entity*” - *procuring entity*...

MR DEPUTY SPEAKER

Hang on avan ou al lo la. Mr Imaduwa i endike i le dir en keksoz la.

PS TONY IMADUWA

Ok lo sa “*power purchase agreement*” normalman Lagreman i ganny fer par sa *seller* avek *off-taker*. E normalman sa *off-taker* i sa *network operator*, pa sa *supplier*. Sa *supplier* i zis la pour vann elektrisite. So si ou pran en legzanp parey bann pei ki'n byen *regulate or i open market*, se *network operator* ki aste lenerzi avek bann *power a bann generator*.

Supplier i kapab *any* dimoun, parey Langleter par egzanzp ou ganny diferan *suppliers*. Zot, zot pa *own* okenn laliny, zot pa *own* okenn *power plant*, zot pa *own* okenn nanryen. Ki zot fer zot al lo *market*, zot aste lenerzi avek *network operator* e zot vann li avek *supplier*.

Avek konsonmater, so zot zis *supply* zot, zot vann. So mon krwar dan sa konteks i *still remain as network operator* ki aktyelman *purchase* sa lenerzi.

MR DEPUTY SPEAKER

So oule ki nou pa servi sa mo “*supply*” me kit “*network?*”.

PS TONY IMADUWA

Kit *network* akoz li ki sa operater ki ganny *licence* pour aste sa lenerzi.

MR DEPUTY SPEAKER

Noted. Onorab Andre?

HON CLIFFORD ANDRE

Mersi Mr Chair. Mr Chair si nou pe pran an konsiderasyon sa ki Mr Imaduwa pe dir. Mon krwar si nou kit “*network*” eski i *proper* pour nou kit “*network licensee*”, oubyen nou met “*network operator*” parey in dir?

PS TONY IMADUWA

Well problem parey ki nou annan isi Sesel se ki nou ptipti. Ok ler ou pour get transmisyon avek distribisyon, ou kapab konsider li en sel. So i pour difisil demen, si demen nou pour *break it up* nou poudir nou annan en *operator* transmisyon avek en *operator* transmisyon.

So normalman tou lede i vin ansanm. Nou apel zot bann *network operator*. E sa ti enn bann deba ki nou ti annan avek konsiltan pour regarde *whether we break* li dan term elektrisite kot ou annan zenerasyon transmisyon, distribisyon avek *supply*. Or nou *break* li *down* an

zenerasyon, *network operation* apre *supply or of* elektrisite.

So demen si mon krwar nou met li koman en *network operator, maybe* nou kapab konsider en definisyon pour *network operator* anba sa Lalwa.

Mon pa konnen si ...

MR DEPUTY SPEAKER

Ou le entervenir? *Proceed.*

HON CLIFFORD ANDRE

Wi, wi Mr Imaduwa in esey reponn sa keston aköz mwan ki mon pe dir, dan Lalwa manner i ekri si nou pe retoun lo *network*, nou pe al lo *network licensee*. So baze lo lesplikasyon ki in donnen, ki mon agree avek.

Si nou pe met li *network operator*, prezan si nou pe met li *network operator* nou pour bezwen al rod en definisyon, oubyen definisyon teknik ki zot annan, nou pour bezwen met "*a network operator*" baze lo en definisyon ki zot, zot ava donn nou.

So mwan mon pe sey gete lekel ki nou pran, ki manner nou fer. E mwan mon pou al - *I will go with what they say is best*. Si nou pou fer *operator* nou pour bezwen al met en *operator*, bezwen al donn en definisyon *to the operator*. Mersi.

MR DEPUTY SPEAKER

Mersi. Mr Imaduwa?

PS TONY IMADUWA

Mon krwar i en pe kompleks dan li menm aköz sanmenm sa ki nou'n fer li sa distribisyon, avek transmisyon separe. Dan konteks *PUC* parey mon'n dir ou i kouver an tou ozordi, antye *network* li ki kouver li menm. So i difisil.

Me solman an kad ki demen nou pe konsider *open the market* lo kote transmisyon.

En legzanp fer krwar i annan en landrwa ki pa'n ganny servi par *PUC*. Ok pour transmisyon, en landrwa ki lwen an deor, kot demen i kapab *come in* kot i annan en *distributor operator*, ki *come in* en *distribution operator* ki *come in*, ki kree sa *network* pour li *supply* elektrisite avek en Komite ki soz.

Konmsi i kapab annan - selman sanmenm sa mon pe dir, i en pe difisil ki nou frenm totalman *the whole distribution licensee* avek *transmission licensee*. *But maybe we find* - mon pa konnen si ler ou *combine* ansanm transmisyon *and distribution licensee* i kree sa *network operator, I don't know*. *Maybe ...*

MR DEPUTY SPEAKER

Onorab Hoareau ou ti le dir en keksoz?

HON JOHN HOAREAU

Dan sa ka nou pour bezwen, retir en *licensee* sa mo “*licensee*” after the word *generation* nou ava kit li, “*agreement between a generation and a network licensee*” ok?

MR DEPUTY SPEAKER

Panel i concur? Ou pa le servi de fwa “*licensee*?”

HON JOHN HOAREAU

Yes.

MR DEPUTY SPEAKER

Onorab Andre.

HON CLIFFORD ANDRE

(Off-mic)

HON CLIFFORD ANDRE

Si nou pe dir pour pran an konsiderasyon sa ki Onorab Hoareau pe dir, mon krwar i pour lir enn pti pe pli byen means “*an agreement between generation and network licensee*” dan plas ki'n met “*a*” - mon pe zis - Mersi.

MR DEPUTY SPEAKER

Mersi Mr Imaduwa.

PS TONY IMADUWA

Mon annan en sizesyon mon pa konnen, akoz nou pa apel

en *network operator* apre ler nou *define network operator*, it can be - i dan en *transmission distribution licensee* or either one of the soz.

Akoz demen en PPA i kapab ganny signed between en *generator* avek en *distribution licensee*, or either en *transmission licensee* or even both together. So dan sa ka kot PUC i tou lede at the moment.

MR DEPUTY SPEAKER

But can we go with *network operator* and now without a definition in the Bill? Onorab Georges mon ti'n vwar ou lanmen anler mwan? Lo sa pwen non. Onorab Andre?

HON CLIFFORD ANDRE

Lo sa pwen Mr Chair, parey mon pe dir, mon konpran ki Mr Imaduwa pe sey met devan. Me selman parey nou pe dir par lefe ki i pa'n vin koman en lamannman, en adisyon, oubyen en *deletion* ki *pass the test of 72hours*.

Unless nou tou nou satisfè ki nou bezwen a sa pwen, letan nou pe get sa *Bill*, nou bezwen met en *network operator as one of* dan sa bout. Sanmenm sa ki mon ti pe dir Mr Imaduwa, se ki eski nou al koman en *network operator* or *we go as a network licensee* ki deza la. Kekfwa apre letan nou

pour re-amann - ou konnen tou keksoz Lalwa, i dinamik li.

Zot pour bezwen vin devan Lasanble i kapab nou ki ozordi, oubyen en lot Lasanble.

Selman *the dynamism of* Lalwa ou pour bezwen vin ankor. Eski a sa staz ki nou ete, nou kapab dir *safely* ki nou ava al avek *network licensee*, nou a pran sa pti modifikasyon - tir “a” *remove* “a”, oubyen nou santi ki la ki manner i ete, prenon kont sa ki Mr Imaduwa i dir i neserer ki nou fer sa, *network operator* e prezan nou bezwen al fer sa definisyon ki nou pour bezwen al rode, letan pe pase pour fer sa?

MR DEPUTY SPEAKER

Eski i pour konplike ki dan *break, panel* i come up with definisyon en *network operator*. E ki nou konsider li koman letan nou retournen?

PS TONY IMADUWA

Nou kapab diskite, *yes*.

MR DEPUTY SPEAKER

Nou ava diskite. *Ok?* So pour lemoman nou ava bouze apre nou a retourn lo la. Onorab avan ou *proceed* pour al lo “*procuring entity*” Onorab Pillay nou ti'n mank son *definition of “Minister”*, aköz i par deryer.

HON SEBASTIEN PILLAY

Wi-wi mersi Mr Speaker. Mon konsernen avek sa definisyon Minis. Aköz mon vwar sa Lalwa ki konekte ek *Utilities Regulatory Commission*.

Prezan mon vwar de dimoun ki annan *oversight*, e nou pe *assume* poudir portfolyo *set up* i parey i ete ozordi. Pour mwan, realistikman demen nou ki pour dan Gouvernman, so i riske bezwen sanze.

What I feel i se ki mon pa konpran from a *policy perspective*, aköz *Utilities Regulatory Commission* i tonm anba Minis pour Lanvironnman. Mon pa pe *preempt* en *debate* lo sa Lalwa mwan.

Me selman *the Minister responsible* pour sa konponan Lalwa, se *the Minister for energy*. Mon krwar nou bezwen *redefine the definition for Minister to incorporate for utilities, rather than* konsider *energy and environment* parey i ete ozordi. Aköz si sa de portfolyo i kase demen, *you have to amend the law again*.

So you need a definition that works for both instances. E mon vwar poudir, *the intention* se ki se sa Minis ki la ki sipoze *deal* avek *Utilities Regulatory Commission*, but at *the same time* annan responsabilite anba sa enn Lalwa ki la.

Mon krwar petet zot in diskrit sa dan *Bills Committee*, be selman *I think there has to be something which is harmonized akòz otherwise then i fer li vin en pti pe en pe en policy conflict* dan mon lopinyon.

Akòz mon konpran *utilities it means delo, it means lezot keksoz, it means osi bann lezot eleman, e la nou pe koz spesifikman elektrisite.*

Me par rapor avek sa Komisyon, son rol ki annan, *then mon krwar nou bezwen met li “the Minister responsible for utilities” rather than “the Minister responsible for energy and the Minister responsible for Environment”.* Mersi Mr Speaker, mon pa sitan negativ parey Onorab pe dir.

MR DEPUTY SPEAKER

Mersi. *Well mon krwar i a kapab pase Minister responsible for Public Utilities.* Onorab Andre ou ti annan en pwen lo la?

HON CLIFFORD ANDRE

Mwan mon ti pe, mon pa ti vwar tro gran *issue* avek. Mon santi poudir lenerzi, elektrisite i en lenerzi, so mon - e nou annan en Minister ozordi ki responsab Lenerzi.

Demen sa ki vini i sanze, Lalwa parey mon dir i dinamik, i vin ek son Lalwa devan sa Lasanble e i fer son

sanzman. Mwan mon santi ki par lefe ki nou annan en Minister ki responsab Lenerzi e dan *Utilities Regulatory Commission*, nou'n dir Minister Lanvironnman akòz i annan delo, elektrisite, *sewage*, ok pa neseserman ki zot tou zot bann lenerzi, me mwan santi li i ok parey i ete, *unless ki I'm convinced otherwise, I don't feel we need to change.* Mersi.

MR DEPUTY SPEAKER

Onorab Pillay.

HON SEBASTIEN PILLAY

Ok mwan mon pa en Avoka. Me mon'n tann en Avoka koze, mon pe *go according to mon leksperyans dan public service.* Ler ou kree konfli, dan *management* en keksoz, ou annan inevitableman difikilte pour reini tou bann eleman pour fer zot mars dan en sel direksyon.

Mwan krwar zot konpran ki mon pe dir la, Tony, ok? *Now pran par egzantp en tim foutbol, pran par egzantp Liverpool.* Pour *Liverpool* kapab ganny en *Champions League* fodre tou dimoun, i maye ansanm depi *coach*, depi tou bann keksoz i marye ansanm.

Sa i pou arive, *Liverpool* ganny *Champions League* ankor. Me sa i parey sa, i parey ou pe *move* dan en direksyon,

me selman ou annan de diferan eleman ki pour antre ladan. Akoz lanvironnman i annan en konponan diferan; dan son konsepsyon lanvironnman ozordi nou pe ganny problemm avek Minister Lagrikiltir e Lanvironnman.

Mwan mon pe fer sa akoz demen ler nou dan Gouvernman nou pa le anmas sa bann problemm nou. *Ou konpran?* Nou le keksoz i annord, i ganny fer byen. So annou met li byen. Mersi Mr Speaker.

MR DEPUTY SPEAKER

Do we have en? Eski nou annan en lamannman devan nou? Wi selman dan konteks Gouvernman, politik zot toultan servi, *public utilities* ki enkli gas elektrisite, delo, *sewage and the term used is public utilities*.

Wi Onorab Andre?

HON CLIFFORD ANDRE

Ou konnen nou bezwen, letan nou donn en Minister en Minister responsab Finans, Minister responsab pour Ledikasyon. Ozordi, ki manyer Gouvernman i ganny striktire, Minis i responsab pour Lanvironnman, (e ki manyer nou dir sa?) *Sorry* e resours.

So i pa - i pa - Annou met sa ki nou annan la, annou pa bezwen kree akoz napa en

Minister ki responsab *utilities*, sa i tonm anba son *purview*. Ou konpran ou? So si nou pou al met sa, mon krwar i pour fer- Mwan mon gete, mon santi i pour konplik keksoz. Alors mon sizere ki nou kit li parey i ete e nou bouze. Nou kontinyen avek sa travay ki nou annan pour nou fer. Akoz lenerzi i tonm anba - I annan en Minister ki ganny definir, pour responsab lenerzi.

MR DEPUTY SPEAKER

Be eski Minis Joubert i kapab dir nou, si li i kapab konvenk Lasanble poudir *the use of the word "energy" here*, i anglob, *public utilities* ki nou e koze la delo, *sewage*, elektrik?

MINISTER FLAVIEN JOUBERT

Mersi Mr Chair. Non-*energy* mon krwar i konsern pirman lenerzi, dan sa konteks ki nou pe koze la.

Me vre i annan en keksoz ki nou bezwen reflexir lo la. Me mon pou swiv en pe sa ki Onorab Clifford Andre in dir, se ki toultan nou pou annan sa bann dezakor akoz, nou annan diferan fason *set up* dan Gouvernman. Petet nou bezwen rod en notasyon ki en pe aproksimatif ki reflekte en sityasyon ki nou kapab al avek la. Me apre sa tou fason i kapab dan plizyer lannen nou

pour bezwen retournen, e reaziste ankor.

Me la nou bezwen zis enn ki nou konnen i fer sans dan tou lede ki nou kapab travay avek, san ki nou pe kree en kontradiksyon. Problem se en kontradiksyon. Si nou kapab viv avek *then* nou viv avek.

E mwan mon pa pour obzekte okenn propozisyon ki sorti kot Lasanble ki dir, ki aranze ouswa aziste sa bann term ki nou pe servi la. Mersi.

MR DEPUTY SPEAKER

Mersi Minister. Mon not lanmen Onorab Cosgrow, anler ou ava fer ou pwen. Apre si mon napa en *firm amendment proposal*, nou pou *move on*. Onorab Cosgrow.

HON WALLACE COSGROW

Yes, Mr Speaker. Mr Speaker mon krwar, sa propozisyon ki *Leader* Lopozisyon in mete i enn ki valid. Akoz ler nou pe get dan konteks sa *regulator en*, i en *multisector regulator*, e i enkli elektrisite ladan. Ou pa kapab annan en Minis dan kad sa Lalwa ki nou pe diskite la, ki *deal* avek lenerzi, e i *regulate* e li i annan responsabilite sa Lalwa, me selman dan en lot Lalwa ki osi *deal* avek lenerzi - e nou pe koz elektrisite - i napa kontrol lo la. Ou konpran?

So nou pa kapab dir Minis Lanvironnman pour enn, kot i annan elektrisite ki pe ganny regle, e Minis Lenerzi dan enn akoz napa elektrisite ki pe ganny regle.

So nou pour bezwen armoniz la akoz i pa pour fer sans, i pa pour fer sans e si i annan. Ozordi, Minis Joubert i responsab tou. Me si i annan en separasyon, portfolyo nou pour annan en problemm avek sa responsabilite, anba sa Lalwa regilasyon sirtou. Si zot konpran mwan? *Regulator sorry*.

Akoz anba sa *multisector regulator*, i osi *regulate* elektrisite. Kote sa manda Minis Lanvironnman li, dizon Lanvironnman i li tousel kote i pour ganny sa manda pour li regle elektrisite? Akoz sa manda i en lot dimoun demen bomaten si Lenerzi i sorti anba li.

So nou pour bezwen rod en fason. Apel li *utilities*, apel li *public*, mon pa tro, tro dakor ek *public*, me solman apel li *utilities* mon krwar ti pour en pli bon opsyon. Mersi.

MR DEPUTY SPEAKER

Mersi mon'n not lanmen Onorab. Onorab Georges.

HON BERNARD GEORGES

Mersi Mr Chair. Mr Chair mon konpran egzaktaman problemm ki devan nou. Me

mon krwar nou bezwen regard li enn apre lot. La nou pe *deal* avek en *Bill* ki annan pou fer avek lenerzi, e i toutafe apropiye ki Minis ki ansarz pour Lenerzi, ki *manage* sa.

Ler nou pou ariv taler lo *Bill*, ki fer en regilater *utilities*, a sa moman la - e mon konpletman aksepté ki kekfwa Minis Lanvironnman i pa meyer fason pour *define* Minis anba sa *Bill*. Me mon anvi ekout Minis.

Minis pa ankor anmenn sa *Bill* devan nou. I pour anmenn sa *Bill* devan nou taler, oubyen demen bomaten. E mon krwar ki dan sa dezyenm *Bill*, kekfwa definisyon Minis, ti ava pli apropiye poudir *Minister responsible for utilities*. Akoz i en *Utilities Regulatory Commission*.

Me i pa vedir ki akoz, taler nou riske fer enn vin *Minister responsible for Utilities*, ki nou bezwen dan sa enn osi al dan menm direksyon. Akoz la nou pe *deal* avek en sel *utility* ki lenerzi. Alor ki mon krwar ki *for the time being*, mon ti ava demann avek Onorab *Leader* Lopozisyon, ki ler nou ariv lo lot *Bill*, ki fer sa propozisyon e mon krwar ki son propozisyon pou pase lo sa dezyenm *Bill*.

But necessarily lo sa enn ki devan nou. Mersi.

MR DEPUTY SPEAKER

Mersi Onorab. Minister mon ti'n vwar ou lanmen anler?

MINISTER FLAVIEN JOUBERT

Mersi Mr Chair. Mon ti le zis sey kontribye dan sa deba zis pou dir ki mon krwar konfizyon i leve akoz ozordi nou annan en *Public Utilities Corporation* ki anba Minister Lanvironnman.

Me mon dakor ki sak sa bann eleman, sak sa bann eleman sak sa bann *utilities* i kapab anba en diferan Minister. Me apre ou kapab annan en Minis, ki'n ganny *designate* koman sa Minis ki *oversee public utilities*. Me solman i pa bezwen en *Minister for Utilities*, i kapab en Minister ki son rol, sa responsabilite i ganny donner avek li pour li *oversee public utilities*.

E mon krwar i annan fason ki en *wording* i kapab ganny mete. Akoz tou fason tou sa bann *utilities*, ki pour ganny regle, zot pour raport avek sa Komisyon ki *regulate utilities anywhere*.

Ou kapab annan en Minis separe, ki *oversee public utilities*. E sakenn lenerzi, i annan pour li. *Sewage* ek *water* i kapab annan pour li. Me selman apre zot raport ek sa enn ki *oversee public*

utilities. So i annan fason pou kapab met sa an plas. Mersi.

MR DEPUTY SPEAKER

Mersi. Onorab Pillay?

HON SEBASTIEN PILLAY

Mersi Mr Speaker. Mon pe al fer ou louvraz fasil. Mon'n fer en propozisyon, i paret poudir mon pe ganny tou largiman akoz i kont. Gouvernman pe rod tou leskiz pour zot fer li, dan sa fason ki zot le fer li.

So Mr Speaker avek tou respe, mon a retir mon propozisyon *and* nou *move on* nou kit keksoz parey i ete. E avek lentere, ki ava marse. Me demen, demen selman pa vin dir nou poudir ler i annan bann deba nou pa'n kontribye.

Nou nou'n vwar en defayans, nou'n vin an bonn fwa nou'n met en keksoz devan. Me nou pe ganny tou leskiz *to push back* akoz i pa kapab vini. Akoz propozisyon i sorti kot nou, so ki mon kapab fer Mr Speaker, pour fer ou lavi fasil. Parey ou'n dir, ou pa'n ganny en propozisyon lamannman, *we move on*. Mersi Mr Chairman.

Ok mersi Onorab. Donk *Minister*.

MINISTER FLAVIEN JOUBERT

Mersi Mr Speaker. Mr Speaker mon krwar Onorab i pa'n kopi mwan. Mon pa'n rezet son

propozisyon ditou. Son propozisyon parey *Leader Business* Gouvernman in fer sorti, Minis i reste koman Minis pour Lenerzi anba sa Lalwa. Letan sa lot Lalwa i vini, nou rod en fason pour nou *frame* li koman Minis ki *oversee* litilite piblik se tou. Mersi.

MR DEPUTY SPEAKER

Mersi. Onorab Hoareau nou pour pas laparol avek ou.

HON JOHN HOAREAU

Mersi Mr Chair. Mr Chair nou'n ganny en konprenezon ki, "*power purchase agreement*" nou pour *deal* avek dan *break*.

So nou ava al lo "*procuring entity*", *means the person or authority responsible for the tender procedure*", so nou'n tir sa mo "*which shall be*" *before the word*, "*responsible*".

Nou al aprezan lo paz 9, lo definisyon "*supplier*", *means a person who performs supply of electricity*". So i annan en *query* la ki *LGB* in met devan. Mon ava les li koz lo la enn pti kou.

MR DEPUTY SPEAKER

Mersi. Onorab Georges.

HON BERNARD GEORGES

Mersi Mr Chair. Mr Chair mon ti pe zis *query* eski napa en meyer fason poudir, “*a person who performs supply of*” e mon ti pe propoze akoz nou pa zis dir “*supplies*” - “*supplies, means a person who supply electricity*”. *Instead of “performs the supply of electricity”.*

Se sa mon propozisyon.
Mersi.

MR DEPUTY SPEAKER

Mersi. *Panel* i annan okenn komanter lo sa definisyon or sa propozisyon definisyon?

MINISTER FLAVIEN JOUBERT

Mr Chair mon krwar nou pe ganny de diferan propozisyon. Me selman mon krwar nou lo, -nou konpran ki lentansyon. Me selman i en kestyon langaz. Solman mon pour swiv sa ki donn nou pli meyer fason dir mon pour *ok* avek mwan.
Mersi.

MR DEPUTY SPEAKER

Mersi. Onorab Hoareau savedir...?

HON JOHN HOAREAU

So nou ava *go with the word “supplies”.*

MR DEPUTY SPEAKER

Ok. Kontinyen.

HON JOHN HOAREAU

Nou al lo “*transmission, means conveying of electricity*”. So nou'n azout “*ing*” avek sa mo “*convey*”, pour fer li vin “*conveying*” of *electricity*. Apre “*at high voltages, and the grids that interconnects*, nou'n tir sa “*s*” avek.

Anba “*transmission operator*”.

MR DEPUTY SPEAKER

Mr Imaduwa i le entervenir la.

PS TONY IMADUWA

Eskize Chair. Mon anvi *go back* lo sa *supply*, akoz i pa pe al asiz byen ek mwan ler ou'n dir *supplies of electricity*.

Akoz pour mwan *supply* i aktivite, so i perform sa aktivite of *supply* elektrisite. Akoz demen si nou sanz sa, lo kote pour *supplies electricity then you go back to “generator”*, kot nou bezwen sanz “*a person who performs generation then* nou sanz nou dir “*a person who generates electricity*”.

Ou ganny en konpran? *So we'll have to go all the way back*, non be selman i akoz, aktivite i *generation*, distribisyon avek *supply* konmsi i en aktivite, pour sanz li dan son *term* pour fer li vin en *verb*, pour dir *you supplies the electricity*. Mon pa pe soz, . Mon pa - *Maybe* Onorab i kapab ...

MR DEPUTY SPEAKER

Onorab Georges i le klarifye.

HON BERNARD GEORGES

Yes mersi Mr Chair. Mon anefe se en refleksyon ki mon osi mon'n fer, avan ki mon'n fer sa propozisyon. E i annan en diferan, i annan en diferan. Mon konpran. Mwan mon napa okenn problemm avek *"performs supply of electricity"*. I zis ki *it doesn't ring well*. Ou pa *perform en supply*. Me ou *perform en generation*, akoz i annan serten keksoz ki ou kapab *perform*. *And to generate is a performance, but to supply is not*.

E se sa ki - si nou ti annan en lot mo ki ti ava kapab, oubyen en lot fraz, ki ti ava kapab *convey* menm lide, mon ti pour napa okenn problemm avek. I zis ki *performs supply*, i *doesn't sit well* avek mwan. *Who - mon pa kapab on the spell of the moment*, mazin en lot mo, sansan mon ti ava propoze.

Mon konpran osi ki *"supplier means a person who supply electricity"*, *why bother with the definition*. Akoz i pe - i *total or just* i pe dir ou sa ki i fer *in any event*. So mon war sa *dichotomy*. Mon napa okenn lisyen dan sa lager. Si nou anvri reste avek *"perform supply of"*, *I know what it means*.

E mon krwar ki okenn Ziz, ki pour pe enterpret sa i ava konnen ki nou pe *mean*. Me i zis ki mon pa vwar li koman, meyer fason pou dir sa an Angle. Mersi.

MR DEPUTY SPEAKER

Mersi Onorab. Mr Imaduwa.

PS TONY IMADUWA

Thank you Chair and thank you LGB. Mon pour *still stick* avek sa *"supply"*, akoz an plis tou anba *electricity related activity*, i ganny *define as "generation, transmission, distribution or supply of electricity"*. So to *perform supply* aktyelman ou pe dir ou pe perform sa *electricity related activity, in a way* dan sa konteks.

So I would stick "with performing the supply of electricity." Basically, *you're executing the activity*. Put it *that way* parey Minis in dir. Mersi.

MR DEPUTY SPEAKER

Savedir zis pour nou ganny li byen, ki definisyon ki nou pe al avek prezan la? *"Supplier, means ...?"*

PS TONY IMADUWA

"A person who performs supply of electricity".

MR DEPUTY SPEAKER

I reste? *Ok*. Onorab Hoareau mon krwar ou ti lo dernyen definisyon.

HON JOHN HOAREAU

Yes lo “transmission operator” means a person who performs transmission of electricity. So nou'n met en “who” after the word “person”.

MR DEPUTY SPEAKER

Ok panel i ok avek sa. Mon krwar i tonm bon la. Pour nou pran en break. Nou pour bezwen koup break solman. Nou pa pour al 30minit. Mon krwar dan 15 minit tou dimoun i a kapab bwar enn pti pe. Ranpli zot tas dite lanmwaye.

Nou a retournen 4er 20. Nou a retourn 4er 20 me solman zis met zot pare. Si zot bezwen call zot madanm poudir komans kwi manze akoz i posib ki nou pour travay ziska apre 5er. Akoz mon vwar ankor en pe lamannman.

Donk wi apre bann msye osi tou. 4er 20 nou retournen. Mersi.

(BREAK)

MR DEPUTY SPEAKER

Welcome back tou dimoun. E nou pe proceed dan Committee Stage, lo Electricity Bill, 2022. E laparol i pour Vis-Chair Bills Committee Onorab Hoareau, nou'n ariv Part II.

HON JOHN HOAREAU

Ok, nou pour retourn enn pti pe aryer Mr Chair lo bann definisyon. Akoz ti annan en lenpas ki nou ti'n bezwen tonm agree, an agreman lo en definisyon.

MR DEPUTY SPEAKER

Wi zis remind nou ti lekel sa.

HON JOHN HOAREAU

Ok i annan “power purchase agreement” ki pour lir koumsa;- “power purchase agreement” means an agreement between a generation licensee and a network operator for sale of the electricity” apre i kontinyen. Ok? Right?

MR DEPUTY SPEAKER

Wi.

HON JOHN HOAREAU

Prezan nou pour define network operator, i pour antre, zis anba paragraph anba “net metering”

MR DEPUTY SPEAKER

Wi.

HON JOHN HOAREAU

So i pour lir koumsa, “network operator means either a transmission and slash (-) or distribution licensee”.

MR DEPUTY SPEAKER

Ok. Onorab Andre ou le entervenir la?

HON CLIFFORD ANDRE

Wi mon santi kekfwa. Mon krwar letan nou pe fer sa definisyon annou pa met “either” avan. Akoz letan nou pe dir “and or” swa nou tir “either” annou met- Onorab Hoareau kekfwa ou kapab lir, *removal of, delete* sa “either. Zis annou get enn pti kou ki manner i ale silvouple. Mersi.

HON JOHN HOAREAU

Ok i pour lir koumsa. “*Network operator means a transmission and slash (-) “or” distribution licensee*”. Means “*a transmission and or distribution licensee*”.

MR DEPUTY SPEAKER

Mersi Onorab Georges ou le entervenir la.

HON BERNARD GEORGES

Yes, Mr Chair. Mon dakor avek sa de lamannman me lo sa dezyenm, e mon konnen ki bann *legal draftspersons* ki isi poudir nou. Ou pa kapab annan *and slash(-) or. You have to come off the fence*. E mon krwar dan sa konteks *or means so and so or so and so and that or would mean “and or.”*

MR DEPUTY SPEAKER

Savedir Onorab Hoareau in sezi.

HON JOHN HOAREAU

Ok Onorab Georges pe dir nou pour tir sa *and sa slash (-)*. So i pour lir koumsa, “*network operator means a transmission or distribution licensee*”. Be selman si i aprezan *mean both transmission and distribution*, i pour *encompass* sa dan - Ok dan term legal i pour *encompass* sa.

MR DEPUTY SPEAKER

Mon prezimen poudir sa i en zafer, ki in diskit avek *panel* pandan *break*. E nou pa pe konsider li koman- Lefet ki i dan definisyon i pa en *major amendments* ki nou bezwen pran vot lo la, nou kapab agree?

Is that what mon pe santi from Lasanble? Ok very good. Nou ava kontinyen savedir, nou al lo part II prezan.

HON JOHN HOAREAU

Ok ankor nou lo paz 9. *Clause (3)1(a)* i pour lir koumsa “*Comply with the requirements of this Act*” not “*this section*”, “*this Act*” and those, apre nou tir “*that maybe and those prescribed by regulations*”. Ok?

“(b)” pour lir koumsa “*include a plan*” not “*a planning*”, “*include a plan for*

normal, optimistic, and pessimistic scenarios”.

Nou al lo paz 10(c) *subclause (c) i lir koumsa, “have a ten year planning horizon, or any other different horizon”, nou'n retir “that may be” kontinyen, “required by regulations or by the Minister and” apre i kontinyen.*

Nou al lo *clause 2 - subclause 3(2) sorry. So li i pour lir koumsa, “The content of the Integrated Electricity Plan may be prescribed by regulations but shall be required to include” so nou pe tir “at least” a lafen nou pe include “be required to” after the word “shall”.*

Nou kontinyen lo paz 11. So nou lo 3(4). *“The Integrated Electricity Plan shall be reviewed every three years”, nou'n retir, “two years”, nou'n met li “three years”, “unless a different term is required by regulations, or the Minister adopted pursuant to subsection (3).”*

So nou tir sa 2an pou fer li 3an, pour la senp rezon ki nou krwar poudir 2an, i tro pti git letan pour fer sa bann plan koumsa. E i pa donn ase sa *breathing space* pour enplimant, pour enplimantasyon.

So se sa rezon ki nou'n met li 3an. Mon vwar LGB in met en *comment* la. Eski i ou

annan en *comment* LGB pour fer lo la?

MR DEPUTY SPEAKER

Proceed Onorab.

HON BERNARD GEORGES

Mersi Mr Chair. Mr Chair mon pa konpran sa trwazyenm laliny, akoz i la. *“Adopted pursuant to subsection (3)”. Subsection 3, i koz lo ki sa ki devret dan *interpreted Electricity Plan*. Ek subsection 4 subclause 4 eskiz mwan i dir “i pour ganny reviewed every three years unless en diferan letan i ganny regulate, oubyen i ganny propoze par Minis”.*

I don’t see the need to have “adopted pursuant to subsection (3).

Akoz i swiv ki si i pe ganny reviewed, in bezwen ganny adopted. Unless ki, sa ki sa i le dir se, *“The Integrated Electricity Plan pursuant to subsection (3) shall be reviewed.” Unless ki se sa ki i anv i dir. But it follows ki i pour en *Electricity Plan* anba subclause 3 akoz subclause 3 i dir ou kisisa ki sa *Electricity Plan* pour annan.*

E se pour sa rezon mon ti pe poz sa keston. Mon pa pe propoz en amannman, mon ti pe zis rod en klarifikasyon. Mersi.

MR DEPUTY SPEAKER

En klarifikasyon savedir eski *panel* i kapab eksplik rezondet “*adopted pursuant to subsection (3)?*”. Ou santi i *redundant* sa ...

MINISTER FLAVIEN JOUBERT

Mr Chair mon krwar nou kapab aksepte sa *deletion*. Akoz i pa azout en gran keksoz, sa detrwa mo ki la. Mersi.

MR DEPUTY SPEAKER
Ok.

HON JOHN HOAREAU

Ok *we delete “adopted pursuant to subsection (3)”*. Prezan nou pou al lo *4 clause 4(2)(c)*. Ankor i annan enn pti problem *language* la. I lir koumsa, “*required the distribution licensee*”. Mon a lir son *chapeau* avan;

“*The Minister shall, after consulting with the Commission, in respect of the Integrated Electricity Plan submitted require the distribution licensees and authorisation holders for distribution of electricity to include additional analysis, information, projections or to make any kind of modifications*”.

So nou pe, nou ti anvi eklersi petet mon krwar *LGB* ti anvi eklersi sa “*any kind of modification*” i *apply, for what*.

MR DEPUTY SPEAKER

Onorab Georges ou le azout en keksoz lo la?

HON BERNARD GEORGES

Wi *yes* Mr Chair mon ti pe ...

MINISTER FLAVIEN JOUBERT

Thank you, Mr...

HON BERNARD GEORGES

Komanter ki mon. *Sorry* eskiz mwan.

MINISTER FLAVIEN JOUBERT

Sorry mon ti devret lev...

MR DEPUTY SPEAKER

I ti le eksplik son komanter avan, apre Minis ou ava reponn enn sel. *Is that, ok?*

HON BERNARD GEORGES

Thank you. Any kind of modification i terribleman larz, *it allows anything*. E mon krwar ki en *Act* i bezwen bokou pli *tight*. Si mon konpran ki Minis apre ki in konsilte Komisyon, ler i pe regard en plan i kapab swa aprouv sa plan anba (a), aprouv li avek serten modifikasyon anba (b), oubyen *require* okenn lezot lenformasyon pour ganny azoute dan sa plan, nou napa okenn problem avek sa. I kler.

Me i mon krwar ki, sa ki sa i anvi, se ki Minis i kapab osi demann lezot kalite modifikasyon - pa zis *analysis information projection* pour ganny fer. E sa osi nou konpran. Me nou bezwen rod en langaz ki pa pour les osi larz ki *any kind of modifications*.

Mon ti a propoze si mon rezonnman i bon, ki nou sanz sa e nou dir, "*or to make modifications thereto*, oubyen keksoz koumsa, ki ava pli *tight*. Mersi.

MR DEPUTY SPEAKER

Thank you. Onorab Georges. Minister wants to add something on.

MINISTER FLAVIEN JOUBERT

Thank you Chair. Modifikasyon in ganny aksepte.

MR DEPUTY SPEAKER

Mersi. So nou *proceed* Onorab Hoareau.

HON JOHN HOAREAU

Nou al lo paz 12. *Subclause (4) "Compliance with the Integrated Electricity Plan approved by the Minister shall be mandatory for the Minister, the Commission, and for all"*.

So ankor mon krwar i annan en *repetition* la, sa bout *subsection (3)*. Onorab LGB i

kapab eksplik sa enn pti pe *please*.

MR DEPUTY SPEAKER

Please proceed.

HON BERNARD GEORGES

Mersi Mr Chair. Mr Chair si ou regard *subclause (3)* i dir, "Minis avek sa Komisyon i ava egzers zot fonksyon in *compliance* avek sa plan, ki Minis pour aprouve".

Aprè (4) i dir, "*compliance* avek sa plan ki Minis in aprouve i pour mandatwar, pour Minis, Komisyon pour lezot *licensees authorization holders*".

Me nou'n fini anba (3) Minis avek Komisyon in fini ganny *captured*. E la i retourn ankor. Mon ti ava propoze ki ankor enn fwa mon pa'n fer en propozisyon akoz mon pa konnen ki dan lespri bann *drafters* sa *Bill*.

Me si mon annan rezon, e ki sa i en repetisyon, nou kapab *deal* avek sa zis par tir sa morso an ble "*shall be*" - "*compliance shall be mandatory for licensees and authorisation holders performing activities*" eksetera, akoz nou'n fini fer li mandatwar anler avek sa mo "*shall*". Mersi.

MR DEPUTY SPEAKER

Mersi Onorab. Okenn sizesyon, komanter lo la? *Minister*.

MINISTER FLAVIEN JOUBERT

Thank you, Mr Chair. Nou bann Avoka i dir nou i ok pour delete sa morso.

MR DEPUTY SPEAKER

Mersi. Onorab Hoareau nou kontinyen. *Hang on.* Onorab Georges.

HON BERNARD GEORGES

Yes, mersi Mr Chair zis pour *legal officer* ki pe fer koreksyon. Mon krwar zot in konpran mon propozisyon se ki nou delete, “the Minister” comma “the Commission” comma “and” se sa bann mo ki nou delete. Mersi.

MR DEPUTY SPEAKER

Mersi Onorab. Onorab Hoareau.

HON JOHN HOAREAU

Ok nou pou al aprezan lo paz 13. Lo *Clause 5(1)*. “The activities that may be performed in” so nou'n include sa mo “the activities that may be performed in” nou'n retir sa mo “in” e kontinyen “the electricity sector pursuant to this Act are generation, transmission, distribution, supply and sale of electricity”. Prezan i fini la. Ok.

Nou al lo 6(3). 6(3) i annan sa mo “their” ki'n ganny servi, ki i lir koumsa, “A

distribution operator may supply electricity to the consumers located within its area of distribution in accordance with the terms and conditions specified in their licence”.

So sa mo “their” i annan en query lo la.

MR DEPUTY SPEAKER

Mon krwar Mr Imaduwa i annan en komanter. *Is it on 5(1)?*

PS TONY IMADUWA

Yes Chair.

MR DEPUTY SPEAKER

Proceed.

PS TONY IMADUWA

Zis mon le konnen en pe rezondet akoz zot in sanz li “to that may be performed?”. Akoz klerman i zis 4 aktivite dan sekter elektrisite ki pour annan. Se zenerasyon, transmisyon, distribisyon avek supply. So-

MR DEPUTY SPEAKER

I le en klarifikasyon lo lutilizasyon “that may be”.

MR DEPUTY SPEAKER

Onorab Hoareau ou konnen akoz zot in servi sa, “that may be” dan 5(1). Onorab Andre i le dir en keksoz.

HON CLIFFORD ANDRE

Bon avek lentansyon pour sey asiste. Mon mazine letan *Bills Committee* ti pe vwar sa. Nou, lenterpretasyon sete i annan posibilite dan lefitir, i kapab annan lezot aktivite.

Me si, *if it's only* sa kat ki zot dir, mon krwar nou kapab retourn parey i ti ete avan. *The activities performed, in the electricity sector pursuant to this Act*, oubyen menm pa *pursuant to this Act* parske i deza dan sa *Act*. "*The activities performed, in the electricity sector are generation*", ok.

Si sa i senpleman, be selman, nou letan nou ti pe gete, nou ti anba lenpresyon ki poudir pour lemoman i sa. Me selman i annan posibilite, ki i *open up into other possible activities*. Mersi.

MR DEPUTY SPEAKER

Mersi eski *panel* i in *agreement* avek sa? Ki a lavenir *the sector* i kapab *open up to other activities*? *Minister*?

MINISTER FLAVIEN JOUBERT

Mr Chair letan nou'n koz avek nou bann dimoun, i annan en santiman ki nou devret pe kit li son versyon parey i ti ganny propoze orizinalman.

E apre si i annan sanzman nou ava adapte sa *clause*, sa provizyon Lalwa pli tar. Akoz la pour lemoman se

tou ki nou krwar i kapab, i merit pe ganny kontrole, ouswa regle, par sa Lalwa. Mersi.

MR DEPUTY SPEAKER

So propozisyon *panel* se pour kit li *to the original form*. Onorab Georges?

HON BERNARD GEORGES

Mr Chair mon pa responsab pour sa propozisyon lamannman, me mon vwar son merit. E mon konpran sa ki Minis pe dir. Me mon pa krwar ki avek respe pour bann ki'n koze, ki sete sa lentansyon deryer sa lamannman ki'n ganny fer par *Bills Committee*, mon sipoze - ouswa *the legal officer*, mon pa konnen.

Me si nou regard son versyon orizinal, *it reads as follows*, "*The activities in the electricity sector are generation, transmission, distribution, supply and sale of electricity, that a person may perform pursuant to this Act*". I en pe lour. E mon mazine ki sa ki'n propoz sa lamannman, in fer li vin bokou pli, in fer li vin pozitiv.

"*The activities that may be performed*". Mon pa krwar "*that may be performed*" i neserman akoz sa i "*may*" la i en "*shall*." I dir bann aktivite ki kapab ganny perform anba sa sekter "*are generation, transmission, distribution,*

supply and sale of electricity.” It reads more positively, than the previous draft.

Mwan mon vwar li koumsa. Mon pa vwar ki i sanz nanryen. Mon pa vwar ki i les laport ouver neserman pour en lentrodiksyon en lot aktivite dan le fitir. Mon pa krwar, ki sete sa lentansyon. Mon krwar ki i senpleman en kestyon langaz.

Turn en - pa en negativ - en passive into an active. Mon krwar se sa sanzman. *E speaking purely personally, e mon ava defer to panel aköz mon pa en legal drafts person.* Mon krwar ki i pa sanz son meaning, me i lir pli byen. Mersi.

MR DEPUTY SPEAKER

Mersi Onorab. *Panel zot oule react, lo sa- Minister?*

MINISTER FLAVIEN JOUBERT

Thank you, Mr Chair, nou'n konsilte. Me mon pe get bann komanter ki mon pe gannyen, se son versyon orizinal aparaman, i fer sans legalman. E sa ki nou legal drafts person i dir nou. E nou pour propoze ki nou stick to sa versyon ki ti la orizinalman.

Me selman mon mazinen dan letan ki, apre sesyon ouswa petet apre nou reget ankor en kou pli dan detay si nou ganny lokazyon. Nou a

kapab retourn lo la ansanm avek LGB. Mon pa konnen si i annan letan pour nou vreman al dan detay sa enn seksyon. Mersi.

MR DEPUTY SPEAKER

So panel i of the opinion ki nou kit li dan son original form?

HON JOHN HOAREAU

Me selman nou a bezwen tir sa bout *“pursuant to this Act”*. Si zot dakor – en? *Ok?*

MR DEPUTY SPEAKER

Panel i ok.

MINISTER FLAVIEN JOUBERT

Wi Mr Chair nou dakor pour delete sa morso.

HON JOHN HOAREAU

So i pou lir koumsa, *“The activities in the electricity sector are generation, transmission, distribution, supply and sale of electricity that a person may perform”*.

MR DEPUTY SPEAKER

La aprezan ek sa *“may perform”* pour mwan i pa sound byen. Pour fini koumsa. Onorab Andre.

HON CLIFFORD ANDRE

Mwan mon a sizere ki nou dir, i lir koumsa, *“The activities in the electricity sector”*, sorry *“are generation, transmission,*

distribution, supply and sale of electricity". Akoz se sa ki i fer.

So menm dan son *original*, nou zis tir "*that a person may*" akoz it *doesn't, unless I stand corrected. Thank you.*

MR DEPUTY SPEAKER

Mersi. Onorab Georges?

HON BERNARD GEORGES

Mr Chair, napa okenn sanzman ant enn avek lot. Enn i *passive speech*, enn i *active speech*. Si nou regard byen "*may be*", in ganny entrodwir dan premye laliny i ti la dan dernyen laliny, "*may perform*".

"*Perform*" i la, dan premye laliny i ti la dan dernyen laliny. "*Pursuant to this Act*" i dan dezyenm laliny, i ti dan trwazyenm laliny. Tou sa ki'n ganny fer se menm parol, in ganny rearanze dan sa *clause*.

So annou pa retard nou lekor. *Both of them, are saying exactly the same thing.* Enn i dir li *passively* enn, i dir li *actively*. Alors si, malgre ki nou, nou Lezislater e malgre ki nou, nou kapab si nou vote, vot sa lamannman. Me parey nou koutim i ete si *panel*, i *happy* avek son draf e ki nou koman Lezislater nou pa vwar ki sa draf i sanz *meaning* sa *clause*, annou les li parey ti ete avan e *we move on*. Mersi.

MR DEPUTY SPEAKER

Mersi Onorab. *So Minister?*

MINISTER **FLAVIEN JOUBERT**

Mersi Mr Chair. Mr Chair letan mon pe get definisyon e apre mon get 5(1), zot tou lede zot reflekte menm keksoz. Definisyon i dir, "*electricity related activity*" means the *generation, transmission, distribution or supply.*" 5(1) i dir "*activities in the electricity sector are generation, transmission, distribution and supply*".

Petet i annan tro bokou, petet swa nou gard enn, swa nou gard lot e apre nou kontinyen. *Thank you.*

MR DEPUTY SPEAKER

Alor lekel fraz ki pe ganny aksepte? Onorab Hoareau?

HON JOHN HOAREAU

I pour depan lo *panel* kekfwaw ki zot, zot anvi aksepte.

MR DEPUTY SPEAKER

Minister proceed.

MINISTER **FLAVIEN JOUBERT**

Thank you, Mr Chair. Nou pour bezwen deside pour nou garde, e sa nou propozisyon se ki nou gard 5(1), parey ti ganny preskrir orizinalman. Me avek sa *deletion* a lafen. Si

i ok. Nou propoze ki nou proceed avek sa premye bout, sa 5(1) avek sa deletion ki konsern, *“that a person may perform pursuant to this Act”*.

MR DEPUTY SPEAKER

Savedir i reste parey, *full stop* i vin apre *“electricity”*.

HON JOHN HOAREAU

Yes, so i pour lir koumsa, *“The activities in the electricity sector are generation, transmission, distribution, supply and sale of electricity”*.

Apre 5(2) *“A person who intends”* i annan en *“s”* apre *“intend”* pou fer li vin *“intends”*. Apre 6(3) nou pe query about the *“their”* mon pe mazine si nou pour servi *“its licence”* rather than *“their licence”*. So LGB i kapab ...

MR DEPUTY SPEAKER

Sertenman LGB.

HON BERNARD GEORGES

Mersi Mr Chair. Mr Chair les mwan retourn lo 5(1). Akoz mon pa krwar ki nou'n konpran. Anfen mwan personelman mon pa'n konpran ki nou pe fer. E mon ti ava kontan propoze akoz mon vwar ki i pa lir byen.

Sa ki mon ti a kontan propoze mon krwar, si mon konpran byen se sa ki Minis ti pe sey dir, e *what it should read* is *“the activities in the*

electricity sector, that a person may perform pursuant to this Act are generation, transmission, distribution, supply and sale of electricity”. This reads a lot better ki okenn ant sa de. So mon propoz, sa versyon silvouple. Mersi.

MR DEPUTY SPEAKER

Nou'n sezi sa enn. E nou'n in agreement panel and the Assembly? Ok mon vwar i annan agreements. Savedir nou retourn lo 6(3). Onorab Hoareau *this is where we are, right?*

HON JOHN HOAREAU

Yes sa mo *“their”*, ki enn pti pe wordy la. So *“A distribution operator may supply electricity to the consumers located within its area of distribution in accordance with the terms and conditions specified in its licence”, rather than “their licence”*.

MR DEPUTY SPEAKER

Mersi panel is in agreement with it, we move on.

HON JOHN HOAREAU

5 subclause (5). *“If a decision of total or partial deregulation of the electricity sector is made pursuant to section 7, the local distribution operator shall continue to supply electricity to all consumers”*, so nou'n add *“to”* la.

Apré nou al lo 7. “Auto-generators may be allowed to sell electricity” not “to sale”. Nou al lo paz 14 7(3). “If a total deregulation of the electricity sector”. La in servi sa mo, “were determined”, LGB in suggest ki nou met “is determined”. Ok. Menm zafer avek “(4)” after the word “sector” is determined. E “(5)” osi after the word “deregulation” “is determined.” So tou le trwa i menm kalite koreksyon. Ok?

MR DEPUTY SPEAKER

Ou zis kontinyen, *unless* kot i annan obzeksyon ouswa *then* ou ganny enteronpe.

HON JOHN HOAREAU

Alright. Subclause (6) nou komans avek “A person may be permitted” nou'n tir sa mo “allowed” nou'n ranplas li par “permitted”, “to perform the activity of charging electric vehicles” not charging electricity to electric vehicles”, “provided that such activity is prescribed by regulation, in which case they” apre i kontinyen.

Nou al lo subclause (6)(b). So i lir koumsa, “will be treated as suppliers of electricity in what concerns their activity in the electric sector” so i annan en comment ki LGB in suggest to “in relations to.”

So LGB ou kapab eksplik sa enn pti pe?

MR DEPUTY SPEAKER

Please proceed.

HON BERNARD GEORGES

Mersi Mr Chair. Mr Chair, wi mon ti pe propoze ki “in what concerns” nou ti a kapab fer rephrase “will be treated as suppliers of electricity in relation to their activity” mon krwar i ava - *its title language then* “in what concerns” ki plito colloquial. Sa i mon propozisyon.

Me *while among the* lo sa subclause, etandonnen ki nou'n komans subclause 6 in the singular avek “a persons” fodre nou retir sa “s” avek persons, pou le moman.

“A person may be permitted” eksetera, eksetera, in which case at the end nou bezwen repet “the person” nou pa kapab retoun lo “they” la, aköz avan sa nou ti'n komans avek plural. La prezan nou bezwen sanze.

So, “a persons” mon ti a tir sa “s”. Dan trwazyenm instead of “they” mon ti ava sizere ki nou met “in which case “the person will be treated” etcetera. “In what concerns” mon ti ava sizere i vin “in relations to their activity” i ava bezwen vin “the person’s activity” osi. Donk

vwala mon sizesyon pou Lasanble. Mersi.

MR DEPUTY SPEAKER

Mersi, mon'n not lanmen Mr Imaduwa.

PS TONY IMADUWA

Thank you, Speaker. Mon le go back to sa 6. Mon krwar by fer sa koreksyon ki zot in fer, in sanz meaning sa sentence. Mon krwar sa sentence pe re fer par mon krwar sa mo "charging is wrong".

Ki ti pe sey dir pou sa seksyon 6, se ki i pe allow dimoun demen pou al dan en aktivite of supplying elektrisite pou vann elektrisite, sa bann dimoun ki pe al charge zot elektrisite.

So, i pe fer provizyon pou dimoun set up en parey en charging stations. So, i en aktivite. So be ladan ki pe mete ki dir "a person may be permitted to perform a activity of charging electrical". Savedir ou pe dir en dimoun ki own electricity vehicle i vin charge.

Mon krwar ki pe sey dir ladan se ki i pe allow en dimoun pou "perform the aktivite of selling electricity to charge electric vehicle". Mon krwar koumsa ki i ti devret pe read.

So, section 6 (a) ki sa dimoun pou ganny trete prezan anba Sekter Elektrisite koman en dimoun ki pe carry

out en aktivite, related to elektrisite, se dan aktivite of supplying elektrisite.

So, this is what is basically dan section (6). So mon krwar nou aranz sa "a person may be allowed to perform the activity of selling electricity to charge electric vehicle, provided that such activity is prescribed by regulation" ou war? Zot sezi mwan?

MR DEPUTY SPEAKER

Lasanble i swiv? Onorab Andre.

HON CLIFFORD ANDRE

Annou pran sa reading at least pou nou SLO ganny li byen letan i pe track e pou fer met sa annord.

Mr Imaduwa avek ou permisyon Mr Chair, ou kapab re lir pou li repete pou nou kapab ganny li byen. Mersi.

MR DEPUTY SPEAKER

Ok.

PS TONY IMADUWA

Ok. Thank you Onorab, thank you Chair.

So, ou kapab met li "a person of course remove the "s" "may be allowed or permitted to perform the activity of retir "charging" ranplas li par "selling" – "electricity to charge electric vehicle, provided that

such activity is prescribed by regulation”.

So basically, i allow in fer provizyon pou en dimoun al dan sa laliny pou charge.

MR DEPUTY SPEAKER

Mersi Mr Imaduwa. Onorab Georges.

HON BERNARD GEORGES

Mersi Mr Chair. Mr Chair mon napa en problemm avek sa ki'n ganny propoze, mon konpran son lentansyon.

Me si mon pa tronpe, sa *allowed or permitted* mon krwar i annan de kategori keksoz. La mon'n perdi mon plas - mon krwar i annan 2 kategori la i la.

If I am not mistaken i annan licenced and authorized, swa ou annan en licence, swa annan en lotorizasyon.

So, maybe we should stick to “authorized”, instead of “allowed” or “permitted”. “Person should authorized to perform the activity of” - is it selling or supplying – “electricity to electric vehicles.”

Akoz mon pa war “selling” anywhere else in the supply, “of supplying electricity to charge electric vehicle.” Mon krwar this will read well.

Subject to bann amannman ki mon'n propoze

taler lo “they” to be replaced by “the persons”. Mersi.

MR DEPUTY SPEAKER

Mersi Onorab. Eski *panel is in agreement to sa sizesyon enkli bann sizesyon ki'n ganny lir taler pli boner?*

PS TONY IMADUWA

Yes, we agree.

MR DEPUTY SPEAKER

Tre byen. Savedir Onorab Hoareau *you are free to proceed.*

HON JOHN HOAREAU

Ok, sub clause 8(2) “in addition to generators any other persons who distributes or supplies electricity may be allowed to generate electricity, provided that such person obtains a licence that allows the person” nou pe retir “him or her” aköz nou pa war li pe ganny servi elsewhere.

So, “allows the persons to carry out the activity of power generations”. Ok?

Apres nou al dan 3(b) i dir “is allow to sell electricity generated on nou'n tir “in” nou'n met on its own premises. Pursuant to a “Net Metering, Net Billing” so, nou pa war sa mo ganny dan son definisyon ganny capitalized net.

So, nou pe demande ki nou tir sa capital letter Net Metering avek Net Billing. Or

other distributed generation or the son definisyon, nou met li koman en capital si zot le.

Ki fason ki zot anvi? *Remove capital? Ok. Nou kontinyen lo 9(1) paz 16. "The Commission may not, sa "may" i vin en "shall" la. So, why not use the word "shall not", ok. 9(1)(b) dernyen laliny i lir koumsa;- "requirements establish for the feed-in-tariff "not of the feeding tariff" ok?*

Nou al lo 9(3)(a) *"the institution or authority acting as the procuring entity". So nou tir "which shall". The institution or Authority dan (b), the institution or authority, nou tir ankor "which" nou met "that shall prepare".*

Dan 9(5), *sorry 9(4) after the word "such" dan third line of a paragraph, so, "capacities provided that such a scheme complies" ok.*

5, *Commission, "the Commission may approve a feed-in-tariff" nou tir sa dezyenm tariff ki'n ganny mete la. I annan en reputation. Apre at the end of the paragraph etc. nou tire. Akoz i pa sipoze ganny mete dan draft as a drafting technique.*

MR DEPUTY SPEAKER

Savedir i vin en *full stop* apre *capacity*?

HON JOHN HOAREAU

Yes.

MR DEPUTY SPEAKER

Onorab Georges?

HON BERNARD GEORGES

Mersi Mr Chair. I pa pou kapab, si nou met en *full stop*, nou pou bezwen met en *contraction* ant "*electricity*" avek "*install*" *instead of a comma*. Me eski i annan lezot keksoz? Mon pa'n propoz en amannman, akoz mon ti konnen ki sa ki vin dan lespri sa bann *drafters*, ki sa *etcetera* i kapab **comport - comprise*.

Kekfwa si nou konnen nou kapab zis azout zot, oubyen si napa nou zis met en "*and*" ant *electricity* ek "*install*" epi *full stop* (.).

MR DEPUTY SPEAKER

Panel i le dir-? *Minister*?

MINISTER FLAVIEN JOUBERT

Ok. Thank you, Mr Chair. Propozisyon se ki sa dernyen laliny kot i dir "for the generation of the electricity" nou met "and" installed capacity full stop(.) Thank you.

HON JOHN HOAREAU

Nou kontinyen avek *subclause*, avek *clause 11(1)*. Nou'n komans *not a person*, "*Any person who intends to perform electricity transmission*" nou'n retir "*of electricity*" – "*shall apply for*

and obtain a licence in accordance with the provisions of this Act.”

So, nou tir “requirements” avek sa, ok?

Apré 11(2) “A person who intends to apply for a licence, that allows such a person to perform transmission” apri i annan enn de pti commas ki nou pa pou al lo la.

Nou ava al lo paz 18, 18(4)(f) sorry (4)(e) avan i annan en “s” lo dezyenm laliny dan sa paragraf *after the word “law”* pou fer li vin “laws”.

E (f) osi menm parey *after “written laws”*, dan premye laliny. Nou al lo (f)(1) “environmental legislation, including the preparation of environmental impact studies apri la nou war *if it corresponds*” so, i pa definite la *if it corresponds*. So i en pti pe colloquial la. So,

MR DEPUTY SPEAKER

Ou le en query from panel?

MINISTER FLAVIEN JOUBERT

Mr Chair sa *deletion* ki’n ganny propoze in ganny aksepte. Thank you.

HON JOHN HOAREAU

Ok, so we delete “if it corresponds”. Dan Part II, semi column *after - yeah*.

Part II “Acts and regulations governing” nou’n tir sa mo “ruling”.

(g) “operate, maintain, develop and as necessary, upgrade and expand its system” so, la nou pe met li “their system” akòz i personal, personalize li. “their system with an “s” as well. Ok,

(h) “promote the safe, secure, reliable and efficient operation of their transmission” not the transmission.” Systems with an “s” apri nou al lo (i) “manage electricity flows on the grid systems” with an “s” “in order to optimize system utilization and minimize” nou’n tir reduce, “minimize” power losses.

Nou al lo (c) lo paz 19, subclause (c) sorry avan sa nou al lo (b) so it’s (5)(b), yes. “provide new or upgraded connections, whether consumption or load, to the grid provided” nou tir “always” “provided that such connection does not”-

Apré nou al lo (c) (5)(c) “plan and develop their own grids”.

Nou al lo (5)(d)(2) “Acts and regulations” again nou’n tir sa mo “ruling”, Nou’n met “governing”

Apré nou al lo (e) “determine in conjunction with the Commission, the safety and technical capability of

their” nou’n tir “*its*” - “*their electrical grids*”.

Lo paz 20 nou kontinyen avek (i) subclause (i) “*the measures adopted to further increase the safety and technical capability of their electrical grids*” nou’n tir “*its*”

Aprè dan (2) nou’n include en “s” avek *systems* dan dezyenm laliny. Aprè zis avan sa “*constraint*” i mank en “t”, nou met en “t” dan mo “*constraints*”.

Nou al lo (12)(2) - (12)(1) sorry “*a person who intends* en “s” zis avan sa mon krwar i annan sa mo “*constraint*” ankor dan (6)(b) ki nou’n met en “t” avek ki en “t” ti’n manke. Non mon ti’n dir pli o, la osi i annan.

Nou al lo (12)(2) “*The Distribution*” nou’n tir *capital* “D” nou’n met *small* “d”.

(12)(2)(a) “*allow access and use of the capacity*” not “*to the capacity*” - *to the capacity*”. So, nou’n tir “*to*” nou’n met “*of*”

Dan (b) i annan “s” avek ki’n ganny azoute avek “*systems*” dan premye laliny.

Dan (d) “s” avek “*laws*”, dan dezyenm laliny.

Dan (f) “*operate maintain develop and as necessary, upgrade and expand their systems.*” So, “s” ek *systems* aprè nou’n met “*their*”.

Dan (g) ankor “*their transmission*” dan dezyenm

laliny avek “s” avek “*systems*”, so “*their transmission systems*”.

(h) i lir koumsa, “*manage electricity flows on the grid system in order to*”

(3)(a) *optimize, boost and expand their distribution systems*” - “s” ankor avek *systems*.

(c) (3)(c) so, dezyenm laliny “*grid provide “always” in ganny tire. So, “grid provided that such connections does not”*-

Nou al lo paz (22)(d) so, i tonm (3)(d) “*plan and develop* nou tir “*its*” nou met “*their own grids*” - *plural grids*”.

Dan (f) pli ba “*determine in conjunction with the Commission, the safety and technical capability of their electrical grids*” - so nou tir “*its*” nou met “*their*”.

(g) “*inform the Minister and the Commission and make publicly available a written report by 31st January*” ti 01st January ki ti en zour lannen, me selman nou’n met li 31st January, pou donn li *at least* en mwan dan premye lannen.

So, nou kontinyen avek (g)(1) “*the measures adopted to further increase the safety and technical capability of their electrical grids*” nou’n tir “*its*” ankor.

E dan 2 nou add “s” avek *systems* e “t” osi dan sa mo “*constraint*”.

Nou al lo paz 23 (4) *subclause (4)* nou'n tir "in every year" i met "a" *distribution operator* nou'n tir "operators" "a *distribution operator shall provide*" eksetera, eksetera.

Dernyen laliny, ok mon ava re lir li antye "a *distribution operator shall provide and make publicly available to all person performing activities in the electricity sector, persons interested in performing activities in the electricity sector, the Minister, the Commission, consumers and any interested persons on an annual basis, information related to* _"

So, (a) nou'n tir *information related to* akoz in deza mete dan son *chapeau*.

So, (b) nou'n add "t" ek *constraints*, apre "s" ek *systems*. (c) nou'n re tir "information related to" e nou'n add "from" after the word *procure*.

Nou al (13) "The *distribution licensee shall supply electricity to all consumers located within its area of distribution and may have exclusivity to perform such activity until a total or partial deregulation of the electricity sector, pursuant to section 7*". So, nou'n met sa *pursuant to section 7* la "is

determined" apre nou'n retir li a lafen.

(13)(2) *if a decision for total* nou'n tir "of".

E (13)(3)(a) "not have *exclusivity rights to supply electricity to all the consumers located within its area of distribution, but may maintain exclusivity rights*" - the word "right" "to supply to some consumers"

Nou al lo (13)(5) lo paz 24, after the word "with" trwazyenm laliny nou'n add the word "licenced".

(6) *subclause (6)* after section 7 dan third line of the *paragraph* nou'n add "and".

Subsection (7) so, i vin (4)(7) so, la i annan en *query* par LGB. LGB ou kapab eksplik sa *query* en pti kou silvouple?

MR DEPUTY SPEAKER

Please, proceed.

HON BERNARD GEORGES

Mersi Mr Chair. Mr Chair mon ti pe propoze ki sa mo "in what concerns" sa fraz "in what concerns their activity in the electric sector" i ganny re fraze e mon pe propoz "in their field of activity in the electricity sector"

Mon krwar i ava "its" mon krwar better legal language rather than what concerns their activity. Mersi

MR DEPUTY SPEAKER

Mersi. *Panel* i oule reakte lo la? *Ok, proposal accepted.* Onorab Hoareau.

HON JOHN HOAREAU

Ok, lo paz 24 nou kontinyen (14)(1) la nou'n re fraz sa full paragraph, so "Any person, interested in obtaining a licence that allows the person to transmit, distribute and supply electricity, other than the existing persons carrying on electricity related activity, shall not be allowed to apply for, or obtain a licence or perform such activities unless the person has first complied with the procurement requirements"

Prezan (14)(2) i lir koumsa *"The procurement requirements applicable to transmission, distribution and supply shall be prescribed by regulations or by the Minister"*. So, *it's a repetition sa mon krwar.*

So, regulations i already a regulation ki ganny fer par the Minister. So, mon krwar ti devret aret after the word "regulation."

MR DEPUTY SPEAKER

Mon war Onorab Georges i oule dir en keksoz.

HON BERNARD GEORGES

Yes, Mr Chair. Annefe se mwan ki ti'n lev sa kestyon, e

mon kestyon se how else will the Minister do it by regulations. Me si nou retourn en pti pe an aryer, nou vwar dan enn de landrwa zot in dir ki, the Minister i kapab donn fer regulations or give other directions, si mon pa tronpe.

E mon krwar if that's the case, that's probably why sa i la. E mon pe zwe en pti pe Avoka du diable la, aköz si i vre e I can't put my finger on it me mon sir ki taler nou'n regarde.

Nou'n vwar by regulations or by the Minister or something like that, for consistency nou ti ava bezwen gard li.

Me otherwise, mon pa vwar si napa en posibilite pou Minis donn okenn direktiv lo procurement requirements. Otherwise by regulations e mon pa vwar ki mannyer i pou fer li otherwise by regulations, aköz these are procurement requirements ki pou bezwen ganny idantifye dan en form legal e vin to the public knowledge.

Kekfwa "or by the Minister" i an tro e nou kapab aret li zis apre "regulations". May I be guided by the sponsors of the Bill? Mersi.

MR DEPUTY SEPAKER

Panel?

MINISTER FLAVIEN JOUBERT

Thank you, Mr Chair. Nou omit sa bout ki dir “by the Minister” nou kit li by “regulations”. Nou met “regulations full stop nou koup or by the Minister”.

MR DEPUTY SPEAKER

Mon'n vwar zis 2 landrwa.

PS TONY IMADUWA

Yes. All kot i kouver “regulation or by Minister” nou tir tou sa bout “by Minister”.

MR DEPUTY SPEAKER

Mon war zis dan *clause 7, (7)(2)* apre *(7)(6)* “*by regulations*” avan sa lo paz 24. *Proceed.*

HON SEBASTIEN PILLAY

Eski lentansyon par egzant pou en antite ki gouvènmantal, ki annan en Lalwa, nou bezwen fer li par regilasyon, me pou bann lezot antite ki pa gouvènmantal ki ou napa en Lalwa ou bezwen fer li *by directive*?

Or eski ou pe koz regilasyon *for the whole sector*? Par egzant pou PUC ou bezwen fer par regilasyon, akòz i annan en Lalwa. Se sa ki Onorab Georges ti pe demann zot pou klarifye.

Si ou pe *mean* regilasyon *proper then* pou tou nou pou annan regilasyon, *both* sa ki

Gouvènmantal ek sa ki *private*. Ou pe konpran mwan? Ou sezi mwan ou?

Ok PUC i pou Gouvènmant ok, PUC i pou Gouvènmant. Apard PUC ou kapab annan lezot antite, eski ou pe dir nou ki Minis ki pou preskri regilasyon pou fer *procurement* an relasyon avek sa ki nou pe koz lo la, la?

Is that what you are telling me, even if I am a private company?

PS TONY IMADUWA

Mon krwar dan sa konteks la i pe koz lo *procurement of* sa aktivite e nou pe fer li *according to* en regilasyon, e regilasyon *obviously* Minis ki devlope *in a way*.

HON SEBASTIEN PILLAY

Prezan ki mwan mon ti pe demann ou, *whether it's private or governmental?* Zot tou zot pou bezwen *go to according to* regilasyon.

Akoz “*a person*” can *mean a private entity or en governmental entity*.

MR DEPUTY SPEAKER

Si i dan konteks i annan en standar nasyonal, *this is why it needs to go by regulations*. *Right?* Wi. Mon ti'n war Minis son lanmen ti anler.

MINISTER FLAVIEN JOUBERT

Thank you, Mr Chair. Mon krwar i mon ti pe al koz dan menm direksyon ek sa ki nou pe koze, ki anba (i) function of Minister se ki Minister i kapab fer regilasyon ki kouber bann diferan keksoz ki annan pou fer avek servis elektrisite.

E i pou met bann standar ki bann operater dan sa sekter pou bezwen aplike letan zot fer procurement, e pou donn sans pou ganny en balans ant zot privez ki zot annan ek lezot ki pe antre swa ki pou servi ou servis.

Alor i plito parey en requirement ki tou dimoun i bezwen swiv, menm si ou en prive. Me selman i bann minimum ki ou bezwen swiv pou satisfere bezwen konsonmater dan sa sekter. Se sa mon enterpretasyon Mr Speaker. Thank you.

MR DEPUTY SPEAKER

I kler? Ok. Onorab Hoareau. Savedir lo (14)(2) nou.

HON JOHN HOAREAU

Nou pe tir “or by the Minister” nou met full stop after “regulations.”

MR DEPUTY SPEAKER

After “regulations.”

HON JOHN HOAREAU

Yes.

So, (14)(3) i annan en query la, “subsection (1) and (2)

shall not applied to persons who at the date of coming into operation of this Act, are performing transmission, distribution or supply, in which case they shall apply for and obtain a licence” - so, query LGB se what if the application is not approved?

MR DEPUTY SPEAKER

Onorab Pillay.

HON SEBASTIEN PILLAY

Mr Chairman you see i annan en kantite konfizyon, dan sa draft Lalwa. I don’t think it’s the draft fault, i think it’s the intent for. I annan en fot dan lentansyon ki Gouvernman i oule.

Par egzantp ou dir ek en dimoun koumsa poudir, tou dimoun ki oule fer procurement i bezwen al go according to regilasyon. Then ou met en proviso. Ou proviso, ou dir i pa pou aplik pou en dimoun ki ler sa Lalwa i vin an operasyon.

Savedir ler i ganny assented to ki pe deza pe perform transmission distributions. Savedir dan sa ka nou mean PUC. Ok? Zot, zot bezwen applied to obtain en licence lotorizasyon as required in part 5 and in accordance with regulations.

Which regulations are we saying now? Eski regilasyon ki nou’n mete dan 2, akoz ou’n

fini dir pou dir i pe *applied for 1 and 2* tou li. Konpran, nou'n *tangibly* servi sa mo regilasyon nou bezwen an konteks aköz ou'n fini fer en *proviso*.

So, i komans vin *confusing* prezan.

MR DEPUTY SPEAKER

So, ou kestyon i se ki in *accordance with regulation* la, *which regulations* egzaktman? Mr Imaduwa i oule eksplike?

PS TONY IMADUWA

Yes Chair.

Onorab mon krwar sa bout seksyon mon krwar i koz lo *procurement*, mon krwar sa lot konponan (3) i fer pou parey ou'n mansyonnen *rightly PUC*. Dan sa konteks se ler sa i vin an plas *PUC* i *already* have sa bann fasilite.

So, i pa vreman i pe al *procure* sa fasilite, zis selman i pou bezwen ganny *licence* pou sa bann fasilite ki deza annan.

MR DEPUTY SPEAKER

Ale, klarifye.

HON SEBASTIEN PILLAY

Ou pe koz lo demokratizasyon sa sekter, me selman ou fer en Lalwa pou favoriz *PUC*. Mon pa ganny en konpran *exactly what you want to achieve* la.

I understand in theory you mean you want to say PUC i deza pe deza pe donn

elektrisite par egzanp, i pa bezwen revini pou li re vin fer sa bann prosedir. *I understand* sa ki ou dir.

Be ou pe ouver sekter pou lezot operater. So, ou'n fini donn *PUC* en *favorable advantage* lo ou marse. *What I want you to think about* i se ki, si ou pe koz en *public* - Aköz ou pa azout *Public Utilities provisions*, dir *say what it is*.

I Public utilities Provisions by a public company e prezan ou protez sa konpanyen piblik. Mon pa konnen aköz Sesel ou bezwen fer sa letour.

Prezan ler ou dir mwan regilasyon, mon konpran ou Mr Imaduwa *what you are saying*. Me sa regilasyon kote i ete, lekel regilasyon ki ou pe koz lo la, la?

MR DEPUTY SPEAKER

Onorab Georges, ou le azout lo la?

HON BERNARD GEORGES

Yes. Mr Chair, mon krwar ki nou kapab *get around* sa problem, aköz sete sa osi ki ti pe fatig, konsern mwan en pe. Mannyer i ete la, *any operator* ki egziste e ki pou *applied* pou en *licence* i pou gannyen sa *licence*.

So, in that case mon pa ti pou bezwen met "*shall applied for*" nou ti a zis mete "*shall be granted a licence to continue its operation*".

But that's not the idea. Mon krwar the idea is pou annan serten regilasyon zot a bezwen apply e comply avek sa bann regulations e zot ava ganny en licence.

So, I think the way around that is simply to say, in which case they shall applied for a licence authorization as required by part 5 and in accordance with a regulation.

That means then the regulations will determine whether zot pou gannyen oubyen zot pa pou gannyen. Zot kapab fail.

E si zot fail zot ava pran bann remedials steps pou zot re apply e ganny zot licence.

MR DEPUTY SPEAKER

Minister?

MINISTER FLAVIEN JOUBERT

Thank you, Mr Chair.

Mon ti a voudre petet LGB i kapab donn nou byen kler sa bann mo, sa bann fraz pou nou kapab capture li byen par bann drafters isi devan. Mersi.

HON BERNARD GEORGES

Thank you, Mr Chair, zis dan clause (14) subclause (3) dan trwazyenm laliny, mon ti ava propoze ki i lir "in which case they shall apply for and obtain a licence or authorization epi i kontinyen parey"

Zis nou retir sa "and obtain" Donk, nou fer laplenn vin nivo pou tou dimoun. Sa bann operator ki la, ki effectively PUC i ava bezwen applied pou en licence, in accordance pou bann regulations ki pou ganny fer e ki pou applied pou tou lezot operater.

E sa i ava determinen si zot pou ganny zot licence, or si zot pa pou gannyen. Mersi.

MR DEPUTY SPEAKER

Mersi Onorab. Panel reaksyon?

MINISTER FLAVIEN JOUBERT

Accepted Mr Chair.

MR DEPUTY SPEAKER

Zot dakor avek propozisyon?

MINISTER FLAVIEN JOUBERT

Wi, Mr Chair nou'n aksepte.

MR DEPUTY SPEAKER

Very good. Onorab Hoareau. Good to go.

HON JOHN HOAREAU

Ok. Nou'n ariv lo (15)(1) menm paz kot nou pe met en word "2" after the word "access" lo premye laliny. Apre nou pe met en "s" avek systems lo dezyenm laliny.

Nou aprezan al lo (15)(4) sorry (15)(1)(b) yes. Kot "after

the word regulations” nou pe met en “s” apre i vin (1)(c) (1) kot nou pe met en “s” ankor avek regulations, pou fer li vin regulations.

Avek (15)(4) nou pe met dan dezyenm laliny, after the word “making” nou pe met “an application”.

(16)(1) menm paz after the word “two” trwazyenm laliny, kot i dir separate accounts and to prepare nou’n insert the word “prepare”. Separate accounts, accounting statements and balance sheet in respect of each one apre nou’n tir “or some” nou kontinyen “of the activities performed”.

Eski mon’n mank (4), (15)(4) “making an application” lo dezyenm laliny.

Prezan nou al lo (17) (2) lo paz 26 “A licensee shall provide the Commission with” nou’n include the word with all the information.

Anba (18)(1) “an inspector or any person authorized in writing by the Commission”, aprezan nou’n tir “in writing shall have” nou’n kontinyen “has the right” nou retir “at all time to enter upon a premises of a licensee or authorization holder at any time” nou’n include the word “at any time”.

Nou al lo (18)(1)(d) kot dezyenm laliny sa paragraph after the word “may” nou’n include “may be furnished as

evidence”. Apre nou’n retir en pti pe pli o dan dezyenm laliny nou’n retir “s” avek reasons pou tir li plural pou fer li vin singular.

So, i pou lir koumsa “seize records or material objects if the inspector or the person authorized has reason to believe, that it may be furnished as evidence of the Commission” nou pou tir capital (C) nou met en small (c), ok, apre i kontinyen.

Nou al aprezan lo paz 27, son title “public consultations” nou met en “s” avek and hearings.

So, (19)(1) aprezan, “In order to promote transparency within the energy sector, any matter that may affect the economic” so, nou’n include the word “the”.

Nou al lo (19)(3), “The public” small (p) for public. Apre dezyenm laliny en “s” avek persons. Apre nou al lo (19)(4) “Where the Commission or the Minister convenes a public hearing” nou’n tir sa mo “cause” - “convenes a public hearing or issues a consultation document” nou’n tir sa mo “the” after “or”.

Nou al lo paz 28.

MR DEPUTY SPEAKER

Ou annan en pwen la? Ahr pa ou, LGB? Ou ti pe ed li. Ok bese mon war.

HON BERNAD GEORGES

Mersi, Mr Chair.

Mr Chair dan *chapeau* subclause 4 “Where the Commission or the Minister convenes a public hearing or issues a consultation document it shall—”

It applies to Commission, me Ministers are people. E mon pa kontan apel en Minister ‘it’, mon propoze ki nou sanz sa “it” e nou ranplas li par again the Commission or the Minister. “Where the Commission or the Minister convenes a public hearing or issues, the Commission or the Minister shall”. Mersi.

MR DEPUTY SPEAKER

So, nou re ekir antye *Commission or the Minister* la dan plas “it”. *Agreement? ok.* Onorab Hoareau.

HON JOHN HOAREAU

Nou al lo (4)(6) on page 28.

MR DEPUTY SPEAKER

Hold on. Onorab Pillay.

HON SEBASTIEN PILLAY

Mr Chairman, ler nou regard sa (19)(2) i dir “*the Commission shall submit to consultation by means of a public hearing or consultation document, before setting and reviewing tariffs*” mon pa krwar i lir byen.

It does not sound well, akoz “the Commission shall

submit what to consultation? Reviewing of tariffs, non? Is that what the clause is trying to say? It really does not read well, unless I am mistaken me pou mwan i pa lir byen Mr Chairman.

MR DEPUTY SPEAKER

(19)(2)(a) i pe refer to.

PS TONY IMADUWA

Egzakteman, i pa pe *read* byen konmsi ou pe dir?

MR DEPUTY SPEAKER

Onorab Georges.

HON BERNARD GEORGES

It should be “shall submit the matter” akoz dan chapeau (19)(1) i dir “any matter that may affect the so and so may be submitted by the public Consultation, to public consultations by the Minister.

So, mon krwar ki dan (19)(2)(a) “*the Commission shall submit the matter to consultation” and (b) as well yes. Thank you.*

MR DEPUTY SPEAKER

Panel is in agreement with that? Very good. So, laparol i pou Onorab Hoareau panel i dan agreement, so proceed.

HON JOHN HOAREAU

Alright so, nou’n ariv aprezan lo (19)(4) - (19)(4)(c) (6). Interested lo paz 28 “interested

persons, so nou'n met en "s" avek "person" pou fer li vin "persons" and the general public.

Me zis avan sa (5) osi nou'n retir en "s" avek *associations*, fer li vin *associations of consumers*.

MR DEPUTY SPEAKER

Ok, be mon krwar la i pou en moman apropiye pou nou arete. Akoz nou pe al pran *part 5*, so, demen bomaten nou a vini parski nou'n ariv lo 20enm *clause*.

An tou mon krwar i annan *69 clauses* sa Lalwa. So, si nou ti travay parey Moris nou ti a reste ziska 1er bomaten, me malerezman nou pa travay parey Moris.

So, nou ava *adjourn* la, demen bomaten Minister ou a bezwen retournen e letan ou fini sa, nou pou pran *Utilities Regulatory*.

So, Onorab Pillay mon war ou lanmen anler.

HON SEBASTIEN PILLAY

Mersi Mr Speaker. Mr Speaker mon pe zis aport a latansyon Lasanble *the time sensitivity of* mon Mosyon, akoz *each day* ki nou *delay* sa Mosyon, nou kapab dakor pa dakor me si i pase *then* sa dimoun ki sipoze ganny son sekirite sosyal 63an i pou gannyen.

Si i pa pase, nou *still* pa pou gannyen. Me nou pa

kapab ale *leave it to chance* ki nou kontinyen ganny *delay*. So, mon pe zis met sa a ou latansyon ki mon ti ava apresye *to literate* ki mon ganny *in writing*, pozisyon Speaker akoz mon annan lentansyon demen Mr Chairman - nou pa ankor sorti dan *Committee Stage* pou mwan *move* lo sa Mosyon.

Mon remersi ou pou ou lendilzans.

MR DEPUTY SPEAKER

Mersi. Mon ava demann *Sergeant-at-Arms* pou retourn nou dan Staz Lasanble Nasyonal.

Mon ava remersi *panel e* Minis pou avek nou apre midi. Donk, nou pou *adjourn* la nou pou rebran travay demen bomaten 9er. E nou pou kontinyen dan Staz Komite pou nou get *Electricity Bill, 2022*. Mersi.

(ADJOURNMENT)

